

**SIXTH LEGISLATIVE ASSEMBLY OF MIZORAM
(EIGHTH SESSION)**

LIST OF BUSINESS

**FOR SEVENTH SITTING ON FRIDAY, THE 15th JULY, 2011
(Time 10:30 AM to 1:00 PM and 2:00 PM to 4:00 PM)**

QUESTIONS

1. *Questions* entered in separate list to be asked and oral answers given.

SPECIAL MOTION

2. **Pu LALDUHOMA** to move a Special Motion under rule 138 of the Rules of Procedure and Conduct of Business in Mizoram Legislative Assembly.

PRIVATE MEMBERS' BUSINESS

3. * Resolutions

NGURTHANZUALA
Secretary

Please see Bulletin Part – II No. 160, Sl. No. 1-15 dated the 12th JULY, 2011 for relative precedence of Private Members' Resolution to be moved.

S P E A K E R : Sual, sualin thungrul suh ula, hauna haunain thungrul hek suh ula malsawm hlauh zawh rawh u. (I Peters 3:9). Zawhna leh chhanna hun kan la anga, Dr. R.Lalthangliana i lo sawm ang.

Dr. R.LALTHANGLIANA : Pu Speaker, ka starred question 51-na Higher and Technical Education changtu chhan a tan:-

- a) National Institute of Technology Mizoram hian Engineering Mechanical Workshop First & Second year atan ruahmanna a siam fel tawh em ?
- b) Laboratory 15, All India National Institute of Technology Standard-a siam tura tih hi peih fel a ni tawh em ?
- c) National Institute of Technology-a thawk tur-Teaching and Non Teaching Staff-te lak (recruit) an ni tawh em ? tih ka zawt e.

Pu LALSAWTA, MINSTER : Pu Speaker, Dr. R.Lalthangliana zawhna chhanna -

- a) Engineering Mechanical Workshop hi B.Tech-in-Mechanical Engineering zirlai tana mamawh a ni a, tunah hian NIT Mizoram hian B.Tech-in Mechanical Engineering hi a pek loh avangin he Workshop hi ruahman a ni lo. Tuna NIT Mizoram-in subject a pek mek B.Tech-in-Electricals, Electronics leh Computer Science atan First Year zirtur tan workshop hi ruahmanna siam fel a ni. Workshop hi second year-te tan siam fel a la ni lova, tuna Nagpur-a First year (1st Semester leh 2nd Semester) zir zo mek ten Second year (3rd Semester) hi Nagpur-ah an zir chhunzawm ang a, January, 2012 an 4th Semester (Second Year ending) zir turin Aizawlah lak chhoh an ni ang a, second year tana workshop mamawh pawh hi siam peih a ni tawh ang.
- b) NIT atana Workshop hi National level-a standard specification/Parameters a awm kher lova, chubakah NIT hi AICTE hnuaia din a ni lo bawk a ni. Sawi tawh angin a bul tan chauh kan nih avangin NIT puitling laboratory tul zawng zawng hi vawi leh khata neih leh din nghal vek theih a ni lova, zirlaite mamawh ang zel a din chhoh a ni ang.
- (c) National Institute of Technology-a thawk Teaching and Non-teaching-te lak recruit a ni tawh em tih chhanna chu hetiang hi a ni:- NIT Mizoram thawktu tur Teaching Staff 8 leh Non-teaching Staff 9 lak buaipui mek a niin Interview te pawh buaipui mek a ni a. Appointment Order-te pawh pek vek tawh an ni e, tih hi ka chhanna a ni e.

S P E A K E R : Zawhbelhna Dr. R.Lalthangliana, a dawtah Pu Lalduhoma.

Dr. R.LALTHANGLIANA : Pu Speaker, hei kum 2009 khan North East State 6, Mizoram, Manipur, Meghalaya, Nagaland, Arunachal leh Sikkim tan hian hemi NIT tan hian pek kan ni a, hemi crore 250 lai senga NIT pakhat hi din tur tih a nih laiin, hei vawiinah kan kal chak thei vak lova. Tin, chutih lai chuan nimin Chanchinbuah te leh nizan news-ah te khan kan lo ngaithla a ni, 21 tun thla, karleh lam maiah te khian tan tur tihte kha a awm a. Sorkar thuchhuak angin kan Minister zahawm tak khan Press Conference te neiin ka hria a. Tah khan kan zawh duh lai pakhat chu khuta Nagpur, kan Mentor Institute kha Nagpur NIT a ni a, khatah khan Mizoram atang paw'n zirlai 20/30 dawn kan nei a. Anni kha shift chhoh lo nihna lai turah khan harsatna an tawk nasa viau ang khan hmuh theih khan a awm a. Chulai chu kan Chief Minister pawh hian a D.O. Letter-ah kan Union Minister Pu Kapil Shudela hnena a thawnah hian April ni 18 ah hian tunmaiah hi chuan an la harsa a nih hi mawle, Infrastructure leh kan inbuatsaihna pawh ti hi a nih hi ti khan, a zuk zia mek laia, hetiang zirna pawimawh tak mai IIT dawttu tia kan lo sawi thin kan duh em em, phuahchawp lutuk deuhva mi In luah leh campus pawh nei lo lutuka kan han tan tur hi tlem chuan ngaihtuahna a tibuai khawp mai a, a phuai luai lutuk ang a, churang chuan kum khat atana kan Chief Minister-in a zuk thlen ang hian a tihtlai deuh theih lawm ni? Tin, a placement-ah pawh nakinah an han zir zo ang a, helai zirlai naupang an lak te hi Pu Speaker, All India ah Entrance Test tak taka tih a, cream tak tak kan naupang te top ten amite, Matric leh Higher Secondary School-ah te pass kha an ni hlawm a. Churang chuan, tun rum rumah buarchuar angreng taka tan lo hian a pawh hlat theih lawm maw ni le? tih kha ka zawhbelhna a ni a.

Tin, recruitment chungchangah hian ka'n zawh duh chu 'Advertisement for Teaching and Non-Teaching Post' tih NIT Mizoram- in an rawn chhuahah hian a duh tui khawp mai a. Heta an ziah dan phei chuan excellent academic background an ni tur a ni, commitment quality teaching tih te, potential for carrying outstanding research tihte, tikhan Professor te, Associate Professor te leh Assistant Professor post atan khan an advertised ta a. Kan lo hriat dan chuan khatiang anga bul kan tan dawn a, tuna kan lak chinah hian a pawimawh riau a, tuna ka zawh tur hi. Professor leh Associate Professor pawh nilo, Assistant Professor 8 vel khan bul an tan dawn chauh ni te in kan lo hria a, hei hi a dik em? tih kha ka zawt duh a. Bulk an tanna turah hian uluk a ngaiin ka hria a, chulai chu min chhan theih chuan a lawmawm khawpin ka ring a. Thil pawimawh tak a nih avang hian, ro tling tur tak taka kan din hi a thain ka hria a, churang chuan kan bul tanna-ah hian ti mai mai lo ila tih kha ka zawhna a ni ber mai.

S P E A K E R : Tunah Pu Lalduhoma, chumi hnuah Pu C. Ramhluna, chutah chuan hemi zawhna hi chu kan duhtawk ang.

Pu LALDUHOMA : Pu Speaker, ka zawh duh hmasak ber chu National Institute of Technology Act, 2007 copy hi min pe thei em? tih a ni a. A pahnihna-ah chuan a hmun tur thlan mek chauh a ni a, building pakhatmah a la awm lova, rented house - ah tih tum mek a ni a. Tahchuan Teaching and Non-Teaching Staff tur hi 8 leh 9 chauh ve ve lak mek an ni a, advertisement - ah

hian, “Professor turte hi hmuh zawh loh anih chuan”, tihte a awm sa a, a tlan chhe sa tlat mai a, “Assistant Professor-ah divert a ni ang”, tihte a ni a, kha khan a quality a khawih nghal a. Tin, he advertisement hi full calendar year chhung atana hawn a ni a, chhan theih hun a la ral lo hrim hrim a. Tin, Laboratory hi kan hriat dan chuan 35 vel a ngai a, a vaia vawikhata neih vek phe chu a harsa ang a, a tullo te pawh a awm ang a, kan neih sa hi a la tawk lo hrim hrim a.

Tin, Inspection hi permanent campus-ah a ni emaw, rented house-ah a ni emaw, neih tur a niin kan hria a, Inspection Team hian hawn tlak anih leh nih loh an la en lo niin kan hre bawk a. Hengte anih avang hian kan Chief Minister zahawmtak pawhin kan la inpeih loh thu Union Minister hnenah a lo hrih a, engatinge tunah hian kan inpeih tak thut tih hi ka zawt duh a ni. Chanchinbu-a alo landan chuan NGO ten min pressurized tihte kan lo chhiar a, tu NGO te nge an nih? Engvangin nge an pressurized? Tu hnenah nge an pressurized ? ka hre duh a. Nimin lama kan Minister zahawmtak Statement kan chhiar chuan VNTI Nagpur-in min pressurized a ti leh thung ta a, Engvangin nge min pressurized? kum nga chhung kan mentor ni tura tih an ni a, an hnuaiah hian NIT tamtak pawh an enkawl a, tumah an pressurize kan hre lova, naupangho Hostel allotment pawh an pe vek si a. Nagpur hian min pressurized anih chuan engvangin nge min pressurized? Kum nga chhung min hmui tura tih ni si a, hei hi awih harsa ka ti viau bawk a ni. Tin, ti taka kan hmanhmawhna chhan hi a phenah hian thil awm a awm em ni? hetiang boruak nei nuai hnuaiah hi chuan kal duhlo lo awm ta sela, naupangte hian counseling thar lo nghak ta sela, placement-a an buaite hlau ta sela naupang hi kan hmu angem? tihte thlenging ngaihtuah a ngaiin ka hria a.

A tawp bera kan zawh duh chu tuna VNIT Nagpura kal laite leh student dang technical leh professional course a kal reng reng an senso kan sorkarin a tumsak thin a, scholarship-te a pe a. State dang chuan cheque-in an pe mai a, an buai ngai lova, keini chu an nu leh paten an senso an tum phawt a, an rawn re-imburse a, chu pawh chu engatinge vawiin thleng hian full-a an re-imburse ve theih loh, engatinge nawr nawr an ngaih? Miin an nawr a, engemawtizat an nawr chhuak thei zel maite hi a mak a ni. Kan zirlai, kan ram tihmelawitu turte heti reng renga rilru haha kan siam hi chuan, a dikin ka hre lova, an chanvo tura Sorkarin kan pek chu awlsam zawka an dawn theih dan tur hi siam theih a ni angem? tih kan zawt bawk a ni.

S P E A K E R : Pu C. Ramhluna ilo sawm ang.

Pu C. RAMHLUNA : Pu Speaker, ka'n zawh duh chu NIT hi tunah hi chuan in luaha tan kan tum niin a lang a, a hmun nghet tur ram hi khawilaiah nge en a nih a, khawilaiah nge pek Sorkarin a tum? Kan lo hriat dan hi a dik em? Thenzawlah V/C ten a thlawna ram pek an tum niin kan lo hria a, hei hi thil dik a ni em tih ka hre duh a, chutih lai chuan Thenzawlah hian mi hausa tuten emaw ram an lei khawl leh tawh e, an ti a, churang chuan ram leilo hian a thlawnin NIT hi din tum a ni em? Ram lei tum a ni em? Tih kha ka'n zawt duh a ni e.

S P E A K E R : Chhang turin a changtu Minister ilo sawm ang.

Pu LALSAWTA, MINISTER : Pu Speaker, a zawhna neitu Dr.R.Lalthangliana zawhna kha ka'n chhang hmasa ang a. Inbuatsaihna neih that leh that loh chungchangah hian kan nei tha tawk a, hetia han neih belh leh nei thar ho zingah chuan kan chak a, kan chak luat avang hian zirlaite hian an awmna pangngaia awm reng an duh zawk a, kan chak avangin an pawite pawh kan sawi ta hial a ni awm mange kan ti a. Tin, NIT hi a hming atang pawh hian Central Institute a ni tih kan hriat a ngai a, Central Institute anih avang hian State Sorkarin kan tih chin leh kan theih ve chin hi chin tawk nei a ni. He laiah pawh hian Post Office a awm a, helai House bul lawkah hian, tunge Director ni a, tute nge a thawk tih leh a ruak a awm em tih velah hian chuti teh chukin kan buai vak lo. Mizoram University ngei pawh Central Institute a ni a, kan inrawlh chin leh kan hriatchin hi a awm a ni.

Tichuan, keini a mawhpurhna leh neitute hian Mizorama awm chin hi chu kan theih ang tawkin kan ti ang a, a phusui thei ang ber turin kan duh a ni. Mahse Central khuan mimal takin Central Cabinet-in 2009 khan hemi chungchang hi a rem felfai viau a, programme fel takin a nei a. Mi tam zawk, State dang tamtak ami hi chuan Regional Engineering College-te an neih avangin a bul lo tan mai theihna infrastructure awmsa an nei a, keini neih ve chhun hi Polytechnic hi a nih mai avang hian a tawkin kan hre lova, chuvang chuan a thar diai neih hi a tul avangin Nagpur te emaw, Chennai te emaw hmun danga mite ngaihtuah chuan a phuisui lovang tih hi kan hria a. Tin, thenkhatte hi chu 1960 daiha din tawh te a nih avangin a phuisui dan hi hi a inthlau tur a ni. Keini vawiina rented house-in lo ti mai phawt rawh u tia Central sorkarin programme min siam sak anga kan tih hi tihsual pakhatmah a awm lova. Tin, Chief Minister-in a ziak tih kha a dik a, a copy-te pawh in nei a nih ka ring a. Engpawh ni se, kan CM hi mi khawngaih thei tak a nih avangin mimal anga an tlan luh takah chuan a theih dah law maw tiin a lo ngaihtuahpui a ni a. Mahse, VNIT, Nagpur bakah hian Central sorkar pawh hian hmanhmawh turin min duh a. Hmanni lawk June 7&8 a Central Advisory Board of Education leh Ministers' Conference-a kan kal pawh khan kan zavaia kan awmnaah khan Pu Kapil Sibal, Minister of Human Resource Development hian kan zavaiin hmanhmawh turin min tur a ni. Chuvangin, helai thil hi keimahni hmanhmawh a ni lo, hmanhmawh hi kan tih tur a ni zawk a ni. Tin, zir chhuakte an placement a tha lovang tih hlauh chungchangah khan kan sawi nasa mah mah em ka ti a. Mizorama zirna tha tak duh si hian a engamah hma hian, engmah la thlen hma hian chhe tura kan sawi vak vak mai hi kan tih tur emaw ni dawn chu aw tih pawh hi ka ngaihtuah a. Zirna lamah hian Mizo hi kan hniam vak bik lova. Khawvelte zawng kan sawi ngam lova, India ram angah te chuan zirnaah hian hniamah kan inngai phal reng reng lova.

Chuvangin, Mizorama zir chhuakte hi placement chungchangah harsatna an nei turah kan ngai lo a ni. Tin, recruitment chungchangah khan Dr. Lalthangliana han zawhna thovah khan, kan mamawh ang hi recruitment hi an ti a ni. Hemi recruitment ti tur hian Mizorama kan Secretary, Higher and Technical Education enkawltute pawh hi an tel pha lo a ni. Board of Governors an nei bawk a, mi 6 lek, an uluk em em a ni. Anni khuan yardstick fel tak neiin , tih dan tur fel tak neiin, guidelines fel tak neiin recruitment an ti a. An uluk a nih ka rinna chu Mizo zingah thiam ve fe fe an awm chungin, an dil bawk chungin pariat zingah hian

vanduaitlak takin pakhatmah an tel pha lo tlat a ni. A pawl khawp mai a, mahse an duhtui vangah ngai ila a thain ka hria a.

Tin, Asst. Professor chauh hi engtizia nge tih chungchangah khan Professor puitling hi kan hmuh kan rin loh avangin kumin December thla tawp thleng hi chuan open-in ni se kan hmuh hlahu takin kan ti a. Chuvang chuan, open-a kan dah chhan zawk kha kan hmuh hi an ring lo a ni, helaiah hian. Delhi emaw Nagpur ngeite chu ni se hmuh pawh kan hmu mahna. Mithiam hi an hlu em em a, chuvangin kan hmuh loh palh takin tiin chutiang chuan remruatna an siam a. Tin, Asst. Professor hi tuna zir turte tan hian a tawk a ni, an subject atan hian an tawk tlat a. Chuvang chuan, kan ti mai mai lo hei hi. Ti mai mai tawngkama rawn hmang zauh kha pawl ka ti a. “Ti mai mai” kan ni awzawng lova hei hi tih takzetin kan ti a, kan thiam leh kan theih ang tawkin. Keini piah lamah keini aia duhtui mah Central team, coordinator, VNIT Coordinator-te an tang nasa em em a. Chutih lai chuan, khawi atangin emaw supply lampanga tui ang taka an rawn sawi phei kha chu Profesor Thorat-a te, he House-ah hian a hmingte pawh han sawi lang ila, an rilru a na khawpin ka ring a, anmahni pawh hrilh ngam chi niin ka hre lo. Tin, kan Member zahawm tak Pu Lalduhoma zawhna kha NIT Act 2007 hi session chhung hian kan rawn pe thei anga, Member zawng zawngte rawn sem che u kan tum ang a.

Tin, a hmun chungchangah leh rented house chungchangah khan bul tan kan ni a Central guidelines angin, “In la nei remchang lo chuan rented house-ah tal bul lo tan rawh u”, an tih hi kan ti lo thei lova kan tih hi tha kan ti bawk a ni. Tin, Teaching Staff leh Non-Teaching Staff chungchangah khan tuna ka sawi tawh ka han chhan khan a tifiyah maiin ka hria a. Tin, 35 awm tur a ni tih kha chu a ni lem lo, zirlai an tlem miao kha chuan 35 an nih kher kha a tul chuang lova tuna zirlai kan neih 67 te leh lo lut thar turte nen hian Teaching Staff atan 8 kan neih rih hi a tawk an ti a ni. Laboratory chungchangah chuan laboratory hi 6 kan nei a, hei hi computer science leh electricals leh electronics he subject pathum atan hian a tawk a, tuna 2nd year hi tun December thlenga Nagpur-a an kir leh dawn phei chuan a tawk aia tam kan nei a ni tunah hian Pu Speaker, 6 hi a tawk an ti a. Tin, 3rd year te, 4th year te an zir chhoh zel dawn chuan an mamawh milin an mamawh hunah, mamawh loh laia lo neih hi tulin kan hre lova, an mamawh hunah an la nei dawn a ni.

Tin, min pressurize tih chungchang hi min pressurize khawp mai, an hmanhmawh a ni. Prof. S. Gokhale leh Prof. Thorat te pawh hi mimal takin kan inah an lo kal tumin a hranpa ve ve in ka zawt a. “Kan naupangte hian khulai atanga zirchhuah hi an duh khawp mai a, theih dan hi a awm em?” tiin ka zawh mai mai naah chuan, “A theih loh, a theih loh chhan chu kum tin an luh belh zel a, kan in-take capacity hian khutah keinin tam tak kan nei si a residential hostel atan te, laboratory atan te kawng dang hrim hrim kan facilities-in a zo lo a theih loh”, an ti a. Chuvang chuan, an theih chin hi chu a kum khatna khuta an lo zuk zir hi kan theih chin ni awm takin a lang. Tin, helaiah hian sawi tel ngai chu.....

Pu LALDUHOMA : Chuti a nih chuan dan bawhchhia a ni thei ang em? Kum 5 chhung atana kan mentor ni tura tih a ni si a, tuna NIT thar

10 zinga 9 dangte pawh hi tumah anmahniin an la inlahrang lova, an Mentorten an enkawl ve vek tho si a, hmanhmawh tur chuan min tur ang, in peih hmaa insawn tur chuan min tur kan va ring lo ve.

Dr. R. LALTHANGLIANA : Pu Speaker, a sawi lai mek khan entirnan, Delhi te pawh khuan an nei ta a, Andhra Pradesh kha an mentor an ni ta a, tin, Meghalaya kan thenawm lawkte pawhin Surat Gujarat-ah tikhan Nagaland te, Arunachal-te pawhin, keini ang chuk chuk lo deuh hlek hian an tiin ka hria a, kan han en kual a. Kan bul tanna hi he institute hi a pawimawh si a, uluk takin tha taka han tih hian kum khatte emaw chu han nghak leh lawk ila tih kha ka'n zawhna a ni ber a. Chulai chu min han chhan fel sak sela tih kha ka duh lai chu a ni a, kan inpeih chhuah dan kha fel tawk lova kan hriat vang a ni.

*Speech not correct.

Pu LALSAWTA, MINISTER : Kumkhat chhung kan inbuatsaih tawh a, fel tawkin kan hria a kan kal mek a, ni 21 khi a hawn tur ni a ni a, kan inpeih a ni. Chuvang chuan, kan kal dan turah hian inpeih lo, phuai luai leh fel lo leh fem tak anga sawi tlat tum hi kan Mizoram Institute neih tur hi kan tibawrhbang ang tih chu ka hlau khawp mai a. Tin, kum 5 chhung mentoring tih kha sawifiah a thain ka hria. He House-ah hian mentoring awmzia hi hmui tur tihna a ni lo a, kaihruai tur kawhhmuh tur tihna mai a ni, 'kan lo khawi reng ang che u kum 5 chhung hi kan hnenah in awm tur a ni' tihna a kaw lo. Chuvang tak chuan Central sorkar pawhin rented house-ah pawh a kum hnihnaah hi chuan an awm tur a ni min ti a ni. Chu chu pressure min pekna chhan pawh a ni. Tin, Warrangal kha an rawn sawi a, an NIT Director-te an service chungchangah an mumal lova, an mumal loh a avangin Delhi-a han buatsaih vel, wawiina vanneih thlak taka kan coordinator-te an chet zung zung anga, an chet ve theih loh avangin, "Awm chilh mai rawh u", an ti a, kum 2 vel chu an awm chilh dawn a ni, kum 1 an awm chilh mai bakah khuan. Chu chu an dinhmun ani a, an famkim lohna leh an fel lohna entawn tlakah ka ngai lo a kei chuan, chuvangin warrangal hi sawi sawi chi ah pawh ka ngai lo a. Tin Silchar hi Pu Speaker, an sawi fo a. "Silchar-ah pawh Nagaland hoin an chhonzawm dawn a, engati nge hei hi Mizoram hian an theih loh?", an ti thin a, 'Anti' tih hi tha ka tih loh avangin kan Joint Director Pu Zochungnunga ka tir a, a zuk kal a, "A hmun ngeiah zuk kal la zuk fiah rawh", ka ti a. A zuk fiahnaah chuan, "Nagaland pawh an ramah an zir dawn", tih hi a rawn hawn a, ziaak pawhin a theh lut a ni. Kha kha a nih dan tlangpui chu a niin ka hria a.

Tin, scholarship chungchang hi kan hnenah hian an rawn sawi ve zauh a, amaherawh chu helai hi an harsatna tawh hi kan phal lova, harsatna tawk lo turin hma kan la mek a Pu Speaker, tin hetiang hian chuan zirlai hi kan hmu zo lo mai ang a tih hlauhthawnnate pawh kha a awm a. Tunah hian counseling-te an ti a, a thlangtute kan han en hian first round, second round, third round-te kan han en hian, Mizoram hian 'retain' tawh kha, duh thlang nghet tawh kha, engemaw zat an awm tawh a ni. Chuvang chuan an duh ve viau a nih kan ring.

Tin, member zahawm tak Pu C. Ramhluna rawn zawhnaah khan, rented house tih chungchang kha chu an mahni rawn direction a nia, tin tul pawh a tul bawk a, khatiang tak khan kan kal ang a, kum 5 chung khan khatiang khan kan kal ang a. Tin Thenzawl chungchang ah hian sawifiah a ngaiin ka hria a. Thenzawl atang hian mumal takin offer an rawn nei a, offer an rawn neih takah chuan hmun dang atanga offer neuh neuh te nen kan han enkual a, Thenzawl hian an nei tha berin kan hria a, a tirah, “Acre 380 kan pe thei ang che u”, anti a, chutih lai chuan ka va en a keipawhin. Mahse a hnuah kan duh tam leh deuh dawn a an hriat avangin, “420 acres hi a ni zawk e”, an rawn ti a. Acre 420 an rawn tihah hian keini chuan nei thei turah kan inngai a. NIT atan hian acre 300 hi an requirement a ni a.

Tin, Pu Speaker, kan hriatsa vekte pawh a ni maithei a, kan hriat ngai chu mi kum 1960 atanga lo indin tawhte leh naupang sang chuang neite, kum 50 zet lo indin tawhte leh keini indin thar turte nen hian khaikhin chi a ni lo a. Laboratory te pawh hi 40-50 an lo nei a nih pawhin zirlai an tam miao chuan laboratory an mamawh ang a, football field pawh 5-6 an lo nei ang a, cricket field-te pawh. Keiniah chuan zirlai awm mang silo a kan awm tawkin a an hman tawk kan neih hi tawk maiin kan hria a, kan tlin tawk leh kan mamawh tawk piah lampang, mi phuisui tawhte nena khai khin a, keimahni lampang insit chiam hi chu a tha awm lo mang e aw ka ti a ni. Ka lawm e.

S P E A K E R : A chhang kim maw. House Leader-in engemaw sawi duh ve te a nei a ni, lehkha ziate kha a nei a. Kha kha alo rik tel avangin.

Pu LAL THANHAWLA, CHIEF MINISTER : Pu Speaker, he thil hi thil lawmawm tak a ni a, amaherawhchu, naupang tlem te kha fuihpawrhtu an awm nge ka hre lova, khati khawp out of proportion an blowup kha a pawh hle a ni. He ramah hian a hman hman in press conference kan kova, a hman hmanin press release kan siam a, chawtaka lo khukupui kan awm zel bawk si a, a pawh khawp a, kan duh anga kan inpeih dawn loh kan hlauh avangin Kapil Sibhal-a hnenah lehkha ka ziate a, amaherawhchu an pawm lova kan hman hmawh kha min duh pui a ni. Chuvangin kan theih ang angin kan inbuatsaih ta a, kan inbuatsaihna chu a famkim loving, sum duh tawk a rawn awm nghal ur ur bawk silova, chutianga harsa taka tan chu kan ni a.

Tin, humble beginning a ni lo thei lo, hei Central University, Mizoram University pawh hi Pu Speaker, a tirah chuan Chaltlangah te mi in an luah a, hetah Kulikawnah te an luah hranga, ti khuan siamsa in an luah mai lo tih chu a hre tu te kan ni a, chuvangin hei pawh hi kan han nei ang a, a la in develop chho zel dawn a ni. Tin, Nagpur lampang zawk pawh hian min hmanhmawh puia, Nagpura an hotu pa ber Gokhale pheih chu vawihnih nge, vawinga lai alo kal a ni. Chutiang chuan a site kha mi rawn en pui a, in prepare tur leh inpeih turin min duh avangin khatiang khan wavi tam tak a rawn kal ani. Tin, min hmanhmawh pui zia chu, ti thuai thuai tura min duh zia chu a board of Directors an tia maw ni, Governors an tih pawh kha a team-in an lo kala, a site kha an rawn zawng a ni. Tichuan hmun engemaw zat an tlawh hnuin Thenzawlah an fu ta a, Thenzawl khan an duh ang zat a zau ram kha an pe thei

bawk si a, sawi a tama hemi thu hlaah hian. Hei Mass Cominucation te pawh tun August thla hian tan theih kan tum a, University-ah kan bei mai mai rih dawn a, tin Institutes of Management-te pawh Rajiv Gandhi Institute of Management Shillong-in min hmuiin he laiah ATI ah te leh a rem chang chang ah te tun kum hian kan tan dawn a ni. Chutiang deuh vek chu a ni, siamsa vek kan neih loh avangin. Tin an duhthusam chuan chuan Airport- atanga darkar hnih aia rei kal nilo se tih hi an duhthusam a ni. Mahse an duhthusam kan tlin lo a ni.

Tin, Compensation hnam kan nih hi an hria nge ka hre lo, freeland a ni tur a ni an ti zel a ni. Lei an tum lo, hei nimin pawh khan kan Deputy Speaker zahawmtak nen kan in hmu a, khulai Lengpuih khuan zau tak an duh zat zat a awm a, tah khuan in fu thei lawmni min ti a, a lawmawm khawp mai, an duhthusam pawh a ni ang, mahsela lei ngai a ni a, lei ngai lamah hi chuan an tui vak lo a ni. Chutiang chu a ni a, tute emaw avangin he NIT hi neih loh mai hi kan hlauh ber zawk ani. Chuvangin neih thuai a, tihchangtlun thuai kan duh a, chu chu a kal phung ani mai. Sawitur tam tak awm mahsela a chiang tawh a, Minister zahawm takin a rawn sawi kha a chiang tawh a, chuvangin kha lam kha chu ka sawi tawh loving. Ka sawi ang khan NIT chauh hi a ni lo, Institute of Mass Communication te, management te pawh hi neih kan duh a, nei se min duh bawka, tin, Eleventh Five Year Plan chung ami tur anih avangin hetia kan tih deuh chuk chuk hi a ngai ta a ni tih hi member zahawm tak ten hria se ka duh khawp mai.

SPEAKER : Le, Ripan-ah te pawh mark tha tak tak te hmuin an chhuak a, ATC te phei chu ram dang atang pawhin BD zir nan an rawn duh khawp mai a ni a. Tin, Tin, hetiang hian Mizoram chung anih avanga chhe buaih turah ka ngai lova, chutah Agriculture University-te pawh Selesihah a awm a, khingte pawh khi an rawn pan khawp mai a. Beiseina sang tak leh lawmawm tak nei phawt zel theuh ang u. Tunah starred question no.52-na zawt turin Pu T.T.Zothansanga i lo sawm ang.

Pu T.T. ZOTHANSANGA : Pu Speaker, ka lawm e. Starred Question no.52-na, Hon'ble Minister for Power & Electricity in min chhan atana ka zawhnate chu hengte hi an ni.

- (a) Tuirial Hydel Electricity Project hi Megawat engzat pechhuak thei tur nge ?
 - (b) sorkar hmasain a hluihlawn kha chhunzawm a ni leh ta em ?
 - (c) Tuirial Hydel Project kha sorkar hmasa khan engvang a bansan nge an nih ?
- Tih te an ni e.

S P E A K E R : A chhang turin a changtu Minister, Pu Lal Thanhawla ilo ko ang.

Pu LAL THANHAWLA, CHIEF MINISTER : Pu Speaker, Member zahawm tak, Pu T.T.Zothansanga zawhna, (a) - na chhanna chu : Tuirial Hydel project hi Power 60 megawatt pechhuak thei tur a ni. (b)-na chhanna chu : NEEPCO in an chhunzawm tawha, an thawk tan tawha. Amaherawhchu a kawngte a lo chhe rei tawh

a. Kum 10 chuang ngaihthah anih avangin a tha lova, tunah hian siamtha turin PWD in tender an chhuah tawh a, an thlang fel tawhin ka hria a, kan hmanhmawh avangin chak taka hma lak tum a ni. Tin, 3-na chhanna chu : NEEPCO in an tarlan dan chuan Law and Order-a harsatna a awm avangte leh Tuirial claimants association ten compensation pek tur chungchangah harsatna an siam avangin hnathawh chawlhsan lailawk a ni.

S P E A K E R : Zawhbelhna Pu T.T.Zothansanga hnuah Pu K.Liantlinga.

Pu T.T.ZOTHANSANGA : Pu Speaker, ka lawm e. Hei Tuirial Hydel compensation hi sawi a tam khawp mai a. Hun engemaw atang khan inhnialna a awm a. Party leh party han inpuh mawhna awm deuh hleka ngaihna te a awma ka hriat avangin ka'n zawt a ni a. Hei kan Minister changtu khan a rawn sawi dan khan Compensation vang kha a ni tiin tunah khan min rawn chhanga. Pu Speaker, i phalnain helai lehkhahu pakhat hi ka'n chhiar anga. ' Chief Minister Pu Zoramthanga chuan NEEPCO ten hna an chawlh san chhan hi compensation vang a nilo, compensation pek tur hi pawisa tlemte buaina tham a nilo. NEEPCO regional manager inthlak vang a ni, a ti '. tih hi a ni a.

Tun laiin lehkhahute hi kan ziaik nasa a, mi a hruai sual thei nasa khawp mai a. Khatianga NEEPCO Manager an han inthlak avanga khatianga kan ram a project pui han tawp rup mai kha han ngaihtuah chuan a mak ka ti a. Kha kha lo inthlak ta lo sela chuan kan hman hman tawh reng mai tur kha alo ni reng mai a. 1998 a memorandum atih ang kha chuan kum 8 a zawh tura tih a ni a. 2006, July thla kha zawh hun daih tawh tur a ni a. Amaherawhchu, tuna kan Chief Minister hmasain a sawidan ang kha chuan regional manager inthlak vang kha alo ni lek mai a. Chu chu Pu Speaker, ka zawh belhnate chu hengte hi an ni.

(1) Japanese Engineer ten he project hi atirah a hmuna lokal in an endik em ?

(2) Diklo taka compensation hmuh tumtute Revenue officer leh staff thenkhat dik lo taka compensation hmuh tumte lo puitu, Revenue officer leh Staff te kha Congress sorkar hmasak khan suspend an ni em ? tih hi ka zawh lehna a ni a. Tin, a pathumnaah chuan compensation hmu tur dik tak, chhungkua 48 an nih laiin hmu tur list kha chhungkaw 2026 ah a pung thut tih kha a dik em? tih a ni leh a. tin, a 4-naah chuan tlem han sawifiah ka duh a. Compensation kha agreement angah chuan ₹ vaibelchhe 4 leh nuai 31 tur a ni. A tira original MoU a a landan chuan. Amaherawhchu, compensation list a lo chhuah tak tak khan chuan vaibelchhe 47 Nuai 97, 43821 ah a chhuak ta a ni. Tichuan Compensation a tir atanga thawktuten an ruahman aia a tamna chu vaibelchhe 43, nuai 66, 43821 kha a ni ta daih a. Vaibelchhe 43 velin a tam belh a nih chu. Tichuan Compensation pek tawh hi Vaibelchhe 12, Nuai 31, 27313 a ni a. Tin, tuna Compensation, 2nd Installment a la pek tur hi vaibelchhe 35, nuai 66, 16508 a ni. Tichuan hemi vaibelchhe 35, Nuai 36, 16508, 2nd Installment hi pek zui zel tumna a awm em? tih ka zawt e.

Pu K. LIANTLINGA : Pu Speaker, ka lawm e. Ka zawh belh duh chu, hei Tuirial Hydel Project chungchangah hian inpuhmawhna a nasa a. Chiang taka tihlan kha thain ka hria a. Tuirial Hydel Project-a Compensation la tura ruahman sa 42 leh a baka mi zawng kha an address, an hming nen min pe thei em? tih a ni a. Tin, a pahnihna ah chuan khang mite khan an Pass document-te kha min pe thei em? Tin, a pathumnaah chuan an Assessment amount, a pumpuia mi kha, a mal te tea a claimants assessment amount an siam kha min pe thei em? tih ka zawt a. Kha kha helaiah members ten kan neih chuan mipui pawhin an nei ang a. Mumal takin helai dinhmun hi a hriat theih ka'n ring deuh a. Chu chu ka'n zawt duh a ni e. Pu Speaker, ka lawm e.

Speech not corrected.

S P E A K E R : Pu Lalduhoma, zawhbelhna. Chumi hnuah Pu B. Lalthlengliana. Khami chin kha kan la ang. Hei chu a pawimawh em mai a. Ruling hmasate kha an si deuh hlek a, an zawh ve tur kha.

Pu LALDUHOMA : Pu Speaker, Tuirial kan han revive leh thei hi lawmawm ka ti a. Amaherawhchu, kan revive lehna turah hian kan Chief Minister zahawm tak hian Power Minister hnena lehkha a zu thawnah khan commitment kha a siam a. Tuirial Power Project atanga power generate tur zawng zawng lei turin a zu intiam khan ka hria a. "We are committed to buying the entire power to be generated from Tuirial HEP", ti khan a ziak a. Khami commitment kha a la ding reng em? Chuti a lo nih chuan engzat rate-in nge kan lei dawn? Sawlai Project-a an tharchhuah zawng zawng lei kan intiam a nih si chuan Session hmasa lama kan sawi dan kha chuan Unit khat Rs 3.70 a lei tur angin kan inhrilhin ka hria a, tunah hian phai lam atang hian Unit khat hi cheng engzatin nge kan lei theih? A eng nge to zawk? Alo to zawk a nih si chuan sum te kha kan seng teuh mai ange. Helai commitment khan min pui nge nakinah hnawkna min la siam thei dawn em? tih kha ka hrethiam lova, ka'n zawtfiah duh a ni.

S P E A K E R : Pu B.Lalthlengliana ilo ko ang.

Pu B.LALTHLENGLIANA : Pu Speaker, Tuirial Hydel Project- ah hian inpuh mawhna a tam em em mai a, chuvang chuan Pu Speaker, a sawi ang khan MNF kha min han tin zawn deuh emaw ni, helai thil hi ka'n zawt ve anga.

Tuirial Hydel Project hi Memorandum of Understanding kha 29th May,1996, tuna sawrkar, Congress Sorkar laia tih kha a ni a, estimate kha cheng vaibelchhe 368.72 crores a ni a, Project tan a nih khan expenditure pawh cheng vaibelchhe 235.54 a ni a, chu chu a hnathawhnate endikin Ministry of power-in project thawh zat leh thawh zel dan tur leh economic viability, a niang chu hei hi, ennawn tha a ti a, tichuan revise estimate October 2004 ah siam leh a ni a, chutah chuan cheng vaibelchhe 808.55 siam a ni a, heta tanga compensation-a kal tur hi Forest hian 5.34% a ni a, tin, mimal ram compensation-ah hian 2.87 % pek tur a ni chu chu NEEPCO pawh hian cheng vaibelchhe 7 leh nuai 94 Forest ah a pe a. Tin, mimal hnenah hian cheng vaibelchhe 4.36 a pe bawk a, chuta tanga han paih chuan an

estimate cheng 808 leh tlem atanga compensation an pek atang khan, an pek bang kha cheng vaibelchhe 796.75 ala awma, chu ti a nih chuan compensation avang khan he Tuirail Hydrel Project hi thawh theih lohna tur khawp niin a lang lo a, khalai tak kha ka hrethiam lo a, khami bakah khan compensation dang kha ala tam viau em ni, heta alan dan hi chuan cheng vaibelchhe 808 leh tlem estimate atanga an pek tawh han paih hian cheng vaibelchhe 796.75 lai ala chuang thei a, chu chu engati nge NEEPCO hian hemi hmang hian hna a thawh theih loh? Hei hi Chief Engineer, tuna Engineer-in-Chief-in a siamthatna a ni. Chu chu a nih si chuan hei R.D. Sahi, Secretary, Ministry of Power pawhin pawisa senso tur zat NEEPCO in a ruahman atanga mimal compensation tur hi 2.87% a ni a, project chhunzawm loh nan chhuanlam tur leh sawihnawk tur a awm lo hrim hrim tih hi Chairman leh Managing Director hnenah a sawidan a ni, chutihlaia khang zawng zawng an pek kha a dik anih si chuan heti zat la chuang awm bawk si a thawh theih loh hi Minister zahawm takin kawng chhiat vang te a tih kha a ni ber mai lo maw, compensation a ni ber lo a ni lo maw, tih lai kha ka'n zawt duh a.

Tin, a pahnihnaah chuan tuna thawh leh tur a nih hian estimate engzatnge ni ta? tih kha ka'n zawt tel duh a ni.

S P E A K E R : Chhang turin kan Chief Minister zahawm tak Pu Lal Thanhawla.

Pu LAL THANHAWLA, CHIEF MINISTER : Pu Speaker, he thilah hian tumah inpuhmawhna tur a awm miah lova, thudik a ding reng a inpuhmawh a ngai lo. Tunah hi chuan thil diklo a awm thin a, chutah chuan interested party-te an inpuhmawh mai thin a ni, he thilah hian inpuhmawhna tur a awm miah lova, thudik a awm reng a. He project hi Pu Speaker, zawhna neitu MLA zahawm takin a rawn zawhna kha – Japanese Fund kan dil a, Overseas Economic Development Fund atangin min pek an tum avangin Japanese Engineer-te'n an rawn tlawh a ni, chutihlaia kan Minister chu Pu C.L. Ruala a ni. Ani ho hian an kal a, tin a catchment area zawng zawng helicopter in an fang a, tin, Tuivai pawh kan dil tel avangin an fang kual bawk a, a hmunaht te an tlawh a ni.

Tichuan, anni hian chutihlaia estimate kha vaibelchhe 400 a tling lo deuhin ka hria a, chu chu min pek an tiam avang leh anmahni pawhin tha an tih avangin min rawn enpui zeuh zeuh te pawh an tiam a. Tichuan, a lung kha BJP Minister nen khan kan phum dun ta a ni. Chumi lung kan phum ni chuan Japanese Overseas Economic Development Fund aiawhte chuan Pu Speaker, ka pu nakum tun ang hunah hian Tuivai mega watt 210 pechhuak thei tur hi a lung i phum leh thei ang min ti nghe nghe a, lawmthute pawh kan hrihlh a ni.

Tichuan, kumpinu hun atangin Lal hunlai thlengin huan lo nei hi engzatnge tih kan endik tir a, chuta tang chuanin chhungkaw 48 an ni. Kumpinu hun atangin Lal hun lo chho zelah chhungkaw 48 an ni. Tichuan, sorkarin notification kan chhuah nghal a, hemi catchment area-ah hian compensation beisei vangin tumahin In leh Huan ram an nei tur a nilo kan ti

a, mahse chuti chungin chutihlaila Revenue Director leh Settlement Officer ten engemawzat an lo pechhuak a, V/C pass leh LSC te chumite chu kan suspend a, Surveyor 8 vel laite nen, tichuan na taka hrem kan duh a, sorkar thuawih lo leh sorkarin a thlawna sum an senna tur lo ngaihtuhtute kha. Prosecution proceedings tih lain kan sorkar ta lovah kan tla ta a ni. Tichuan, kumhnih kum thum a reh vang vang a, tahchuan compensation hmu tur kha sangkhat leh 20 vel kha an lo awm ta a. Champhai pa te, Hnahthial pa te, Zoram hmun hrang hrang ami kha. Chutiang chuan compensation kha an claim ta a. Tin, an Engineer-te kha an kidnap zeuh zeuh a ni, sum siam nan, chung thilte pawh chu a lo awm bawk a. Chutichuan compensation kha a tirah khami component kha a tel loh avangin NEEPCO te khan an pe thei lova, pek pawh an tum lova, mahsela, bandh kha an siam ta a. Khawvela band rei ber thla 2 vel lai, ni 6 vel lai khulailah khuan bandh kha organize a nih kha, Mizoram mipuiin kan la hria a. Tichuan, khami bandh atan pawh khan a organize-tute pawh khan khulai tlangval ho kha nikhatang cheng za hlawhin chhunchaw pein kan bei a. Khatih lai khan Sorkar khan vawikhatmah a zuk ngaihsak lo a ni tih kan hria a. Magistrate pawh an kal lova, Police pawh an kal lova. Tikhan nuam tak khan bandh kha an siam a ni.

Khatiang kha a ni a, an pawisa phut kha an pek theih tak bawk loh avangin, a chhan leh vang chu khawiah pawh eng lehkhawh pawh lo zia mah sela chu chu a chhan chu a ni mai. NEEPCO Manager te chu an inthlak an inthlak ve tur pawh a ni a, transferable post anih avangin. Chu chu compensation an hmuh tak loh nachhan pawh kha a ni mai a.

Tichuan, tunah hian Member zahawm tak Pu Lalduhoma zawhna kha a pawimawhin ka hria a. Power kan chan tur 12MW a ni. Chu chu free, royalty ang a ni ang chu, a bak zawng hi kan mamawh dawn avangin kan lei ang kan ti a. A rate hi Electric Regulatory Authority kan ti em ni kha, Joint Electricity Regulatory Committee, chumite chuan a tariff an siam ang a, concessional rate-in, chumi atang chuan kan lei dawn a ni a, vannei kan in ti khawp mai. Central atanga kan lakte chu niselangin a sang alh ang tih ka ring a. Khatiang khan inremna tha tak siamin khami an power hi lei thei tur kan ni a. Chu chu a pawimawh lai kha a ni mai a. Hei hun ka la rei tawh a Pu Speaker, zawhna pawimawh tak tak a la awm a. Inpuhmawhna tur a awm lova, tuna mi kha thudik a ni a, finfiah ngam a ni a.

Pu K. LIANTLINGA : Pu Speaker, i din lai khan khami ho an list kha min pe thei ang em? tih laia kha a ni a. An assessment amount nen khan a thar leh a hlui kha.

Pu LAL THANAWLA, CHIEF MINISTER : Pu Speaker, kan la zawngchhuak ang a. Ka awm loh sanna hi kum sawm leh tih a ni tawh a. A la zawnchhuah theih em ang chu, kan hmuh hunah inpek dan tur kan ngaihtuah dawn nia. Tin, NEEPCO lam atangin dil chhuah pawh a ngai tawh ang a. NEEPCO lamah furnish vek tawh a nih ka ring a. Chu estimate amount chu cheng vaibelchhe 903 point something vel a niin ka hria. A sang tawh khawp mai a, a figure pawh kha a diklo mai thei a. vaibelchhe zakua leh

sawm chuang chu a niin ka hria a . Kan upa tawh deuh a, helam pang hi ka chhinchhiah hlei thei tawh lova, min hrethiam a niang chu

S P E A K E R : Engpawh nisela a bengvarthlak thin e, eng kha nei tha ila a tha phawt mai.

Tunah zawhna, Starred Question 53-na zawt turin Pu John Siamkunga ilo ko ang.

Pu JOHN SIAMKUNGA : Pu Speaker, Power & Electricity Department changtu Minister zahawm tak chhan atan heng zawhna te hi ka zawt e :

- (a) South Vanlaiphai 33 KV Sub-station hi engtikah nge siam zawh anih ang a, hman theih anih ang ?
- (b) Cherhlunah 33 KV Sub-station dah thar tumna a awm em ?

S P E A K E R : A chhang turin Power & Electrcity Minister, Hon'ble Chief Minister Pu Lal Thanhawla ilo sawm ang.

Pu LAL THANHAWLA, CHIEF MINISTER : Pu Speaker, Member zahawm tak Pu John Siamkunga zawhna chhanna chu :

- (a) South Vanlaiphai 33 KV Sub-station hna hi thawh mek a ni a. December, 2011 chhung hian hman tan theih tura beisei a ni.
- (b) Comprehensive Scheme hnuaiah 33 KV Sub-station hi Cherhlunah dah tura hma lak mek a ni.

S P E A K E R : Zawhbelhna zawt turin Pu John Siamkunga ilo sawm ang. A dawtah hian Pu Lalthansanga.

Pu JOHN SIAMKUNGA : Pu Speaker, ka zawhnate hlawhtling takin min chhang a, ka lawm hle mai. Ka'n zawh duh pakhat chu khitah Muallianpui leh Darzoah khian hun rei vak lo kal taah khan Transformer a chhia a, an thim rei tawh si a, a tihngaihna hre lovin Hnahthialah anmahni own expense-in an phur thla a. Darzo chuan an phur thla a, an siamtha tawh a. Muallianpui ami kha tunkar kalta mai khan a chhe leh a. An siam theilo ni tur a ni khilai Jugali awm ten. Khulama P&E hotuten rawn phur thla rawh u an ti a, an buai khawp mai a. 207 motor hire-in labour 30 rawn keng tel rawh u an ti a. Min rawn zawt a, labour 30 em chu a ken theih lovang a, a hautak deuh ang, Tuipui amite kha a hlankai dan tur in ruahman ang hrihl ula, Mizo danin lo inpui mai ula a tha lawm ni ti te chuan ka hrihl a. Hetiang hi a khaw mipuiten anmahni khawlhche phurh anga repair tura workshop lam an panpui mai thin ang hian repair a ni thin nge, a hmunah Engineer-ten pan chilhin a part ngaite thlaka an tih tur ? Mipuiin hetiang Workshop lam emaw khawilai emaw Station lian deuh emaw pan a,

anmahni own expense a an phur thin hi Department tihdan tur nge tih lai te kha ka han zawt a ni e.

S P E A K E R : Pu Lalthansanga ilo ko ang.

Pu LALTHANSAGA : Pu Speaker, ka lawm e. Ka'n zawhbelh ve duh chu nikum lam tawh khan Khawllailungah khianin 33 KV Sub-station dah tur hian kan thlen a. Kan Addl.Chief Engineer pawh kha lokalin ani te nen khanin khilai Consumer Union-te leh a khawtlangte kha inremin hei hi rawn dah ngei kan tum ang e, an ti a. Tunah khian Lungdar atanga lak niin current khi kan nei tha lo hle thin a, a de deuh set set thin a. Chutiang chu engnge kan hmalakna tih kha kan zawt duh a. Tin, Transformer hi upgrade a ngai nual tawh mai a. Lungchhuan amite khi upgrade hi a ngai tawh em em mai a. Khimi khi khawdanga mi tur chu min han hmansak a, mahse Biak In kawtah khian a awm a. Heti lam tih a, khilai Biak In kawt zauh nan khian kan mamawh hle mai a. Chumi min sawn tur chuan kan han ti thin a, a hmun pawh kha an laih sak vek tawh chungin min la sawn theilo a ni a, chuvang chuan khitiang angte khi engtia han kalpui zel tur nge ni ang tih kha a ni bawk a. Tin, chubakah hei hi a relevant em tih ka hre chiah lova, Keitum kawm veng chungu 132 KV line kal khi thli a thawt deuh phei chuan a hnuuia awmte khi an insecure viau mai a, an hlauva an tlan chhuak thin a ni, engemaw palh awm ta se tiin an ngaih hi a tha lo hle thin mai a, chu chu kan Engineer-in-Chief hnenah pawh hian ziakin ka thlen tawh a, khatiang angte kha engtingnge sawn khi hma min lak sak thei ang em? tih kha kan zawt tel nghal a.

Tin, chubakah chuan Maicham Phase-I a bearing thlak mai ni lova tih deuh a ngai tih kha engnge kan progress tih kha, khimi khi a function thei tawh angem tih kha eng chen nge hma min lak sak tawh? tih kha ka zawhbelh ve leh a ni e.

S P E A K E R : A chhang turin a changtu Minister...e...Pu C. Ramhluna, i hun a liam tep a nia.

Pu C. RAMHLUNA : Tawi te a nia Pu Speaker, mahni bial lampang kha an han zawt ta bawk a, kan ti ve leh thut a ni. Ka bialah sawn Thingkah khua Lawngtlai va thlen hma ami saw a ni a, an transformer saw a hlui tawh a, a te bawk si a, chuvang chuan an khamkhawp tawh lova, a thar min pe turin kan ngen a. Department lampangte pawh kan dawr nual tawh a mahse tun thleng hian min la pe hleithe lova, an duh dan chuan pahnih ni thei sela tihte a ni a, department lampang kan dawr chuan, pakhat kha chuanin an khua a lian tham si a, chuvang chuan khami a khaw tawp lampang amite kha chuan an eng chan a kha a chau deuh thin a, chuvang chuan pahnih ni thei se kha an han ti a. Pu Speaker, an mamawhna hi a nasa ve si a, min lo pe hma thei angem? tih kha ka zawt duh a ni e.

S P E A K E R : Awle, a chhang turin Minister ilo ko ang.

Pu LAL THANHAWLA, CHIEF MINISTER : Pu Speaker, transformer ho hi a thar lei zung zungna hi kan nei lova, a tlangpuiin an hlui hlawm khawp mai a, a load zo lova chhe ta mai maite hi a tam a. Tin, khatiang anga chhia kha locally in siam an tum thin a, an repair theih a awm nual a, repair hleih theih lohte pawh a awm bawk a. A tlangpuiin an leina hi a rei tawh hlawm bawk a, kan department hotute hnenah pawh kan neih leh hunah chuan India rama a tha ber chi kan lei tawh tur a ni a, tin, tuten emaw sum siam nan hman mai mai loh tur a ni a, heng hi mipui vantlang tana thil pawimawh anih avangin. Chuvangin a chhia kan thlak hunah pawh chutiang ang zawng chuan tih tur a ni tih hi ka hrih dan tlangpui a ni.

Tin, Maicham, Vanlaiphai bialte hi chu a pawimawh khawp mai a, opposition bial mah nise Zarkawt tlangval bial a ni miau mai a, theih patawpa duh sak tur ni awm tak a ni a. Maicham kha tunah chuan a function tawh an ti a, a function chuan Maicham khian a thawhhlawk khawp a, khilai bialah chauh lo pawh hmun dang dangah sem darh a ni a. Tin, tiang ang khan hmun hrang hrangah Thingkahte kan kal kual a, kha pawh kha transformer chungchang tho a ni a, a chhanna khan a sawifiah viauin ka hria a. Tun hnuah hi chuan a tha ber chi, tin, hei a load zo lo, a puak tih ang chite a tam mai a, heng hi enfiah mek niin, tunchinah chuan hetiang ang hi a thlen lohna turin tha taka enkawl a, a tha ber chi hman tum a ni.

Pu Speaker, hei zawhna chhuak hman lo hi ka ui khawp mai a, zawhna zawng zawng ka hminga lokal hi chu chhan vek min phalsak mai la mawle. Pu Speaker Khawlailung chu ka lo en ang a, anmahni thahnemngaih a labour an lo hmang hi thil tha a ni lova, member zahawm tak khan mizo dan arawn sawi chhuak a, dan sawi hi a hlauhawm tawh khawp a, tunalaiah chuan lawyer, inti thiamte hi an tam tawh khawp mai a. Mizo dana han tih maite pawh kha a tha khawp mai a. Amaherawhchu, department mawhphurhna a ni a, reimburse-in an lo enkawl tur a ni a.

SPEAKER : Pu Lalduhoma hnen atangin special motion kan hmu a, dan ang taka putluh a ni a, ka admit a, tunah move turin ilo sawm ang.

Pu LALDUHOMA : Pu Speaker, kum 1898 khan North and South Lushai Hills District-te chu District pakhat, Lushai Hills District-ah dah a ni a. South Lushai Hills District Superintendent Lt. Col. J. Shakespear-a chu Lushai Hills District Superintendent hmasaber a ni a.

J. Shakespear-a chuan “The Making Of Aijal” tih lehkhabu a ziak a. He lehkhabuah hian kum 1857-a India rama Sepoy Mutiny a lo thlen khan, Chittagong-a 34th Native Infantry awmte chu ni 18 November, 1857-a an hel ve thute, British Indo Lawnga Laipui (Cannon) pahnih an phurhte chu helho kutah a luh an hlauh avangin tuia paih thlak a nih thute, a hnuah an lak chhuah leh a, tawlailira Rangamati-a an dah thute, kum 1892-ah ram buai laia Lungleia dah a nih leh thute, Laipuia a kum zat inziak atanga kum 1815-a Waterloo indonaa an hman tawh hnu a nih a rin thute, Queen Victoria lim sira dah chu

remchang hlea a hriat avanga Aizawla a lak phei thute a chuang a. Hetianga ziak ngeia alo dah hi a fakawm hle mai.

North and South Lushai Hills District-te pakhata siam an nih rual hian North and South Lushai Hills Military Police Battalion-te pawh Aizawl chu Headquarter-a hmangin Battalion pakhat Lushai Hills Millitary Police Battalion-a siam an ni ve bawk a.

Heng Battalion pahnihte hi chhunfin an nih hmian North Lushai Hills Military Police chu Capt, (a hnua Lt. Col) G.H. Loch, C.I.E. chuan a command a. Loch-a chuan Quarterguard kawtah Queen Victoria lim a siam a. Chu lim sirtuakah chuan Shakespear-a chuan Laipuite chu a dah ve ta a ni.

Lushai Hills Millitary Police chu kum 1917 ah 1st Assam Rifle tih an lo ni ta a. Laipui chu a awmna ngaiyah awm zelin, kum 2033-a 1st Assam Rifles Bn. Nagaland-a sawn an nih khan an keng ta daih mai a ni.

Hetianga kan ram rohlu, kum 105 lai Aizawl khawpui lo mawitu, Assam Rifles ten an ta neih ta mai hi hriathiam a har a. INTACH Cultural Heritage, Mizoram Chapter ten thuneitu hrang hrang hnenah thlenin, kan Chief Minister zahawm tak pawhin Union Home Minister leh Director General, Assam Rifles hnenah pawh a lo thlen tawh a ni.

Assam Rifles-te hian heng Laipuite hi War Trophy anga an dawn nia sawiin, Assam Rifles Museum-a la dah tur niin an sawi thung a.

Heng Laipuite khatih laia Civil thuneitu lu ber Shakespear-an a dah a ni tih leh engtikawng mahin khatih laia Lushai Hills Millitary Police, a hnua Assam Rifles tih lo ni ta te khan inrawlhna an nei lo tih a chiang tawk a ni.

Tun maiah thil hlui humhalhna dan “The Mizoram Public Records Bill” pawh kan pass a nih kha. Heng Laipuite hi lalet leh turin nasa lehzuala hma la turin Sorkar ka ngen a ni.

Ka lawm e.

S P E A K E R : Special Motion hi admit a nih tawh chuan Motion dang aiin dah lal tur a ni a. Private Membes’ Resolution-te pawh hi Motion dang anga chhiar theih a ni a. Chuvang chuan tun Special Motion kha lak hmasakah kan nei a ni. Tunah sawihona kan nei ang a, minute nga aia rei sawi loh tum ila khami Motion chungchang kha, sawi duh nei chuan lo sawi ang. Pu R. Lalrinawma.

Pu R. LALRINAWMA : Pu Speaker, ka lawm e. Thil pawimawh tak a ni a, amaherawhchu, Pu Speaker, ka sawi duh zawk chu, kha Motion kha kan dan 138-na anga admit a ni a. Hetah hian ‘The matter of urgent public importance and of recent occurrence’ tih a ni a. A recent occurrence lo hlein ka hria a. Tin, a urgent-na kha resolution hemi dang zawng zawng aia han

hmasak tur chhan kha, enge ni a urgent na a awm lovin ka hria a. Chuvang chuan Pu Speaker, thil urgent hi ni e, i thu thu a ni a, amaherawhchu, helam atanga kan lo ngaihndan chuan a urgent-na vut vut a awm em ni tih kha a ni a. Chuvang chuan thil pawimawh tak pawh a ni a, lak let pawh a tha khawp mai. Amaherawhchu, vawiina a hmanhmawh thlak ta viau e tihna emaw, tunhnai lawka thleng emaw a ni lova, a thlenna hi a rei tawh a. Chanchinbu lamah pawh a lang fo tawh a, mite pawhin an ziak fo tawh a. Chuvang chuan a inhmeah lo deuhin ka'n hria a, kan sawi lang ve duh a ni. Ka lawm e.

S P E A K E R : Tunge sawi leh dawn ? Pu Lalthansanga ilo sawm ang.

Pu LALTHANSANGA : Pu Speaker, hemi chungchang hi a ngaihtuah pawl hi chuan an vei hle mai a, tunah hian Private Resolution-ah hian ka thehlut a ni a, a chhuah loh palhte pawh hi a hlauhawm hlein ka hria a. I dinglam amite hian tun tum chu Motion hi an ngah viau zel mai a, Resolution hi. Chuvang chuan hemi hi kan Aizawl khawpui tiAizawltu em em mai a ni a, kan naupan lai phei chuan sawtilai han kal pawh sawn 'in kawh chuan an man ang che u' an ti a, kekawr hnuai atanga kawh hram hram chung hian kan kal a ni a. Chutiang khawpa Aizawl-ah pawh thil danglam bik, Aizawl naupang pawhina engemaw zawng taka kan ngaih, ropui kan tih em em mai, hetiang 2003 atanga a'n bo daih mai, vawiinah pawh hetiang ngaihtuahna la awm lo hi a urgent em em na lai a awm a. A chhan chu, khatieng tak maia Aizawl tiAizawltu, sawti lai kan quarter guard kawtte pawh ti zahawmtu, vawiin amite chu va en ila, chuan a ho hle mai a, a thim bul mai a, enge pawh a hriat vak lo mai a, khawi ami nge han tih pawh sawn khawilai mi duh loh dah mai mai hi a ang hlein ka hria a. A hma ami erawh kha chu a tle vut mai a, an han nawt tle a, tawtawrawt an rik phei hi chuan kawh hi kan chak em em thin khawp a. Naupang pawhin chutianga kan rilru la thintu a ni a, he Special Motion hi nasa tak maiin ka rawn support-in, a urgent hle a ni tih kha tawitein ka rawn sawi a ni e, ka lawm e.

S P E A K E R : Pu P.C. Zoram Sangliana ilo ko ang.

Pu P.C. ZORAM SANGLIANA, MINISTER : Pu Speaker, vawiina Member zahawmtak Pu Lalduhoma'n Special Motion a rawn putluh, laipui chungchang ti ila, a dik ber mai ang chu. Hemi chungchang ilo admit hi kan hnam tan leh kan Aizawl khawpui tiAizawltu leh, Aizawl han kal chang pawha keini thingtlanga naupang tan phei chuan Aizawl kan han kal thin a, Quarter Guard kawta laipui awm han hmuh rigawt pawh kha mahni khua-a kan han haw lehin kan thiante hnena kan sawi pawha kan intih theih thinna kha a ni a. Chuvang chuan, MNF unaute an Sorkar lai khan Assam Rifle kha an insawn chhuak a, ui nachang an lo hre lova, Sorkar ang khan, a pawh khawp mai a. Kan han Sorkar a, kan han lut ve a, INTACH hovin an han bei ngawrh khawp a, tahchuan keipawh member ka ni ve a, khawiah nge a awm pawh kan hre lova, kan zawn kan zawn lai khan INTACH ho khan theihpatawp an rawn chhuah a, anmahni sum leh paite pawh sengin hetiang hian an lo kal a, a lawmawm em avangin han sawirikte pawh ka

duh a. Chuvang chuan, helai bawrah hian kan INTACH hotuten an beihna mai bakah pawh, a Sorkar ang pawhin, nichina an rawn sawi ang khan, kan Chief Minister zahawmtakin Central Home Minister mai bakah pawh, DG Assam Rifle hnenah pawh “Hei hi Mizo tena kan rohlu tak mai, kan thil roh a ni’ tih hi a ziak tawh thin a. Tin, INTACH lam hotute pawh hian vawi engemaw zat an ziak a, a copy-te pawh min rawn pe zel a, chung an lehkhaw bawhzuite pawh chu keini pawhin kan Personal Branch lam atangte pawhin D.O. letter- te pawh kan lo ziak ve nghe nghe a. Chutiang chuan INTACH hotutena hma an lo laknate bawhzuin, lak let tum hian theihpatawpin keimahni level-ah pawh kan lo tang ve thin a. Chutih rual chuan vawiinah Member zahawmtakin hmangchang a hria a, nangin remchang i hre bawh a, ilo admit bawh a. Hemi thu leh hla hmang hian Assembly-ah meuh pawh kan han sawiri te, heng hmang hian Assam Rifle lama thuneitu te leh Ministry lama thuneitute hnenah pawh, heng behchhana bawhzui anih chuan nasa takin kan thu leh hla lo kal tawhte pawh min tih chak pah ang tih kan ring a. Tin, chutih rual chuan hemi laipui bo chungchang chhuina-ah hian INTACH hotute hian tan hi an la nasa em em mai a, an tan lakna azarah Member-te pawhin hetiang House hiala sawichhuah a nih takah chuan NGO ang chu nimahsela kan hnam rohlu leh kan Aizawl rohlu angin sawi ta ila, chungangte kan neih let lehna tura hma an la anih pahin, rem i ti anih chuan heng INTACH ho ten hma an laknate pawh hi Member tinte a copyte pawh hi pek thain ka hre nghe nghe a. I remtih phei chuan tun Session chhung hian kan pe thei ang tihte pawh ka’n sawi ri tel duh a. Kiltin atang hian hetiang thil pawimawh hi bawhzui a ni. Nichina kan mover-in a rawn sawi ang khan, Assam Rifle pawh lo pian hma daih tawh atang khan he thil hi Aizawl, Mizoram i ti ang vawiina Mizoram lo ni ta lo timawitu hi a nih avangin kan khawpui timawitu leh Mizoram timawi tura kan neih let lehna tura theihpatawpa bawhzui hi a tha ang. Kan khawpui timawi tura kan Chief Minister pawn hma min lakpui tawhna leh a department ang pawha theih ang ang hma kan lak tawhna leh hmalak tawhnate rawn sawi chhuah pahin he thu hi ka rawn thlawp a ni tih ka rawn sawi ve lawk a ni a.

S P E A K E R : Pu John Rotluangliana ilo sawm ang.

DEPUTY SPEAKER : Pu Speaker, kan Special Motion kha a urgent hlein ka hria a, an kawh rei tawh em, mai lak let leh vat a ngai anih kha. Aizawl naupang kan ni a khatiang special motion pawh kha ka rawn putluh awm zawk tak niin ka hria a, Pu Duha’n nachang a rawn hria kha a lawmawm khawp mai, Pu Chate-a Aizawl naupang ve bawkin a rawn sawi kha a dik a, kan naupan lai chuan kawh phal loh an ti a kawh kan chak tlat, Motor phen atang pawha kan kawh zak zak kha a ni a, chuvang chuan a ui awm hle a. Hei Mizote hian thilhlui vawnthatna chang kha kan hriatna hi a la rei lova, hetilaia pawnpuitein an tih te kha hei kan tiral ta vek mai a, a uiawm ka ti a. Hmanniah khan kan Raj Bhavan sak that tur tender chungchangte pawh kha ka lo hmu a, khingte pawh khi kan rama thil hlui, building hlui a ni a, khawilai emaw khi chu engtin emaw preserve dan a awm lom maw aw tihte kha ka ngaihtuahnaah hian a awm a ni. Chuvang chuan vawiina kan special motion a an rawn sawi, hetilai laipui a neitu pawh ni miah loin lak ringawt mai hi a lungawiloh thlak in ka hria a, nichina an sawi ang khan Aizawl ti Aizawltu ka hmaa sawitu, kan Minister zahawm tak phei chuan an Aizawl kal haw pawh an lo intihtheihvena thin kha a ni a, kan veng a mi kha a ni leh nghal a, a changtu a nih

leh nghal a. A lakletna tur atan hian tan theihtawp la lehzuat se tih kha ka han ngen duh a. Kan Chief Minister zahawm tak khan hma te a lo la tawh bawk a, kan Motion hi tunah hian chak lehzuata kal a, hma la a, theihtawp chhuah a, INTACH te nen pawh khan zuk chhuh let dan kha ngaihtuah ni sela. Tin, a lo let leh a nih pheichuan Assam Rifles lamah khan dah tawh miah loh ni nghe nghe sela. Mizoram ta a nih ang khan INTACH ho kutah emaw te khan awm ta zawk sela tih kha ka ngaihtuah dan a ni a. Chuvang chuan, he Special Motion hi a urgent lo an ti naa a lo urgent hle mai a, Pu Speaker, i admit kha i tidik chiah a ni. Chuvang chuan, he Motion hi a tha ka ti a, kan Minister-te khan a lak let theih dan rang taka ngaihtuah turin ka han ngen bawk a ni e, ka lawm e.

S P E A K E R : Heti lamah khan phar kha in awm em nichinah khan? Awm lo maw? Englo a nih chu, Pu K.S. Thanga kan ko phawt ang.

Pu K.S. THANGA : Pu Speaker, ka lawm e. Tam tak sawi tur ka nei lova. Ka'n sawi duh hmasak chu INTACH hotute, kan val upa, kan Mizo senior, mithiam hmasate vawiina thahnemngai tak maia hetiangka kan hnam ro thil kan rama kan neih te, kan siamchhuah te, kan neih loh te thlenga kan rama lo awm, kan ram tana humhalh chi an buaipui hi lawmawm ka ti a. Saw, a hminga ka bial teah pawh sawn hma an rawn la a, an ngaihtuahna a ropui ka ti a, an thahnemngaihna tha ka ti a ka'n sawi hmasa duh a.

Tuna kan Motion hi a pawimawhin ka hria a, laipui a nih rikngawt hian a pawimawh lova. Tin, 1800 vela laipui kha a pawimawh ngawt lova. A pawimawhna chu a ziaktu kha kan Motion neitupaina, kan MLA zahawm tak Pu Duhoma'n a rawn sawi ang khan Waterloo indonaa Lord Wellington-an Napoleon-a a hnehna zinga hman laipui a nih vang kha a ni. A chhan chu khawvel history-a thil ropui, indona thawnthu anga kan ngaih tawh ropui kha, kha laipui kha Mizorama a lo thleng ve tlat mai a. Tichuan, Mizoram ta a lo ni ve reng mai a. Chu chu Assam Rifles-in min ruk chhuahsak hi a thianin a thiang lova. Nichina ka hmaa Minister zahawm takin a rawn sawi ang khan a hunlaia sorkar awmte khan engatinge khangte kha chu kan ram ta a ni a, humhalh nachang hi an lo hriat loh aw? tih kha keipawh ka ngaihtuahnaah chuan a awm deuh a, paw ka ti a. Amaherawhchu, a kal tawh a, a kal zo tawh a. Hei hi la let leh tura kan beih a ngai a ni, kan theihna zawng zawnga kan tih a, hei kan Chief Minister zahawm tak pawhin hma te a lo la a.

Ka sawi ang khan 1700 vela mi emaw 1800-a laipui zawng zawng kha a hlu a ni ngawt lova, he Waterloo indonaa khawvela General ropui Emperor ropui Napoleon-a tlawmna hmuna indo nana hman laipui, kan ram kan neih ve kha, kha kha a ropui rengna tur a ni. Chu chu Mizopa-ina kan phuahchawpa kan thawhthu sawi a ni lova, sap khalai huna British aiawha kan ram hotu berin a chhuichhuah dan a nih tlat avangin thil naran a ni lovin a lang a. Chuvang chuan, vawinah hian he motion hi support-a, hma chak taka lak dan a mawhphurtuten kan ngaihtuah a, kan tan lehzuat kha tih takzetin ka rawn thlawp a ni e, ka lawm e.

Pu JOSEPH LALHIMPUA : Pu Speaker, ka lawm e. Tawi tein kan Special Motion support paha han sawi ve ka duh a. Inti neitu takin

Aizawl pa khan an han sawi a an ui thu kha, Lunglei pa pawhin kan ui ve tho a ni tih kha ka'n sawi hmasa a. Aizawl-ah kan rawn dah pheii a Lunglei atang khan, in lo vawng tha ang chu tih nak alaiin sorkar hmasa lamah vawn that nachang hre lovin a awmna chin hre lovin in lo dah a, pawii ka ti hle a, a uiawm hlein ka hria a. Tun tumah hian he House-ah Special Motion hial putluh a lo ngaih phah ta a. Tin, Pu Speaker, chumi ruala ka sawi duh chu kan Chief Minister zahawm takin hetiang vantlang pawhin kan hriat hmaa sorkar hotu ber anihna anga hma a lo la te hi a fakawm hlein ka hria a, a hnenah pawh lawmthu kan sawi nghal a. Tin, hemi behbawma thil pahnih khat kan sawi tel duh chu Mizorama kan infiamna hmunpui ber chu Assam Rifles Lammuala ni a, Assam Rifles ta a ni a, a bulthutah chuan a ni lemlo a ni tihte kha sawi a awm thin a. Hetiang chiah hian Lunglei-ah pawh sipai leh civil miten an inchuh a Dubi mual kan ti ta a, civil miten thisen chhuakin kan nu leh pa, kan pi leh pute hunah sipaite nen an lo inchuh a, mipui lamin kan chang ta a. Chumi inchuhnaa meizang hlaptu berte zing a mi Pu Thuamluaia hming chawiin tunah chuan sorkarin Thuamluaia Mual tiin mipui ta nihna tichiang lehzuul turin hmingte pawh an thlak ta a. Chuvangin, he motion hi a pawimawh hlein ka hria a. Sawi tak ang khan Chittagong atangin Tlabung lamah Lungleiah engemaw chen dah a nih hnuah Aizawl-ah lak pheii a ni a, Mizo mipuite tan he laipui hi symbol tak tak a ni a, he motion hi a pawimawh hlein ka hria a, kan neih let theihna turin theihtawp chhuah a tulin ka hria a, chuvangin, Lunglei pa te pawhin kan ui ve tak tak a ni tih ka rawn sawi a ni e, ka support e.

Dr. R. LALTHANGLIANA : Ka support thu kan sawi ve mai a ni e. Lunglei lamah khan han dah hlen kha an tum viau va amaherawhchu, helam pang hi a khawpui tur ang zawk khan ruahman a ni si a, kan han thawn pheii ta kha a ni a. Kan ram rohlu amaherawhchu, sorkar hmasa ten an veng lo tih lai erawh kha chu khatianga han tih kikawi vak chi kha niin ka hre lova Assam Rifles thil an bungbel zawng zawng an thil kha sorkar anga va enpui vak chi kha a ni lem lova, khalai kha kan han inpuh lek lek thin a. Thil hi ho te te a han khei hlek hlek dan hi Pu Speaker, he lampanga mite hi opposition emaw an la inti a, an thiam riau va kan tluk lohna lampang takte pawh a ni awm e. Hetiang deuh hian kan politician hrang hlui hrim hrimte pawh hi vawiinah hian hetiang kan han sawi takah chuan sorkar hmasa pawh khan a hlut viau pawhin ka hria a. Pu Chhunga te, Pu Saprawnga te, Pu Sawia te ho hming chawite pawhin hei Aizawl khawpui leh a chhehvelahte kan han ti zel ang chi kha a ni mai a, chuvang chuan, a lawmawm riauin ka hria a, hetiang Pu Duha'n thil tih nachang a rawn hria hi. Resolution kan ngah si a, keimahni lampang resolution pheii chu balloting hi kan vanduai nge maw ni kan en thin a, kan neih khat tehreng nen a tawp lamah hlir hian a rawn chhuak a, sawi ve hman chu kan duh khawp mai a, a pawimawh si a, Pu Rina resolution hi a tawp berna a ni nain a tawp lam kan ni deuh vek mai a, keini legislator lampang hi. Engpawh nise sawi hman lohte hi a hlauhawm bawk si a, tha kan ti tlang niin ka hria a adopt mai kha Pu Speaker, tha ka ti khawp mai.

*Speech not corrected.

Pu K. LIANTLINGA : Pu Speaker, ka lawm e. Hei vawiinah Motion kan member zahawm tak Pu Lalduhoma'n a pulut hi a awm hlein ka hria a, sawi a ni thin a, titi mai maia han sawi tam tak a awm a. INTACH hoten khatianga hma an lo la a, hma an lo la tih pawh kan lo hre lo a, tin kan House Leader-te pawhin hma an lo lakna a ni tih pawh kan lo hre lo a. Amaherawhchu, Aizawl khawpuiah erawh chuan sawi a hlawh em em a ti ti a ni a, khang hmalatute kha a lawmawm em emin ka hria a. Tin, hei hi Mizoram kan thil neih hlut, kan assets ropui takte pawh niin a hriat a. Sawi tak ang khan naupan laite pawh khan tlaiah nitlak dawna tawtawrawt an ham tur ringawt pawh kha a en turin heti laiah kan tlan chho thin a, minute 1 chhung emaw tawtawrawt laipui bula an ham vang vangte kha hmuh a chakawm a, a rite pawh hriat a nuam a, khatiang kha a nih avangin thil uiawm tak mai a ni a. Tunah hian khawi State-ah nge an kalpui tak, 1st Assam Rifle khan ka hre lo a, Nagaland, Dimapur zawk em ni a awmna, Kohima nge ka hre lo a, lak let leh vat kha a thain ka hria a. He Motion hi thlawp tlak hlein ka hria a. Tin a kalkawng han tih kha Lunglei lam khan an han sawi a, Aizawla lakna tur kalkawng a ni mai a, an rawm keng a, tiang khan kawng lakah an lo chul ve hauh hauh a ni tih kha kan hriat a pawimawhin ka hria a. Engpawh nisela a bul berah chuan Mizoram tan a ni, Lushai Hills tana khati lai Battalion lo awmte in an han lakluh leh an han dah chhuah kha a ni a, thil lawmawm tak a ni a. Hei hi a nia a rang thei ang bera lak hi a tha in ka hria a, chungte chu support pahin ka sawi ve a ni e. Pu Speaker, ka lawm e.

Speech not corrected.

S P E A K E R : Awle, Pu Lal Thanhawla, House Leader ilo sawm ang.

Pu LAL THANHAWLA, CHIEF MINISTER : Pu Speaker, ka lawm e. He thil hi a uiawm khawp mai a, a bikin a hrechiantu, a tira lo hmu thintu leh tuna kan member zahawm takin a sawi tak ang khan. Naupan lai chuan kan hlut sak lehzual a, kawh phal loh an tih avangin a ruk ten kan kawk a. Quarter Guard kan pelh apianga kan hmuh hmaih miah loh a ni a, an awm lo ta mai hi a lunglen thlak khawp mai a. Chuvangin theih ang angin kan lo bawhzui ve a, dik takin min fin chhuah tu phei chu Indian National Trust for Art and Cultural Heritage INTACH Mizoram chapter an tihte hi an ni a, an chak khawp mai a, a bul thum atangin an chhui chhuak a, khatiang khan thu min rawn rawn a, an thu min rawn angte pawhin hma kan lo la tawh a ni. Tichuan Assam Rifle DG kal ta hnenah te pawh khan hmaichhanahte pawh lehkha ziakin kan hriattir a. A ni chuan Assam Rifles-te hi an awmna hmun ngaiyah an awm reng hi an remti tawh lova sorkarin, min control-tu Home Ministry-in chuvangin min sawn kual min sawn kual thin a. Helai ah an rawn thlen leh hunah chuan an rawn keng leh mai ang a, a nih loh chuan hetia ken ken loh hian Kolkata-a an Military Museum-ah te an dah maithei bawk a, tihte kha a sawi a ni.

Tunah hi chuan Home Ministry hian hetia sawn kual sawn kual an lo nih ve takah hi chuan an bungrua neih zawng zawng nena an in sawn luk luk hi hautak kan ti tawh a, chuvangin an ken vek kan rem ti lova chumi avang tak pawh chuan Culcutta an Museum-ah hian an dah mai te pawh hi a hlauhawm khawp

mai a, chuvangin mimalin an beihna te leh keini pawhin mimala ka lo beihnate puitu atan he House- hian resolution ang deuhthe pawhin adopt thei ila chuan a chak thei angem tihte ka ngaihtuah a , Special motion anih miau avangin a kal phung ka thiam mai lova, a hranpain sorkar lam atangin kan passed tlan tur ang chite pawh eng emaw resolution-te pawh rawn siam zawk mai tur em ni tihte pawh ka rilruah a lo awm a, thil pawimawh tak a ni a, kan chan hlen ang tih pawh a hlauhawm khawp mai a. A bul atanga a hauhukkai atanga chhuituten an rawn sawi chhuak a, a lawm awm khawp a, a hre lote tan pawh hriat turin a awm a, tuna kan tih tur hi chu Zoram mipui aiawhah kan inngai thei a, chuvang in lungrual takin Pu Lalduhoma special motion rawn putlul hi resolution ang form-in um zui ila chuan, chu chuan Home Ministry hi zuk deng ta ila, a rit deuh zawk angem , a chak deuh zawk angem tih ka lo ngaihtuah mek a ni. Mahse House thu thu ni sela.

S P E A K E R : Le, Pu Lalduhoma ilo ko leh ang.

Pu LALDUHOMA : Pu Speaker, a lawmawm ka ti khawp mai a. Kei pawhin resolution anga thehluh hi a tha ka ti a, amaherawhchu, resolution hi kan pawh fuh dawn leh dawn loh hriat phak a ni lova, keini lam atang pheih chuan chan hi a har em em mai a, khami anih avang khan a kawng awm chhun special motion-in kan ti ta mai a ni a, kan remtihtlana kan sawrkarin a bawhzui chuan a rih lam kha a thuhmun tho ang em aw ka ti a. Amaherawh chu resolution kha a effective zawk dawn a kan hria anih chuan kan sawrkar hotuten rawn ngaihtuah zui sela, official resolution pawhin rawn pulut leh mai sela, a tha em emin ka hria a, kha kha kawng awlsam ber tur chu a ni. A nghawngna tur apiang kha kei chuan ka welcome-a. Tin, he Laipui hi mi tam takin, Magazine pakhata ziaktu chuan, “Hmingah te pawh an lo chawi chhan tawh hial a ni”, a ti a. Chutiang chu anih avangin kan lak let leh theih thuai hi a pawimawh a. Zoram Nationalist Party-ina kan han pulut hi a inhmeh lehzualin ka hria, min han thlawptheite pawh hi lawm awm ka ti a, kan la lak let ngei pawh ka beiseiin lungrual taka hei hi kan pawm tlan ka duh a ni. Ka lawm e.

S P E A K E R : Le, Motion a ni a, House-in kan ngaihdan kan tihtluk theih lohna chhan tur a awm lova, ngaihtuah tura rawn chhawpchhuah tur chi tho kha a ni a, hei resolution dangte ang tho hian, amaherawhchu mimalin rawn putlul deuh anih avang khan he a thu tawpnaa a rawn sawiah khan ‘Heng Laipuite hi la let leh turin nasa lehzuala hma la turin sawrkar ka ngen a ni’ a rawn ti a, khami pawh kha he House hian a tawk e, a rawn ngenna kha House-in kan hriatpui a, a tawk e, kan remtihpui e, kan tih kha chuan a tha tho a ni. Chuvang chuan heng Laipuite hi la let leh turin nasa lehzuala hma la turin sawrkar ka ngen a ni’ a rawn ti kha a ni a. Chu chu keini House hian khami kha a tha alawm tiin kan adopt thei tho a ni. Chu chu ania, a kalphung chu. A thu pawh phuah danglam vak pawh ngai chuangin a lang lova, chutiang chuan kal mai ila a tha ang a. Tikhan House khan he motion kha kan adopt thei mai a ni lawm ni ? Aw le, adopt ang aw. A lawmawm e. (Pu Lalduhoma : Ka lawm e.).

Vawiinah hian kan member zahawm tak, lo kal thei lo hi Pu S.Laldingiana a ni a. Tin, tun maiah khan hei lehkha kan han hmu a, Pu Robert Lalchhuana hnen atangin Pu H.Vanlalauva, kan ex-minister zahawm tak kha a boral

chiah arawn ti a, a pawihle mai. Amaherawhchu, vawiina vui loh turah ngai ila. (Dr.R.Lalthangliana : message kan lo dawn ve danah chuan naktuka vui tur a ni a ti) khawihmunah nge a thih ? (Dr.R.Lalthangliana : Anmahni veng, Chhinga Vengah a niang. Cancer natna kha a ni a.) Naktuka vui tur anih chuan vawiin lampang chu kan member-te pawh heti laiah rilru pangkhing lovin awm thei tur niin inngai ila, Zirtawpni alo ni a, kan dan 27-na section I angin Private Member Business kan tih ni ani a.

Private Member Resolution hi ni 17.2.2011 thawhlehi khan ballot a ni a. Buletin Part II no.160 Ni 12.7.2011 ah kan inhriattir tawh a. Chuta indawt angin kan la anga. Serial no.2,1,9 te hi a thu tum a inang a ni a. Kan la kawp nghal mai anga. Serial no.1-na Pu R. Lalrinawma resolution, “Power lama kan intodelh theih nan Pu Lalthanhawla hruai sorkar hmalakna lawmawm kan ti” tih hi move turin resolution neitu, Pu R.Lalrinawma i lo sawm ang.

Pu R.LALRINAWMA : Pu Speaker, ka lawm e. “Power lama kan intodelh theih nana Pu Lalthanhawla hruai sorkar hmalakna hi lawmawm kan t”i tih ka resolution vawiinah ngaihtuah tura min phalsak avangin ka lawm a. Pu speaker, he House zahawm tak leh kan ram rorelna sang berah hian thu pawimawh tak tak ngaihtuah tura kan duh kan thlen thin a, amaherawhchu hun chan fuh a har hle mai a. Hei vawiinah vanneih thlak deuh maiin ka resolution hi hun remchang kan nei thei hi a lawmawm ka ti a. A hmaa kan special motion pawh kha a tha love ka tihna lam a ni lova, Pu Speaker, thil tul tak, thil tha tak a ni ka tih rual khan a urgent em ni ka’n tihna chhan kha private members ten kan session chhung in zirtawpniah chauh thu pawimawh kan tih, ngaihtuah tur kan thehlu a. Chung ang hnawhchep zawnga ni dang tam tak, heng Special Motion atan chuan tih theih a ni si a, tih kha, a urgent love ka’n tihna chhan a ni a. Amaherawhchu, Pu Speaker, i thu thu a ni a, i lal ber a. Chuvang chuan nidangah pawimawh kan tih pawh Private member anga chan a har si chuan Special Motion angin kan rawn ti ang a. ‘Urgent’ min lo tih sak hram thin la, ka’n ngen nghal duh che a ni. Tichuan Pu Speaker, tun tum Session-ah leh a hma lamahte pawh member zahawm tak tak ten Resolution pawimawh tak tak an pulutin thiam tak leh fiah tak ten an move tawh a. Tichuan lungual takin kan pass pui dial dial thin a. Hei vawiina ka Resolution hi midang angin ka move thiam taw lo emaw, ka sawi fiah thiam taw lo a nih pawhin thinlung taka tul ti si a, rawn pulut ve ka nih avangin member-ten thahnemngai taka min sawiho pui a, min pass pui ngei turin ka’n ngen hmasa duh a. Tin, ka Resolution hi lawmthu sawina a nih angin hahdam deuha ngaihtuah theih niin ka hria a. Tute maw inbatna emaw, inkarna emaw, ti tura inphutna lam emaw, indemna lam emaw pawh a ni lova. Lawmthu sawina a nih avangin hahdam deuha kan ngaihtuah tlan theih ka beisei baw a. Pu Speaker, lawm nachang hriat te, lawmthu inhrilh te, fak tlak fak a, chawimawi phu te inchawimawite hi hnam fingte leh hnam changkangte chin dan entawn tlak tak a ni a. Keini Kristiante pheichuan kan tih ngei ngei tur a ni a. Tirhkoh Paula pawhin, “Lalpaah chuan lawm fo rawh u. Ka ti leh pek thin ang. Lawm rawh u”, a ti a, Philipi Bung 4 chang 4 ah khan. Chuvang chuan lawm hi kan tih tur a ni a.

Vawiinah Pu Lal Thanhawla kaihhruai sorkar hma lakna tih a nih avangin kan Chief Minister zahawm tak hian tun hi Sorkar tum 4 a kaihhruaina a ni a. A kum chiah hi ka hre dikin ka hria a. Kum 1984, 1989, 1994 leh tun 2008 a ni a. Power lama kan intodelh nan hma lakna kawngah State sorkar, State Sector, kan ti a,

thunehna leh a thiltihtheih chin hi sorkar hmasa Pu Lal Thanhawla kaihhruai sorkar 1998 hma lamah kha chuan a beitham hle a. Small Mini Hydel Project ah megawatt 3 chin hnuai lam kha state in hma, ama puala a lo lak ve theih a ni a. Chumi hnu lamah erawh chuan tih san te pawh a ni chho tawh a. Vawiin thlenga heng Small Hydel Project, power lama kan intodelh theihna tura Small Hydel Project kan neih tawh hi 18 a ni a. Heng hi department-ah record-in a awm vek a. Hemi zinga 14 hi Pu Lal Thanhawla hruai sorkarin bul a tan leh a siam te a ni a. PC Sorkar khan 2 a ni a, MNF Sorkarin 2 bawk. Tichuan a vaiin 18 a ni a. Chu chu a number a sawi ringawt lo hian Pu Speaker, i phalnain a Project hmingte leh an tan kum te, an Commission kumte hi ka'n chhiar lawk ang e. Serlui 'A' hi 1982 a bul tan a ni a, 1984-ah Commission a ni a, Khawiva, hei hi '83-ah '88-ah commission a ni a hei hi P.C sawrkar lai ve ve pahnih kan tih chu a ni a, pathumnaah Tuilak tiha ziaak a ni a, a lam chhuah danah chuan Tuila tih a lam tur a nih chu, 1985-ah bul tan a ni a, 1987-ah commission a ni a, ta tang hian Congress sawrkar, Pu Lal Thanhawla kaihhruaina hnuai tih a ni ta a, Tuirivang 1985 a bul tan, 1989 a commission, Tuisumpui 1988, '92 a commission, Tuipui 1988, 1991 a commission, Lau lui 1989 a bul tan '92 a commission, Maicham – I 1989 a bul tan a ni a, 1995 a commission a ni a, Laili lui 1990 a bul tan a ni a, 1992 a commission, Tuidum 1991 a bultan 1992 a commission, Tuipang lui 1992 a bultan 2004 a commission, Ramri lui 1993 a bultan 1997 a commission a ni a, Vawra lui 1993 a bul tan 1997 a commission, Leiva 1994 a bultan a ni a 2000 a commission a ni a, Teirei 1994 a bultan 1999 a commission, Kau Tlabung 1994 a bultan 2005 a commission, Lamsial 1999, 2008 a commission hei hi MNF hun a ni ta a, Maicham – II 2001 a bultan 2009 a commission heng hi hetiang hi a ni a, tiang khan Hydel Project-te sawrkarin a tih theih chinah chuan hmalakna a nasa hle mai a, khang kan sawi tak thenkhat te kha kum upat tawh avang leh maintenance lamah harsatna vangin hluihlawn te chu an awm nual tawh a. Tuisumpui project kha Mizorama project hlawhtling ber pawl a nih laiin 1995 a, Lawngtlai leh a chhehvel leimin nasa tak khan repair rual lohvin a tichhia a, khatiang kha Pu Lal Thanhawla hruai sawrkarin hma alo lakna kha a lawmawm hlein a hriat theiha khang atang khan. Tin, tunah hian Project thawh mek te eng emaw zat a awm a, nichin lawkah Pu Speaker, question hour-ah te pawh kan sawi nawk nawk, Tuirial Hydel Project-te pawh megawatt 60 pechhuak thei 1998 a bultan a ni a 2004 a chawlhsan a nih dante kan ngaithla tawh a. Ni 14 January 2011-ah hian chunzawm turin Central-in approval a rawn pe leh ta a, he Pu Lal Thanhawla hruai sawrkar bawkin a chhunzawm leh thei a, Manifesto-ah te lo dah a, tianga an kalpui leh hi a lawmawm hle a ni.

Tin, Tuivai Project mega watt 210 pechhuak thei hengte hi PPP Mode-a kalpui tur a ni a International NIT for short listing of bidders a ti a, chu chu 10.6.2011 ah issue a ni tawh nghe nghe a, Kolodyne ni 22.12.2008 ah Mizoram sorkar leh NTPC ten MoU signed in hei hi BOOM an ti a build, own, operate and maintain a kalpui tur a ni a. Tlawva, heng hi NABARD loan nuai 5140.49 lak a ni a, a dang NRE atanga subsidy beisei a ni a, hnathawh tan mek a ni bawk a hengte pawh. Lungreng, hei hi mega watt 815 pechhuak thei tur a ni a, ni 23.3.2010 ah NEEPCO nen MoU signed a ni a, Chhimtuipui mega watt 640 pechhuak thei tur 23.3.2010 ah NEEPCO nen MoU signed a ni. Matte pawh chutiang bawk chuan ni 23.3.2010 ah NEEPCO nen MoU signed in mega watt 76 pechhuak thei tur a ni a.

Tin, Tuivawl hei hi mega watt 42 pechhuak thei tur M/s Subhash Project & Marketing Ltd. Kolkata-ah letter of intent pek a ni tawh a

ni 24.11.2010 khan. Tuirini mega watt 38 pechhuak thei tur ni 24.11.2010 ah bawk M/s Subhash Project-ah letter of intent pek a ni a, Tuichang mega watt 110 pechhuak thei tur a ni a Central Water Commission-in DPR an siam mek a ni. Heng hmalakna zawng zawngte hi an puitlin hunah chuan Mizoramah hian mega watt 2226 tihchhuah theih a ni dawn a, chuta tanga Mizoramah a thlawna kan dawn tur hi mega watt 300 aia tam a ni dawn a. Tunah hian power kan chhit tam lai ber peak hour an tihah hian mega watt 60 velte kan hmang a ni a, a mamawhna chu a pung zel a, chuti chung chuan tun atanga kum sawm 2021/2022 ah chuan kan power demand tur hi power demand forecast central electricity authority-in a approved-ah chuan mega watt 180 tih a ni a, chuvang chuan kan ramin a mamawh tur hi chu a thlawnin kan hmu thei dawn a ni a, chuvang chuan power-a kan intodelhna tura Pu Lal Thanhawla hruai sorkar hmalakna, a lo hmalak tawhna te hmalak mekna te hi a lawmawm em em a.

Tin, Bairabi te hi kan sawi fo mai a Pu Speaker, hengte pawh hi P.C. hunlaia tan a ni a, 1982 a tan a ni a, amaherawhchu, investigation kha kum hnih chhung lekin 1984 ah tih zawh a ni mai a, DPR peih a ni a kha kha pawm tlak anih loh avangin 1996 ah Pu Lal Thanhawla kaihhrui sorkarah bawk survey nawn tir lehin tha taka survey chhoh a ni a. Kum 2000 ah kumah DPR peih a ni a, tunah hian clearance-te hmuh a ni tawh a. Ni 15.11.2010 Pu Lal Thanhawla kaihhrui Sorkarah bawk M/S AASU Project Private Limited, Kolkata-ah letter of intent pek a ni leh tawh a ni.

Tin, Serlui 'B' hei hi MNF hun a tan ve a ni bawk a, 12MW pechhuak thei a ni a. Ni 27.11.2004 hnathawh tan a ni a. Amaherawhchu, Power house tithe, tunnel tih te, hydro mechanical works an tihte tunah hian enchian hnuah Hydo-Mechanical works hi tunah hian chiangkuan lohna a awm avangin commission theih pawh a ni lova. Power pawh a pechhuak thei lo a ni.

Tichuan khang kan sawi tak atang khan Pu Speaker, Pu Lal Thanhawla kaihhrui Sorkar-in term hmasa lamah te power-a kan intodelh theih nan hma a lo la chho a. Tin, term hmasa berah 1984-ah pawh nasa taka kan sawi tawh remna leh muanna kan ramin a mamawh ber mai, khami tur khan hmalak a ni a. Tin, a Sorkar dawt leh khan rambuui avanga mi tam tak khawkhawm te, rahbi tleu te intunnunna tur rahbi tuk sak tura hma la chho lehin, khatianga Sorkar a kaihhrui chung khan Power lama kan intodelh theih nan nasa takin hma a lo la a ni tih a hriat a. Vawiinah kan ram mamawhte a pung zel a, kan tharchhuah Hydel Project-te fur lai hi chuan an pechhuak thei vek a. Amaherawhchu, thalah te harsatna te a awm thin a. Tin, phai atanga kan lakna te harsatna eng engemaw a awm thin hian inpuhmawh zawng leh a tute emaw ngaihsaklo ang deuha sawite hi a awm thin a pawnlamah. Heng hi mipuite pawh hian thil nihna dik tak kan hriat a, thil tha ti tute, hma lo la tu te fak te pawh hi kan hreh tur a ni lova. A insawisel zawng ringawta vawiina kan tih chuan a dik lova. Chuvangchuan, Mizo te hi infak hreh tak mai kan ni a, thih hnuah ruang chungah hi chuan a nilo a luakchhuakin kan infak leh thin a. Chuvangchuan, fak phute hi an dam lai ngei hian in fak thin ila, chu chuan mi a ti tang a, hmalakte pawh a nuam thin a ni a. Chuvangchuan, hma lo lak tawhte leh tuna hma chhawp meknaah hian vawiinah House hian lawmthu kan sawi hi a tul takmeuh meuhin ka hria a. Chuvangin, ka rawn pulut a ni e. Pu Speaker, ka lawm e.

S P E A K E R : Awle, Resolution neituin a rawn pulut ta a, kan sawiho dawn ang a. Amaherawhchu, ziaka awm kan ram chhung khaw hming emaw lui hming emaw kan Member zahawm chin hi chuanin a lam dan dik tak hi hria ilangin, engemaw thil reng rengte Laila lui tih angreng te, a lam dan dik tak hi hria ila Member-ten tute emaw kha zawt ila a tha awm e.

Tunah sawihona kan nei ang a, minute 5 diat diat inpe ila a tha awm e. Tunah Pu Zodintluanga a phar rei tawh bawk a, ilo ko ang.

Pu ZODINTLUANG, MINISTER : Pu Speaker, ka lawm e. Member zahawm tak Pu R. Lalrinawma'n "Power lama kan intodelh theih nana Pu Lal Thanhawla kaihruai Sorkar hmalakna hi lawmawm kan ti", tih Resolution a rawn pulut hi lawmawm ka ti a. A thlawpna tur zawngin tawite rawn sawi ve ka duh a.

Pu Speaker, India ram State zawng zawngte hian power kan mamawh kan intodelh loh zia hi kan hre tlang vek a. India ram pumah hian power Mega watt nuai khat neih belh leh pawh ni ila, kan la indaih dawn lo a ni tih hi mithiamte chhut dan hi a ni a. Mizoram State bik power kan intodelh lohna chhan sawi hian mawhpuh tur zawn leh indem hi a awl a. A tak takin engvangin nge power kan neih loh hi tih kan chhut ngun lo fo hi a paw ka ti a. Current kan neih loh veleh sorkar dinglai apiang sawisel hi kan intihhmuh a ni tawh mai ni hian a lang a ni. Chuvang chuan power-a intodelh nana Hydro Project lian siamna kawng thui dan leh hautak zia hrechiang tan chuan Pu Lal Thanhawla kaihruai sorkarin a hmalakna leh theih tawp alo chhuahna a hrechiang hi chuan a lawmawm an tih ve ka ring a. Tin, Pu Lal Thanhawla hmalak tawhna zawng zawngte hi he ram mipuite hian wawiina kan resolution atangte hian rawn hre thar leh sela, a lawmawm an tih pawh ka ring a ni. Tun atanga kum 10-15 ah chuan kan House Leader zahawm tak Pu Lal Thanhawla kaihruai sorkarin a hmalaknate hlawhtling taka a kal hi chuan kan ram hian power lama kan intodelhna hi chu kan inphuhruk theih hi a rinawm a ni.

Tuna kan ram luite atanga Hydel Project te chi kan neih, kan chhit mek Serlui 'A' tih loh Khawiva te, Tuirivang, Tuisumpui, Tuipui, Maicham phase I & II, Vawra lui, Ramri lui, Teirei, Tuipang, Kau-Tlabung, Lamsial tihte Congress sorkar hunlai a bul tan leh peih an ni hlawm a. Power siamchhuahna lam Gas Thermal Project 8 mega watt, Rokhia, Tripura leh Diesel Power 5 mega watt, Zuangtui leh Diesel Power 1.5 mega watt, Champhai a chhit mek te hi Pu Lal Thanhawla sorkar hmasak hunlai a ruahmanna leh siam leh hawn vekte kha an ni a. Tin, Bairabi Thermal Project 20 mega watt pechhuak thei tur pawh hi 1998 khan Sukla Commission suma thawh tura tihfel a ni a. 1998-99 Budget-ah pawh khan Token provision-ah an lo dah tawh nghe nghe a ni. Tin, Serlui 'B' 9 mega watt hi chu hnathawh tan anih khan estimate kha 40 crore a ni a. Bul an han tan dawn a, amaherawh chu mithiam leh kan engineer ten he project hi a viable dawn lo, a to dawn lutuk a tiin kan hotute hnenah an thlen a. Cabinet Meeting-ah te pawh Engineer rualte pawh insawifiah tir an ni a. Vawi 3 vawi 4 an ngaihtuah hnuah kan ram tan a to dawn lutuka hriat avangin abandon a ni. Chumi hnuah chuan MNF sorkar khan 12 mega watt-a tisangin estimate pawh vaibelchhe 70 laiah khan a rawn siam a. Chutianga an hnathawh hnu chuan vaibelchhe 200 dawn laia tihpun a ni a. Vawiinah

Congress sorkarin an lo abandon tawh kha Pu Speaker, khatiang ang pawisa tam tak kha a takin kan la hmang theilo te pawh khu a paw kan ti a ni.

Tin, Pu Lal Thanhawla kaihhruai sorkarin a lo hmachhawp tawh te, a lo tih tawh te leh a lo kalpuite sawi lovin Pu Speaker, vawiina a hnathawh tan hi rawn sawi tel a tulin ka hria a, Tuirial Hydrel Project 60 MW leh Kolodyne 460 MW leh Tuivai 260 MW atan a hnathawh tan leh hnathawhna tur tender an ko mek hi a lawmawm tak zet a, Zoram mipui hian lawmthu sawi a tul ka ti a. Tin, heng Hydrel Project atangte hian kan state-in a free power tam tak nichina kan hriat angin Tuirial atang ringawt pawhin 12 MW a free-in kan hmu thei dawn a, tin, Kolodyne atangin 13 % anih chuan 67 MW velte hi chu kan state-in kan nei ang a, tin, a chhehvel rama chengte tan kum sawm chhunga free power an nei thei turte hi a ropui ka ti a.

Tin, Kolodyne tuikhuah tur phei saw chu kan sawi fo tawh thin angin Look East policy leh Inland Water transport atana hman tangkai tur a ni a. Kan hriat theuh angin kan Chief Minister zahawm tak Pu Lal Thanhawla leh Pu Rajiv Gandhi-a ten Helicopter-a an va en tawh hnu khan 1991 khan Central Water Commission-ten survey-te an zuk nei anih kha, vawiina kan hriat lar tak Multi Modal Transport Project kan tih ang chite pawh a lo chhuah phah ta nghe nghe a ni. Tukin zingah zawhna leh chhannaah te pawh a rawn chhuak a, kan Chief Minister zahawm tak hmalakna avanga Tuirial Hydrel Project 60 MW, hna bul engkim kan tan mup mup tawh MNF sorkarin compensation induhsakna avanga a tihchhiat leh vek, 2004, June thla atanga abandon tawh vawiina bul kan tan leh te hian, vawiinia he Resolution puluttuin a rawn pulutte hian a tiropui hlein ka hria a.

Khu Tuirial Hydrel Project khu Pu Speaker, kan Union Minister of State for Communication Pu Rabindra Purkshetra-ten 12.9.1998-a a lungphun tawh daih kha a ni a. A hun taka hna thawh ni selang chuan kum 2007 khan zo daih tawh tur a ni, amaherawhchu, kan hria vawiinah pawh he House-ah te pawh kan sawi thin, nasa takin opposition kan nih laite pawhin kan sawi a, a sawt lo hle a ni. Khatihlaia kan House Leader tawngkamte kha vawiih te hian sawi chhuah leh te a ni a, an chhung ten compensation an lak tih pawh kha zahpui miah lovin “compensation vang a ni lo, NEEPCO manager-te an inthlak zin lutuk vang a ni” ti a a sawi te kha vawiinah heng laiah kan hria a, compensation hi a tlem lutuk 2% chauh a ni lo tih kha Pu Speaker, a nihna tak takah chuan NEEPCO-in report an thehluhah kha chuan “The works of the project were stopped wef. 9.6.2004 following demand for compensation by the Tuirial Crop Compensation Association deterioration in law and order in around the project”, an ti daih mai a ni. Kha compensation-in a law & order a tihchhiat avanga kha Tuirial Hydrel Project kha tihtawp a ni tih kha Chiang takin a hriat a. Chuvang chuan electric current kan nei lova, Mombati sorkar tia han tlangau tirtute khan ram ro tling an ti chhia a ni tih vawiin hian hre nawn leh se tih ka duh a ni. Vawiina current kan neih lohna te kan harsatna zawng zawngte hi khutiang project-te khu lo tidikloin compensation avang khan lo thuanawp lo se chuan vawiinah hian Mizoram hi chuan current mamawh kan nei thei dawn a ni tih ka rawn sawi tel duh a ni.

Ka Chief Minister hmalaknain Solar energy lama hma a lankate hi chhuanawm ka ti a, Solar city tiin Aizawl te pawh min puan sak a, nasa

takin hma min lak tir a, a ruangam kan zo tawh a master plan hi kum khatte a duh ve a, chutiang hmang chuan zawh a ni a, DPR pawh siam thei turin Solar lamah pawh hma a la hi a lawmawm. Chuvangin kan member zahawm tak Pu R. Lalrinawma resolution power lama kan intodelh theih nana Pu Lal Thanhawla kaihhruai sorkar hmalakna a lawmawmin ka rawn support a ni e, ka lawm e.

Pu R.L.PIANMAWIA : Pu Speaker, ka lawm e. Resolution sawi chakawm tak mai vawiinah kan nei leh hi a lawmawm hle a, Pu R.Lalrinawma resolution power lama kan intodelh theih nan a Pu Lal Thanhawla kaihhruai sorkar hmalakna hi lawmawm kan ti tih sawi thei a ka awm hi ka lawm hle a ni.

Kan resolution-a awm ang khan a hmaa tan kan lo lak chhoh dante kan ngaithla a, vawiina change ropui tak mai a thleng chho mek zel a, hei tuna Tuivai atana hmalak chhohna phei hi chu House Leader hi fak loh theih loh anih dan kha sawi ka duh a, hemi thawhna tur atana pawisa Central sorkara a nawr chhuah dan leh state-in a tum ve turte lam khan kan nei lo a, hei pawh hi min ngaihtuah sak law law rawh u a ti a, chutianga a zuk thlen avanga avaiia senso tur zawng zawng Mizoram sorkarin chengkhat pawh kan thawh ve lova, kan han nei thei mai turte pawh hi a ropui hlein ka hria a. Central pawhin CRISIL Company Mumbai a mi te cheng nuai 225 transaction adviser rawihna atan min tum sak leh nghal a ni a, tlema zawng tum tur pawh sawi bo thak thei khawpa House Leader Pu Lal Thanhawla kan han nei hi a ropui dangdai hlein ka hria a. Hetiang hi avang khawp a sawitur kan la neiin ka hre lova, Mizoramah phei chuan. Kan ram tana hetiang ruahmanna puitling a han tichhuak a, tunah Pilot Project tur atana ruahmanna an han nei a, hetiang hralh chhuah tham tur kan han nei thei mai turte hi a lawmawm hlein ka hria a. Mega Watt 210 pechhuak thei tur Tender an han ti a, tin tender dan pawh hi International huapa tender kha a ni e, tih kha a ni a. Chuvang chuan India ram pum mai ni lova, khawvel pumpui huapa tender tlaka tender tham hmasawmna tur rahbi thar lawmawm tak mai kan han nei thei mai te hi a chhuanawmin a hma latu hi fak mawlh mawlh tlak a niin hei hian a tilangin ka hria a.

Chuvangin tam takin change awm lo anga an han sawi thin te pawh hi, change hi a meaning hre lo hi kan tam ta emaw ni chu aw tih ngaihtuahna a awm a. Ka'n sawi kai duh chu Sorkar a inthlak chuan, change kha a awm nghal ringawt a. Chief Minister a hmaa tawngkam thiam deuh awm kha, tawngkam thiam lo deuh a lo ni ta a. Chuvang chuan engamah hma khan change a awm thei a ni tih kan hre theiin ka ring a. Chuvang chuan change awm lo anga ngaitu tamtak ten a meaning hi an man fuh lo thin niin ka hria a. Chuvang chuan hei, vawiin angah pawh hun thar lawmawm tak mai kan chuankai theihna chhan chu hetiang Power lama kan ram intodelh theihna tur atana hmasawmna ropui tak ruahman thin a puitlinna a tak taka an chang chho zel mai te hi a lawmawm a. Compensation avang a hun kal tawhah hlamchhiah a nih tawh hnu pawh a, namen lova nawr leh a nih hnu pawhin Tuirial Hydel Project-te kan han nei leh thei tur hi a ropui hlein ka hria a. Hemi atan hian Pu Dy Speaker, a va tawi ve? Hun hi min pek belh ve teh khai.

Tuirial Hydel Project chungchangah te pawh hian khatianga hlamchhiah tawh kha kan hotupain namenlova a zu nawr leh avang khan an rawn ti leh hram kha a ni a. Chutah pawh a thawktute tana manhla tak tura sorkar insensona tur kha an la buaipui chhuah sak a ni a. NEEPCO hovin an chawlh chung zawng zawnga an senso, an duhtawka an bill pawh kha pek a ni ta a, tichuan a thawhna tur sum a ni ta bawka. Tiang chuan a thawk leh tur tan pawh thawh loh hlauhawm khawpin a sawi chhuah sak a ni tih kha ka'n sawi duh a. Chuvang chuan, NEEPCO hote pawh hi an vannei hlein ka hria a, hetiangka kan Sorkar hmasa hun chhunga hming chhe taka awm tur, rintlak tawhlo tur khawpa mi hmuh tura an awm tawh kha, kan ram tana tha tur tih thar leh theih nihna hrim hrim bakah pawh a thawktute lo tawrhna tawh zawng zawng zangnadawmna tur kha cheng tamtak pek leh theiha hma an lak pui thei hi a lawmawm hlein ka hria a. Chuvangin, vawiinah hian Pu R. Lalrinawma Resolution "Power lama kan intodelh theih nana Pu Lal Thanhawla hruai Sorkar hmalakna hi lawmawm kan ti" tih hi lawm takin ka thlawp a ni tih ka rawn sawi e, ka lawm e.

S P E A K E R : Pu B. Lalthlengliana, a dawtah Pu Lalthansanga.

Pu B. LALTHLENGLIANA : Pu Speaker, Ratu bialtu MLA zahawmtak khan 'change' danglam tak kha a rawn sawi a, kan pu aiin in pu hian tawngkam a thiam zawk ka ti a, Mizotawng-ah hian tawng chherchhuah a ngah riau mai a. Kan pu kha chuan tawng thar chherchhuah hi a nei vak lova, 'ui tang rual ho' han tihte, 'mautuai haka thi mai mai tur' han tihte, 'Pathian nung' han tihte hi keini ang tawngkam thiamlo chuan kan chhakchhuak thiam ve lova. Tin, chubakah remchanglo deuh maia min rawn kalh deuh fuk hi a thiam riau a. Kan pu kha chuan plain deuh khan tawngkam kha a hmang mai a, 'change' atih lai kha kei chuan change a ni lutuk lovin ka hria a. Tuna kan hotupa hi tawngkamah chuan a hausa a, a thiam zawk ka rawn ti let ve anih chu.

Pu Speaker, tuna kan MLA zahawmtak Pu R. Lalrinawma Resolution "Power lama kan intodelh theih nana Pu Lal Thanhawla hruai Sorkar hmalakna hi lawmawm kan ti" tih hi a thu chu a tha khawp mai a, kum 20 State kan nih tawh hnu pawha 'intodelh theih nana hmalak hi lawmawm kan ti' tih chauh mai chu ka duh khawp lo deuh a. 'Power lama intodelh theia kan lo awm ta hi lawmawm kan ti' tihte chu han ni selangin han thlawp awm pawh niin ka hria a. Amaherawhchu, kan dinhmun han thlir hi chuanin keini chuan lawmna tur kan hmu ve lova, tahna tur hlir niin ka hria a. Kan Mover MLA zahawmtak khan a kum nen a rawn tithlap a, Minor Project hi keima rilru tak takah hi chuan tun atang hi chuan bansan ila ka duh a, Project lianah hian in concentrate ila, pakhat chauh pawh hi zo ila, heng Minor Project-a sum tamtak kan sen a, engmah chhawr tur awm silo, a hawnni-a hmeh en bak chhawr tur awm silo, hmun hrang hrang hmun 18 vela hma lo lak te hi tul ka tih ve loh lam a ni a. Amaherawhchu, kan hotuten hma an lo lak takah chuan tikhan lawmthu in sawi duh a ni mai a.

Nichina kan Member zahawmtakin ‘Tui dum’ a rawn tih kha, Farkawn khaw hnuai ami Tuidumpui a nih ka ring a, chu phei chu a ruhro pawh hmuh tur a awm tawh lova, Lamsial pawh khi a function lo tep tawh ni main ka hria a, hetiang resolution kan han sawiho laia inpuhmawhna remchang taka a mover lamin in han hmang thin hi han puih dawn pawh a puih nawmlohna lai hi a awm thin a. A chhan chu, Congress Sorkar hmasa leh tuna sorkar sulhnu leh a hmalakna zawng zawng han thlir hian chuti lua chu a ni lo a ni tih kan hria a, Jack of all trade master of non tih ang deuh maia hmun tin maia zawhte no nei ang maia tih dum a, hlawhtlinna hmuh tur awm silova thiltih hi ram kan hruaina kawngah hian kan tih tur niin ka hre lova Keini aia hnam changkanglo ti mai ila an huatthu nilo sela, Arunachalte pawhin a project liantham tak tak hlawhtlinna chhit mek an neih laia keinin hetiang kum 20 state puitling kan nih hnu pawha kan la ti leih leih mai hi zawng lawmthu sawitur awm silova House-a lawmthu sawina putluhte hi a zahthlak ka ti a, chuvang chuan kei chuan ka thlawp thei lova.

Hei kan member zahawm tak Brig.T.Sailo, 1977 atanga sorkar a lo nih khan chak takin Bairabi Hydrel Project hma a la a, amaherawhchu, dik tak chuan khangte pawh kha kan chhunzawm sak duhloh avangin vawiinah hian hmuh tur pakhatmah awmlovin tun hi kan thleng a ni. Tuna kan Leader hian ka zu kal a, Sakuh kaw tiat lek a ni an la khawih a ti a, khatiang kha kan intihduhdan a ni a, inchnunzawm tlang dial dial ilang chuan, tunah hian project liantham tak kan ramin load shedding kan tih angte hi kan neih ka ring lova. Tunah hian Sorkar hmasa hmalakna leh bultan famkim hman loh tuna Sorkar-in in rawn chhunzawm a, Kolodyne tih te Tuirial tihte leh thil dang dangte pawh kha a tha ka ti. Kan inchnunzawm sak zel hi Pu Speaker, sawi tur tlemte ka la nei, Serlui ‘B’ te pawh khu a dik tak chuan a tira puitling tur zawnga hmalak hi a ni lo hrim hrim a, estimate kha nuai 500 a ni a, nuai 500-a sorkar hmalakna han thlir hian tihhlawhtlin hi a tumlo hrim hrim tih hi a Chiang a, Serlui ‘B’ an han thawh dawn khan cheng vaibelchhe 5 estimate anih lai khan kawnglah nan internal road-ah KM 1.68-ah khan cheng vaibelchhe 10 a hmang a, approach road to project-ah khan cheng vaibelchhe 49 Bailey bridge-ah Km 10-ah cheng vaibelchhe 42, approach road KM 8 anih laiin, engtingge Bailey bridge kha KM 10 anih theih. Heng atang leh Gypsy 12 an han lei atang te, Truck chesis 1 an leite, JCB 1, Bulldozer 1 leia bul han tan khan engtingge he project hi tihhlawhtlin an tum? Hlawhtlin an tum lo hrim hrim niin a lang. Keini kan han sorkar khan Pu Speaker, kih hnawk kan ti ve lova, Cheng vaibelchhe nga lai engmah lo mai maia an luanral tir kha kih hnawk kan ti ve lova. Kan ram tan a nih chuan tiin revised estimate siamin tiang khan kan han thawk chho a. MW 9 atangan 12-ah kan han tisang a. Amaherawhchu, tunah hawn hleihtheih lohvin a la awm emaw ni? A technical thil ka zuk hre ve vak lova. Khang thilah pawh khan tuna kan House Leader zahawm tak hian hawn theih loh a nihna chhan kha ‘forest clearance lak a lo la ni lo alawm le’ tih kha a sawi a. Amaherawhchu hei hi Pu Speaker, he Congress sorkar a din hmasak lai khan techno-economic clearance kha ni 26.7.1990 ah khan hmuh a ni a. Forest clearance hi ni 26.7.1990 ah Environment Clearance ni 7.5.1991 ah hmuh tawh a ni. A hunlaila hmuh vek a ni a, chuti chung si a tuna chhuanlama forest clearance hmuh a la ni lo a ni tizawnga han sawite kha thil dik nitheiin ka hre lova.

Tin, Tuirial Hydrel Project thawk tura in rawn chhunzawm leh pawh hi lawmawm ka ti a, tha ka ti a. Amaherawhchu, a compensation ber lai kha a kal theih lohnaa in han sawi thin hi dikin ka hre lova. Nichina ka sawi tawh ang khan Ministry

of Power Secretary khan NEEPCO Chairman hnenah khan, “Compensation tur hi 2.87 a ni a. Chuvang chuan, hemi avanga thawh theih lohna chhuanlam tur a awm lo” tih kha a chachhuah dan a ni. Khami forest compensation leh mipui compensation tur an pek tawh belhkhawma han paih khan Cheng vaibelchhe 796 leh nuai 25 kha a la awm a. Chu chuan kha project kha a thawh theih em em a ni.

Amaherawhchu, enge maw chhuanlam Pu Speaker, i dinglama thuten an sawi thin angin engemaw hlek a awm hian a lehlamah behind the curtain-ah lo engemaw te hi awm ve thin a ni a politics-ah chuan. Khang avang khan NEEPCO an chhonzawm tir ta lo niawm tak a ni. Chuvangchuan, tuna load-shedding zantin mai neia kan awm laia lawmthu han sawi hi chu kei chu ka ti ve thei lova. He Resolution hi ka thlawp thei lova, ka pass pui thei dawn lova. Nizan hmasa pawh khan ka han complaint a. “Mombati tal min rawn pe rawh u. Hei Session lai a ni a, lehkha pawh kan chhiar thei lova. Congress hmasa sorkar ‘Mombati Sorkar’ kan ti tawh a, tunah pawh ‘Mombati Sorkar’ a nih hi. MNF kum 10 kan sorkar khan load-shedding kan sawi ngai lo. Engatinge tun sorkarah hian load-shedding in tih reng” ka ti a. “A mak khawp mai, ka pu. A chhan pawh kan hre thei lo. Kan nei tlem thut pawh a ni lova, kan nei tam pawh a ni bawk lova. A chhan kan hre thei lo a ni” an ti a. Chuvangchuan, khatianga zantin Session lai pawha inbuatsaihna nei thei lova eng nei si lova lawmthu sawi hi ka ti ve thei lova. Chuvangchuan, Pu Speaker, kei chuan ka thlawp ve thei lo a ni. Lawmthu sawi tur ka hre lo. Ka lawm e.

S P E A K E R : Tunah Pu Lalthansanga ilo sawm ang.

Pu LALTHANSANGA : Pu Speaker, kha, a ngaihnam hle mai. Ka hmaa mi khan vawiina kan Resolution kha ‘Power lam kan intodelh theih nan Pu Lal thanhawla hruai sorkar hmalakna hi lawmawm kan ti’ an ti a. A lawmawm a ni ang chu, keini thlirna atang phehi hi chuan a lawmawm hlein ka hria a, revival an neiin ka hria a, kan sorkar hian hetiang lam rawn ngaihsakna an nei viau mai a, nichina ka hma a mi rawn sawi ang deuh khan Bairabi-ah zuk inbual ka tum a, inbualna khawp tui tling tur pawh a awm lo, sakuh kaw tiat pawh tih atang khanin Ministry hmasa kan han tan kha chuan kan thle buk buk mai kha a ni a, a chang phehi chuan damlai lung ka phun lovang han tihte kha a awm a ni. Chumai bakah chuan Ministry hmasain a lo tih tawh reng reng Delhi Mizoram House ang te, Kolkata a mi angte hmun hrang hranga kan pu Brig. T. Sailova, kan member pui zahawm takin a lo hmalakna ang chi reng rengah an hming han tarna ang chi zawng zawngte pawh kha dah vek mai awm lo vek tura duhna te pawh kha a awmin ka hria a. He House-ah pawh hian kan UDA Group Leader hian a sawi hial tawh a, hetiangte hi inzah sak nan leh sulhnu chhinchhiah nan dah leh nise tihte pawh kha a rawn sawi hial a ni a. Chutiang khawp mai a kan sorkar thar han piang khan sorkar hmasate thil tih han diriam kha a nasa hlein ka hria a. Lunglei kawngte pawh hi 1981-ah National Highway 54-ah puan a nih pawh khan tun thlang hian a then lai hi a highway a, a then lai hi a la highway lova, vawiinah kan hotu zahawm tak tak, kan Minister zahawm tak takte MLA an tam hle mai a, an vuivai chuang lova hetiang resolution-te hi tihtlang thuai nise tih te rawn pu sela a va tha awm mang e aw tih kha kan Deputy Speaker-in, ‘kan tih awm reng a ni’ a tih ang deuh khan an tih tur awm te pawh hian kan ngai hial a ni a.

Mizoram-ah hian power hi kan neih theih zat hi a sang hle in ka hria a, hydro electric power potential kan neih hi 4500 vel a ni a, 4500 power siam chhuak thei State kan ni a. Chumi kan han siam chhuah vawiina kan han neih hi chu .60% vel a ni a, a bei tham hle mai a, vawiinah hian kan State demand hi chu mega watt 107 vel a ni a, chutah chuan kan hmuh thinte hi chu mega watt 65.31 vel vawiinah hian kan han hmu a. Hei pawh hi a tak takah phei chuan mega watt 40 vel bawr hi niin a hriat a ni. Tin, chutiang ang chuan vawiinah hian power-ah hian kan intodelh lova, chu chu chhit atan a ni a, Industry sector-ah phei hi chuan Pu Speaker, kan hmang tlem angreng hle lehngal a, kan hman tlemna lai a ni a, hetiang eng leh eng ilo vela kan han hman hi power kan hman tamna a ni a, kan ram chu a changkang lo hle a ni tih a hriat a ni a. Bhutan ram hi 1975-ah khan Mizoram nen hian khawi nge dinhmun duhawm zawk aw tih kha an han survey a comparison statement an siamah chuan Mizoram hi kan duhawm mah zawkin a lang a, chutiang dinhmuna kan din lai chuan Bhutan sorkar chuan infrastructure lampangah hian hma an la nasa a. Tichuan, hydel project-te an han nei ta a, chutianga hydel project meuh an han siam chhuah chinah chuan vawiin dinhmunah hi chuan Bhutan hi an per capita income hi chu cheng sing 6, 1927-ah khan a ni daih tawh a ni. Chu chu engatinge kan tih chuan power atang khan industry leh agriculture lamah leh khatiang factory hrang hrangah khan hma an lo la a ni a. Chuvang chuan vawiinah hetiang a power-a intodelhna tura kan hmalakna, kan Chief Minister zahawm takin a ti hi vawiina lo piang hi change awm angin kan hre deuh a, chu chu a lawmawmna lai a niin ka'n hre deuh a.

Economic revolution kan neih loh hi chuan kan ram hi eng dinhmunah nge a din ang. Vawiina kan dinhmun tur hi han en ta ilar, vawiinah hian suicide rate, mahni inthat leh mahni inawh hlum rate hi en ta ilar, a sang em em mai a ni. Nikum hmasa 2009, 2010 leh 2011 inkar te, 2010 leh 2011 inkarah hian September khan a kum hmasa kan khum tawh a ni. Engtizia nge ti ta ilar kan sorkar hian ram hmasawmna mil hian min kalpui loh avang hian vawiinah chuan thangtharte hian kan khawvel mila kal kan duh a, khawvel thang chho mila kal chhoh kan duhna hi vawiinah chuan kan umphak tak siloh avang hian kan ramah beidawmna thuk tak hi a awm ni hian a hriat tlat a ni. Chumi atana pawimawh em em chu, vawiina kan sawi current hi a ni, Hydro power hi a ni a. Chuvang chuan he hydro power hi a tam thei ang ber kan neih hi a ngai a, hemi tur hian hei kan sorkar thar a lo pian chiah a, Ministry oath an han laka a ni thum niah khan MHPC te nen hian Kolodyne agreement kha sign a niin ka hria a, ni 3 office an han luah ni chiah khan. Chumi chu an kal an kal a, vawiinah kum 2 a liam tawh hnu ah pawh hian hei a chanchin kan han hria a, vawiinah chuan a final investigation-te ti a, a hna hi thawh tan theih a ni dawn a tih te pawh kha an awm deuh hlek a.

Tin he kan Sorkar hian New project turte pawh hi a nei nasa khawp a Tuivai tih te, Tuivaiah ringawt pawh hian mega watt 210 a ni a, Lungreng HEP ah hian mega watt 850 Pu Speaker, hei hun a tawp tep bawh a, hun tawp hi min hman tir thei mai angem? (INTERRUPTION) Ka Pu awm lai hian ka sawi khat bawh si a, ka Pu hian alo ngaithla ve a, a thlamuan awm a nia hei. Chuvang chuan chutiang chuan Lungrengte pawh hi mega watt 850 tur tihte a ni a, Chhimtuipui mega watt 635 tih a ni a, Matte pawh hi hei hmalakna

tur new proposal tam tak mai an han siam a ni a. Hetiang ang kan han tihna turah hian beidawanna em em kan neih lai chu tuna Kolodyne khuahna tura agreement an sign-na sorkar thar lo pian a, ni thum ni a an sign tawh kha vawiinah hian a kal dan hi satel hian a phur ta em maw ni aw tih tur hian a kal muang ta hian kei ka rilru hi a tihrehawm a. Chuvang chuan hetiang ang hi chak tak maia kan tih a, current hi a tam thei ang ber kan siam chhuah hian kan ram hmasawanna tur atan a pawimawh em em mai a, chuvang chuan thinlung thar nen, hetia lehlam inpuh tawn lova compensation component ringawt mai hi kan sawi a, pawisa hi kan duh tlang deuh em ni chu aw ka ti thin. Zawlbuka e tang leh e tang hi in in ti nasa tih ang deuh khan huntharah , ramtharah, Zoramtharah chuan khatiang tel lo khan mipui inpekna kan ngen anga mitinte khalai kama lo nei a, catchmen area-a lo nei zawng zawng te pawh kha rawn surrender rawh u, Pathian hmingin tiin kan han ngen ang a, zoram hmasawanna turin kan han ti anga, min rawn surrender theih vek ka ring a, hetiang awm tawh lo hian he zoram hi kan din a ngai a, chutiang ang tur chuan vawiina resolution hi kan rilru ngaihtuahnate nen nei ila, tichuan midang dem kher lovin hetiang hi sawi thin ni sela, tichuan kan tih lohna chhan te, kan tih theihlohna chhante han sawi dawn ila chuan a tam hlein ka hria a, chuvang chuain he resolution hi in rilru leh thinlung tihtakzeta in rawn sawi anih chuan ka pawm a, ni lem lova zoram tana hmaiphina mai anih hi chuan ka pawm vak lo a ni. Chuvang chuan in thinlung leh tih tak zeta insawi ngei ka ring a, chutianga in tih anih chuan ka pawmpui che u a, anih lemloh chuan ka pawm vak lo a ni tih kha Pu Speaker, hun min pek belh avangin ka lawm a.

Tin, niminpiaha ka nau chungchanga thu thang in han hriatte min lo ngaihven hle a, mi tamtakin min rawn ring sual a, keini pawh in a hmunah pawh kan inring sual a, kha kha min ngaihpawimawhna tamtakin in lan tir avangin lawmthu pawh ka sawi a, tunah chuan kan tha leh viau tawh a, amah pawh a tawng leh peih tawh e tihte kha ka rawn sawi nghal a ni, lawm thu sawi pahin, ka lawm e.

S P E A K E R : Le, kan chawhma hun alo tawp a, kan chawl rih ang a, Dar 2-ah kan chhonzawm leh ang.

2 : 00 PM

S P E A K E R : Kan resolution kan sawiho zel anga, kan resolution kha “Power lama kan intodelh theih nana Pu Lal Thanhawla hruai sorkar hmalakna hi lawmawm kan ti” tih anih kha. Awle , tunah chuan book sa an awm a. Pu K.Liantlinga i lo ko ang. Pu Ramhluna a dawt ah kan ko anga.

Pu K.LIANTLINGA : Pu Speaker, ka lawm e. Hei vawiinah hian he resolution “Power lama kan intodelh theih nan Pu Lal Thanhawla hruai sorkar hmalakna hi lawmawm kan ti” tih kha a ni a. Hei development kalphung hrim hrim hi ram la develop lohah chuan Power te, Water supply te, Communication, Road transport leh Railway te leh heng infrastructure building leh engemawte hi chu a thang hrim hrim mai a.

Chuvang chuan vawiinah hian han ngaihtuah vang vang hian nichin khan a move-tu khan a han sawi thiam viau a, 1982 atangin Brig T.Sailoa sorkar lai atangin Hydel Project pahnihin an tan a, a hnuah Project sawmpali lai siam a ni, a ti a. Amaherawhchu, ngun taka ngaihtuah erawh chuan vawiinah hian khang ang Mini Hydel Project kan siam ho kha han function tha em em hi a awm emaw ni, abandon toh te kha a awm nual si a. Khang kha han chhuan vak tur emaw ni aw, tih hi ka ngaihtuah deuh a.

Teireiah khuan a contract four bay-te pawh kha ka thawk a, amaherawhchu, heng Mini Hydel Project te te ho hi ram tana hma han sawnna tak tak a tling lo angreng khawp mai a. A thawktuah te pawh kan lo tang ve tawh a, hmun hnih laiah. Kum 10 vel chhung khan sorkar hmasa MNF party-te khan an sawisel a, Mini Hydel Project hi a thalo an ti a, Congress sorkar khan hmun 14 lai an khuap kha a ni a. MNF Party an han sorkar ve a, anni lah kha a lian duh anga in sawi khan a lian awm thei tur bera kha an ti tawl ve leh bawk si a.

MNF sorkarte phei chuan hmunhnihah chauh an siam ve a. Serlui B phei chu ala hman tlak mang loh lehngal a, Congress sorkar hunlaia abandon toh, han tih thar leh kha a ni mai a. chuvang chuan a ram pumpui hrim hrim kan ngaihtuah hian kan Mini Hydel Project te hi a hlawhtling lo ni hian hriatna a awm a, a vaia belhkhawm pawh hianin 5 megawat vel emaw hi min pe thei a ni mai a. Tin, kan mamawh chu 60 megawat vel bawr alo nih laiin, ngun taka han ngaihtuah chuan sorkar kal ta leh tuna sorkar ah pawh kum 1982 atanga zuk chhutin vawiin thlengin kum 30 vel a kal tawh a, 5 megawat vel kan thawk chhuak a, hetiang anih chuan lawmthu han sawi ta vak mai ila, an hmalakna hi lawmawm kan ti han ti ila, thingtlang lam leh Aizawl khawpui ngeiah pawh hian mipuiin min dem lutuk ang tih a hlauhawm a ni.

Zoram mipuiah te hian harsatna kan tawk zawk mai awm mang e aw, mipui hian min dem mai awm mange aw? tih te ka ngaihtuah a. Tuna Tuivai te, Tuirial te, Chhimtuipui lampang te leh hmun dang dang 5000 megawat vel lai Mizorama potential awm hi chu heng hmalakna hi chu han in fak vak hleihtheih pawh ala ni lova, hma an la mek a ni mai a. Ka zuk ngaihtuah vang vang hian he Resolution hi pass ta ila a lawmawm kan ti, han ti vak mah ila, mi tam takin min dem ang tih a hlauhawmin ka hria. Hnahlan atangin minrawn phone a, nimin lawk khan. “Electric kan nei miah lova, hun rei tak chhung a ni tawh a, House-ah te hian i rawn sawi chhuak thei lo’ m maw ni le?”, te an ti a. “A, House-a sawi chi pawh a ni lovang. Official lamah harsatnate a awm a ni ang e”, ka’n ti ta ringawt a. Veng hrang hrang leh khaw hrang hrangah te tunlaia power indaih lohna a nasat em em lai si hian, Power lam thua lawmthu sawi hi a hun lo a ni. Tuirial, Tlawng, Tuivai, Chhimtuipui emaw kha chu hmalakna mek a ni mai a. Engnge a nih dawn kan la hre lova. Report te, DPR te an han siam ang a. Report-te an theh lut ang a, thil tam tak la kal tur a ni a. Amaherawhchu, a pumpui hrim hrim thuah, tun kum 30 chhung hian Mizoramah hi chuan Power hi chu kan in todelh lo a ni. Tunah hian phai atangin kan la lut a. Tin, Bairabi-a megawatt 20 pe chhuak thei, thermal power-te kha a senso a tam lutuk avangin vawiinah hian hman hleih theih loh a lo ni bawk si a. MNF sorkar khan an chhuang viau tak na a, ram mipui tan hian hman tlak tak tak a nih lohna lai chin kha a awm avangin han fakna em em tur a awm lo a ni. Resolution move-tu khan a thiam viauin Mini Hydel Project tam tak te kha han sawi

chhuak thin mah sela, vawiinah hian mipuite chuan kan kham khawp lo deuh a niin ka hria.

Tin, MNF sorkar lai pawh khan Power lakluh lamah tan an han la deuh chu a ni mai a. Amaherawhchu, a tharchhuah lamah hma an sawn tak tak chuang lova. Tihhlawhtlin tak tak pakhatmah a awm chuang lova. Kan sorkar hrim hrim hi kan House Leader zahawm tak, Pu Lal Thanhawla kaihhruai sorkar a ni emaw, Pu Thena kaihhruai hun lai a ni emaw, Pu Zoramthanga kaihhruai hunlai a ni emaw, power lampang intodelhna tur atan hi chuan kan sorkar hian hma a la tawh lo deuh niin ka hria a ni. Tin, Road Transport leh Water Supply-te pheh hi chu han sawi kai dawn ila, Aizawl Greater Water Supply Scheme Phase II te lah chu a fail ti tih deuh thaw a ni mai si a. Road-ah hi chuan tlemin kan ziaawm deuh a. Chuvang chuan kan hmanhmawh lutuk deuh a ni awm mang e aw, ka ti deuh a ni. A Resolution puluttu pawh khan han infakna tur em em a hre chuang hleinem mawle? buana hma a kherh a ni deuh lo'm maw ni le? A in withdraw thei zawk mai lo'm maw ni le? tih te ka rilruah a awm deuh a. Chung avang chuan heng resolution leh tuna kan han sawi tak te hi ram tana a thatna tur leh hmasawna tur tak tak ngaihtuahin theihpatawp chhuah a tan lak chu a ngai a ni. Theihpatawpa tan laknaah erawh chuan a tu pawh hi inpuih bawm chu thain ka hria. Hei hi kan ram hmasawna tur niin ka hria a. Chuvangin he Resolution hi vawiinah hian han thlawp mai a, lawmawm han tih mai hi chuan, Mizoram mipui hian tuna kan power dinhmunte thlir hian min dem ang tih ka hlau deuh a ni. Pu Speaker, ka lawm e.

S P E A K E R : Tunah Pu Ramhlunan a sawi ang a. A dawtah Pu K. Lalrinthanga. A dawt lehah Pu Lalrinliana Sailo.

Pu C. RAMHLUNA : Pu Speaker, ka lawm e. Vawiina kan sawiho tur Private Members' Resolution, member zahawm tak, Pu R. Lalrinawma putluh, "Power lama kan intodelh theih nana Pu Lal Thanhawla sorkar hmalakna hi a lawmawm kan ti", tih hi sawi tur a tam hle mai a, Pu Speaker.

A hrim hrimah Power Sector ah hi chuan lawmthu hi eng sorkarah mah hian sawi tur hi kei chu awmin ka hre lo, a dik a dik chuan kan hlawhchham tlang emaw ni aw ka ti a, chuvang chuan a bik taka Congress sawrkarin hna kan thawk tha a, hma kan la tha a chuvang chuan lawmthu i sawi ang u, ti a han insawmna hi a zahawm rual rualin lehlamah chuan ala hunlo deuh niin ka hria a, hei 25th March 2011 ah khan hetiang ang resolution bawh hi putluh kha a ni leh tawh a, kan member zahawmtak Pu Joseph Lalhimpuia khan a rawn pulut a, hei session tin maiah hian hetiang hi kan pu lut mai dawn emaw ni aw, ka ti hial nghe nghe a, tih leh hunah pheh chuan hei aia nasa zawk hian an rawn bei ang tih te pawh a hlauhawm angreng riauin ka hria a, an lo ti a nih pawhin kan sawi leh mai turah pawh ngai ila a tha awmin ka hria a, mahse vawiin leh hun kalta han thlir khan Power lamah hian khawiah mah hian improvement hi a awm vaklo tlatin ka hria a.

Han sawi ta mai mai ilangin kan House Leader zahawmtakin oath a lak ni atanga Power supply lo thlahniam deuh duk laite kha kan experience theuh awm e. Tin, Congress sawrkar alo pian apiang mai a Aizawl khawpuih Arakan ram, Arakan bial awm deuh reng maite, sawi awm thinte hi a hrehawm a, tin, Congress sawrkar Mawmbati nena inrem riau mai an han sawi thin te hi kan hre theuh awm e, chu chu

kan dinhmun kha niin ka hria a. Chuvangchuan Pu Speaker, he Resolution hi keini chuan lawmthu han sawi em em na tur awmin ka hrelo a ni.

Tin, a move-tuin a rawn sawi tak ang khan, Power lampangah te chuanin P.C unaute khanin hna anlo thawk tha viau, survey & investigation-ah te chuan hei lui 4 laiah te hian survey kha an lo tan tawh kha alo ni a, tichuan tunah hian Congress Ministry hian lui 5 velah khan survey kha an lo tan chho kha alo ni a, tin, MNF khan lui pakhatah hian survey kha an lo tan ve kha a lo ni a. Lehlamah chuan hydel project-a kan inngat dawn rau rau a nih chuan, lehlamah chuan heng lui bak hi athara han tih tur tehchiam a awm tawh lo a. Tichuan, MNF sawrkar khan alo chhonzawm chho zel ta a, tichuan Kolodyne stage – I leh II te pawh kha DPR te an lo siam a, tin, chu bakah Tuivaite pawh kha an lo siam kha alo ni a, ti khan P.C leh Congress sawrkarin survey & investigation an lo tih kha, ti khan a ni khan an lo ti hlawhtling chho a, tichuan ni 22nd Dec, 2008 ah te phei kha chuan Kolodyne stage – II kha NTPC nen khan MoU kha lo sign thei kha alo ni tih te kan hria a, khatiang khan alo kal chho zel tlang kha a ni deuh mai a ni a. Mini Hydel Project-ah te hian P.C hun laiah khan 2 kha an lo hawng hman a, tichuan a dang 5, 6 vel hi chu Congress hun laiah khan hawn kha a ni a. Helaia ka sawi duh pakhat chu khang laiah khan Power Minister hranpa kha kan nei a, tunah hian Lok Shaba MP-a kan neih Pu C.L Ruala kha a ni a, a ni hi chhuan tlak viau pawhin ka hria a, tan a la nasa a, theihpa tawp a chhuah a, ama hmalakna azar te pawh a ni ang chu tih ka sawi duh a, heng avangte hian hei hi kan nei thei a ni a. Tin, chumiah chuan ka sawi leh duh chu Micro Hydel Project hi project 8 lai 925 kilo watts kha Congress hunlai khan siam alo ni a, mahse hengho hi chu tunah chuan engmah lovah a chang ta vek a abandoned a ni ta a. Tichuan sorkarin pawisa tam tak a lo sen kha engmah lovah an lo chang ta a ni a, chutiangte ngaihtuah chuan a khawiah khan nge lawmthu chu va sawi tur ni ta ang aw tih ka ngaihtuah a ni.

Tin, Serlui 'B' Hydel Project chungchang thuah te pawh khan kan sawia hei, Mizoramah kha chuan a lian ber a ni a, Congress sorkar khan an lo pamtul der kha a ni a, chu chu kan sawi tak ang khan MNF party khanin 9 to 12 mega watt-ah khan a han upgrade chho ta a, revised estimate-te an han siam a, vawiinah chuan hawn theih ti tihin a awm ta a, hemi atang hian 12 mega watts of power kha kan nei thei dawn tihna a lo ni a, a lawmawm hlein ka hria a, hengte hi vawiinah hian ka'n sawi tel loh theih loh a ni keini lampang atang chuan. Congress sorkarin a lo abandoned tawh kha MNF sorkar khan chak takin hma an la a, a han ti chho thei ta kha a ni a, a lawmawm hlein ka hria a ni.

Tuirial Hydel Project chungchang thuah inmahpuphna a nasa hle a, a main-ah chuan kan han discontinued nachhan kha compensation chungchang thu kha a ni e tih kha a ni a. Nimahsela hei Chief Engineer-in helaia press statement a siamah hi chuan a ni ber love a tia nih hi. A nih berna chu anmahni NEEPCO, CMD Sharma kha khami khan harsatna nasa tak a siam a, ani kha Delhi-ah Office nuam tak a nei a, Shillong-ah a lokal tha duh silova, chuvang chuan North Eastern Student Union ho pawh khan amah kha chhuak sela, chawl sela an duh a, nasa takin an nawr a, chumi avang chuan anmahni NEEPCO-ah zawk khan harsatna a lo awm a ni tih kha kan hria a, khami kha engemaw chen an chawlhna kha a ni lian ber zawk mah mah a ni e, an ti a. Helai chungchang thua sawi ka'n duh chu, Ministry of

Power Secretary hmuhnaah khan Chief Secretary vawikhat ka kalpui ve a, chumi ni chuan mimal hnena compensation pek chungchang kan sawinaah khan ani chuan heti hian a ti a - engpawhnise, mimal hnena compensation kan pe dawn anih chuan unit cost of production kha a sang dawn ta a, chuti anih chuan State sorkar khan kan power generate kha in lei vek thei dawn em tih kha min zawt a ni. Keini khan 'yes' kan ti thei mai lova, State sorkar rawn a ngai ta a, khami ni khan yes or no kha kan sawi thei ta lo kha a ni a. Tunah hian ₹ 808.5 crores atang khan 913 crores velah khan an revised tih kha kan hria a, khamiah khan a compensation amount kha a lo tel tehreng pawh nise a compensation percentage kha 2.87 percentage chauh a ni a, chu chu anni hmuh danah kha chuan hemi hi chuan he power project siamna hi a dal tak tak lo tih kha Secretary-in a ngaihdan a ni. A duh ber erawhchu a power generation kha State sorkar hian kan lei thei vek dawn anih chuan siam kha an hreh reng reng lo, tukin zingah pawh kan House Leader zahawm tak khan a sawi a, he power generation hi kan lei vek dawn a ni tih kha commitment a siam tak avang khan tunah hian an chhunzawm thei tur hi a lawmawm ka ti khawp mai a, khalai kha khami thil kha, khami hunah pawh khan Power Secretary-in kan State sorkar a rawn tih chiah kha a ni tih kha ka sawi duh a ni.

Pu Speaker, sawi tur a tam viau mai a, hun ka nei belh thei lawk angem aw? Awle, reilote - kan sawi leh duh chu Pu Speaker, hei mahni bialte hi kan sawi lo thei lova, ka han sawi duh lawk chu RGGVY te keini tan chuan kan inngahna a ni a, RGGVY te hi hei aia chak zawk leh tha zawk hian hma lak theih ni selang chuan keini ang bial kilkhawr neite chuan kan hlawkpui hle turah ka ngai a. Hei te hi TNT Company ho hianin tha deuh zawk leh chak deuh zawkte hian hma min lak sak thei sela tih hi ka rilruah a awm a.

Tin, hei Kolodyne Hydel Project-te pawh hi ni 22 Dec., 2008 a sign tawh kha a ni a, within 6 months-ah khan pre-construction work an tan tur a ni e tih a ni a. Engmah tih a awm vak lova. Tichuan within 18 months-ah khan an hna an tan tur a ni e an ti a. Vawinah hian tan an la nei ta lova hmuh thamin. Chuvangchuan, hengahte pawh hian hei aia chak zawk hian hma min lak sak thei se, min tan sak thei se tih kan duh khawp mai.

A dang leha kan sawi leh duh chu, hei Hydel Project-ah hian neuclear plan hi India Sorkar pawhin a sign tawh a. Tunah hian India ramah hian neuclear plan hi 50 vel kan nei tawh a. 4000Mw power kan nei tawh a ni. Chuvangin, neuclear lamah pawh kan Sorkar hian Govt. of India-te pawh indawr ve ta pawh ni ilangin tih theih kan ve mahna tihte pawh kha ka rilruah a awm a. Chuvangchuan, kan hmalakna hi chu a la beitham deuh em mai a, tun stage-ah hi chuan lawmthu hi sawi lo phawt mai teh ang u tih hi ka ngaihdan a ni a. Chu chu ka han sawi a ni e. Ka lawm e.

S P E A K E R

: Tunah Pu K. Lalrinthanga ilo sawm ang.

Pu K. LALRINTHANGA : Pu Speaker ka lawm e. “Power lama kan intodelh theih nan Pu Lal Thanhawla hruai Sorkar hmalakna hi lawmawm kan ti”, tih hi sawi tur chuan Sorkar hrang hrangin kan lo chelh tawh dan kha bultan nan hman a thain ka hria a.

Hei Congress kaihhruai Sorkar hun chhung hi mi tam takin an han sawi tam viau a, kan dinhmun dik tak hi han sawi hmasa ta ila. P.C. kha 1978 inthlan khan an han sorkar chho a, 1984 thleng an Sorkar a, kum ruk zet an sorkar ve a ni. Tichuan, MNF te hi 1986 atangin Pu Laldenga a rawn Chief Minister a, 1987-ah Chief Minister a ni chhunzawm a. Chungte nena belhkhawma kum sawm an sorkarte nen hian kum 13 zet an sorkar ve baw k a ni. Kum 10 sorkar han intih lem bik kha a fel bikin ka hre lova. Congress hi kum 13 an sorkar tiin min sawi sak thin a tunhma khan, term hnih sorkar leh 1984-a sorkar 1986-a inbiakremna awm ta te nena belhkhawm khan 13 tiin min belhkhawm sak a ni. Kha term hnih 1989 a inthlana sorkar chhoh leh 1993 a sorkar belhkhawm khan kum 9 a ni a. 1984 atanga 1986 kha kum hnih a lo ni a. Chuvangchuan, kum 11 chauh a lo nih chu. Chutiang chu kan sorkar dan a ni a. Chutianga sorkar kan neih rual chuanin power lama kan hmalak dan hi tiang hian sawi ta ila a thain ka hria a.

P.C. Party Sorkar lai khan Serlui ‘A kha an lo khuap ve a. Kha kha hawn a ni a, chu chu an hnathawh pakhat hlawhtling a ni a. Chumi hnu chuan Bairabi Hydrel Project kha 1982 ah an ti a, an thawk tan a, 1984 ah Sorkar a tawp a. Kum 1982 a investigation thawk tan, 1984 a an sorkar tawp leh ta kha chu engmah an thawk vak hman lovang tih kha chu chiang tak a ni. Kan thawk teuh tiin sawi sawi mah sela, engmah thawhna hun a awm lo hrim hrim. Chutih rual chuan ka han sawi duh chu thiltih reng reng hi uluk leh uluk lo hi kan en a ngai a ni. Dawhkan siam turin mithenkhat chuan awlsam takin, hun reilo teah a man tlawm takin an siam a. Chartin 2 te emaw lo hmang ta se, tunlai rate-ah chuan cheng 800 te emaw chartin man alo ni ang a. Cheng 900 pawha lei tlak lohin an chhuah ang. Amaherawh chu mithenkhat chuan 5,000 pawn lei ngam awm hlih hliahin an chhuah ang. Chutiang chu thil uluk leh uluk loh danglamna chu a ni. Kan unaupa pakhat hi a uluk lo em em a, tlai dar 3 banah hian khum 2 hi a dawh zo a ni. Chu chu han lei dawn chuanin lei en a en chi pawh a nilo. Amaherawh chu Mistiri chuan khatianga hmanrua tho hmang khan cheng sing chuangin a man an chhuah thei a ni. Chutiang chu thil uluk leh uluk lo kan khaikhinna tur chu a ni a.

Hydel Project siam tur pawh hian uluk taka en a ngai a ni tih hi kan hriatchian a ngai. 1982 a investigation thawk tan a 1984 a tawp leh ta mai te kha chuan uluk takin an khuap teuh hman lo a ni tih kha chu tlang hriat a ni tih kan sawi a ngai a ni. Chutihruai chuan helaiah hian ka’n sawi leh duh chu, Bairabi Hydrel Project kha 1996 ah Brahmaputra Board-in investigation min han tih sak leh ta a. MNF alo sorkar hnu khan Detail Project Report an lo dawng chho ta kha a ni a. Chutiang chuan P.C.Party hunlaiin bul an tan a ni. Khatianga an tan tawh kha a that tawh loh avangin Congress-in a chhunzawm chu a chhunzawm a chu MNF sorkar laiin Detail Project Report an dawng ta a. Party pathumin kut kan thlak theuh tihna anih chu. Chutiang chu kan hna thawh tawh dan chu a ni a.

Tin, Serlui ‘B’ Hydrel project hi 1983 kum khan P.C. sorkar khan investigation a tan a. Chuan hna an han thawk a, kan MNF member zahawm tak khan

Lei thui deuh mai Km engzat nge a tih kha ka lo chhinchhiah ve ta lo a, khatiangte kha dawh a awm a ni tih kha a awm a. Lei khatiang chen chen dawh ngaihna kha Mizoramah a awm lo hrim hrim a. Kha kha chu wrong information a ni tih chiang takin hre ve ta sela, khatiang chen chen kha P.C. Party sorkar lai khan an dawh lovang tih kha chu a rin hriat theih a ni. Amaherawhchu, Congress Party alo sorkar khan kan puten an han ngaihtuah a, nichina kan ngaihtlak tawh ang khan, thawh tlak a nilo, a to lutuk dawn an tih avang khan Congress Party chuan kutthlakna a neilo tihna anih chu. Chu chu hun lo kal zel MNF lo sorkar velel takah khan compensation-a sum leh pai siamna awlsam tak anih avangin han khuah leh kher kha a ngai ni awm tak a ni. Chutiang chuan an han khuap leh ta a, tun thlengin keini chu kan buai phah ta a ni. Builum mipui ten harsatna tun thlengin an tawk ta a. Tun thlengin ka hnenah an rawn kal a, harsatna kan tawk mek a, kan mangang a ni. Chutiang chuan tun thlengin power siamchhuah ala awm lo a. Tiang hian ka ngaihtuah a, tute tawngkam emaw lo hawh ve ta ila, “Mikhual ho an rawn lan hi chuan buaina hi a thleng deuh zel anih hi maw le tih hi” ka thinlungah hian a rawn lang deuh hlek a. A chhan chu Tuirial Hydel Project kan han ti a, compensation avangin kan buai a, Serlui ‘B’ Hydel Project-te kan han ti a, compensation avangin kan buai a. Tun thlengin 1983 atanga investigation tih tawh kha tunah hian hawn theih lohin ala awm anih chu maw le. Kan hotuten khuah tlak lova an ngaih kha an han khuap lui a, tunah hian hawn theih lohin a la awm a, a mawng thlang lampanga awm Chawnpui khaw ho chuan tun thleng hian an la hlau a ni. A khuah a chianguang lovin a tir atang khan an hre tlat a, helai House zahawm takah pawh hian zawhna ka zawt tawh a, Assurance Committee-te pawn kan zuk en a, department-te nen pawh kan zuk en a, a hlauhawm loh zia thute department lamin an han tarlang a. Chutiang ang chuan kan mi leh sate an mangang a, zan mu pawh an la tuah hleitheih lova. Engtingge ni ang sorkar atangin tanpuina a awm thei em tihte an ngaihtuah mek a, amaherawhchu, khatiang ang kha a awm thei bawk si lova. Chutiang ang te te chu a ni a.

Tunah hian hun tawi te a ka han sawi duh tawh mai chu, sawi tur tam tak awmah hian Congress Party sorkar lai hian Project No.24 thawh a ni a, MNF hian a malin No.1 an thawk a. Serlui ‘A’ Hydel Project, P.C in No.1 an thawk a. P.C leh MNF thawh dun Serlui ‘B’ Hydel Project kha No.1 a ni a. P.C leh Congress intawm Bairabi Hydel Project kha No. 2 a ni a, a dang pakhat nen..(helai hian ka zuk hmu thei mai lova). Chutiang ang anih avang chuan Congress Party sorkar hunlaia Pu Lal Thanhawla kaihhruaina a thawh hi a tam em em mai a, tuna thawh mek leh ruahmanna kal mekah hian 1978 MW zet mai tihchhuah tur a awm a Pu Speaker, chuvang chuan lawmthu sawi lo thei lo kan niin ka hria a, chu chu ka rawn din pui ve e. Ka lawm e.

S P E A K E R : Englo a nia, helai atang hian kan sawi ang a, hei ban phar sa hi Pu Lalrinliana Sailo te, Pu Nirupam Chakma te, Pu K.S Thanga te, Pu P.C Lalthanliana te in la awm a, tin, Pu P.C Ramsanga te, Pu P.P Thawla te, chuvang chuan kan la thahnem angreng a. Hetilai atanga han strict deuh viau kha a harsatna chin hi a awm thin a, member-te kha insawi kaltuan laia thu rawh han in tih hi a hrehawm angreng a, mahni theuh kha bell a rik tawh kha chuan tihtawp kha han tum deuh tawh mai ula a thain ka hria a, chu chu ka’n request duh che u a, pawimawh in tih kha han sawi zung zung u langin a tha awm e. Tunah Pu Lalrinliana Sailo ilo sawm ang.

Pu LALRINLIANA SAILO, MINISTER : Pu Speaker, ka lawm e. Vawiina Member zahawm tak Pu Lalrinawma Resolution “Power lama kan intodelh theih nana Pu Lal Thanhawla hmalakna hi ropui kan tiin lawmawm kan ti”, tih hi a lawmawm em avangin minute tam tak pawh ka la lovang a, han support ve lawk ka duh a. A lawmawmna em em pakhat chu, hei, Record-te kan han en kan han en a, kan han hmuh atang ringawt pawh hian Maicham-I ah hian hawn atang ringawt pawha vawiin thleng hian Power Unit pek chhuah ringawt pawh hi a pawisain kan chan tir chhin a tunah hian, kan leina nen hian a inang chiah lo pawh a ni thei a ₹ 2.68 paise bawr velte pawh a lei te pawh hi a awm niin ka hria a, amaherawhchu, ₹ 2.50 paise ang velte pawn han chhut ta ila, Maicham khian cheng vaibelchhe sawm chuang hi..... Tin, Teirei hi cheng vbc 8 nuai 69 chuang a thawk chhuak tawh a ni, Pu Lal Thanhawla kutchhuak atang hian. Tlabungah hian cheng vbc 3 chuang a lo tlan chhuak leh reng tawh mai a khawl hianin. Tin, Tuipang luiah hian cheng vbc 1 leh nuai 50 chuang man a tlan chhuak tawh a ni. Keini ang ram intodelh lo sorkar tan chuan khang ang thahnemngai taka hma an lo lakna kan chhawr tam zia hi cheng vbc 30 chuang daih mai kan khawlin, congress sorkar hmasa atangin a lo phur chhuak tawh a ni a. Tin, a lian tih lehna zel tur hi kan la sawi zel ang a. Oppostion-a kan awm lai khan kan han tlawh ve thin a Maichamte kan tlawh a khawlin a zu insawhna kha tih that anih loh chuan a khawlin a tuar dawn a, lunga inngahna a keh tawh avangin a tha love an ti a, vawi hnih lai ka han tlawh tawh a ni. Sawi nuam chu a ni tawh lova, Tuipang Luiah te cheng vcb 750 vel a khuangcher bo a ni tih te kan hria a, chutiang bawkin Kau Tlabungah te a hmunah kan va kal thlap thlap kha a ni a, a lunglen thlak angreng hlein ka hria a. Tiang chuan hma an lo la a ni a, khatih hunlai khan project lian reng reng kha central-in a phal mai loh avangin clearance a pe thei lova Mega w. 3 kha pek theih a ni lova state-ah khan Narasimharoa hunlai khan an rawn phalrai chhova tunah hian a kal chhova chuti chung chuan a te ti thova, khang hunlaia Pu Hawla leh a thawhpuite a te an khawrh a, chutih laia a lian Tuirial a an lo bawhzui tluk tluk te, Bairabi thlengin a lawmawm hlein ka hria a. Teireiah pawh ka zu kal a Pu Robiaka nen hian ani kha alo thleng zo lova Tuirumah alo awm a, zana an khawl tihnun lai kha hmuh ka duh si Km 2 vel zan thimah kan indap chhova, chutiang chuan a hmunah kan zu kal dap dap kha a ni a.

Pu Speaker, tunlai chanchinbu pawha an lo chhuah thinah kan zo tawng diklo deuh hlek a awm em aw ka ti a, Tuirial Hydrel Project-ah pawh **inpuhna** tih tawngkam hi kan sawi tum, kan sawi duh kha a inper san em aw ka ti a, document kan show tawh a helai hmun ngei pawh hei hi a ni e, kan tih pawh khan hnialtu ka nei lo khatih hunlai khan. Chuvangin **inpuh** tih tawngkam hi chu hmang tawh lo hram ila he hmunah hi chuan thudik hi chu a dik a ni. MLA 2003 khan ka tling ve a, 2004 ah khan motor min pek khan zu kal ngei a ni a. Tichuan November ni 3-ah kan zu thleng a November ni 4-ah kan han vel ta a, tahchuan an lo inphur chhuak nguai nguai mai a. Tuirial atang khan khutah State dangah, engatinge kan ti a, pawhdin kan duh a ni, kan thian ho khan. A thawh theih loh, compensate min dil a, kan pe thei si lova, chuvang chuan min dang a, kut min thlak mai dawn an ti a. Tichuan kha kha 2004 June ni 9 atang a August ni 13 thleng kha Band kha a ni. Tichuan an bungraw rawn inphur chhuakte chu hmuh an hrehawm khawp mai, kan ram dinhmun kan han inthlir a, kan ngaihtuah a, kan zirlaiten power an mamawh zia te, a bikin zirlaite

tan pawh hnathawh nante chuan thudang ni ta se, a hreawm kan ti a ni. Tiang chuan khulaiah khuan kan zu kal a ni a, kei ngei pawh hian Saipumah te, Mauchar-ah te kan kal a, khawhar inah te kan kal a, khulai Putar Christian tha tak takte pawh kan zawt a ni. Tichuan hemite hian kan ti a, an hmingte pawh sawi chhuah a hrehawm tawh a, tunah chuan. Huan an rawn nei em ni kan ti a? Nei e, ka pu. Engtik atanga rawn nei nge an nih kan ti a, kan zawt a ni. Kei ngei pawh hian mi 39 a vedio pawh ka la nei thlap thlap, 39 kan interview a ni. Tichuan, tunhmain Ram an neih kan hre lova, tunah hian an rawn nei sup sup mai a ni an ti a ni. Hei hi thudik a ni Pu Speaker, inpuh tih a ni lo. Compensation kan hotupa, kan House Leader zahawm takin a sawi, a tira 48 tih, sang chuanga chho ta kha chu thudik a ni a. Tichuan Biate ami te, Champhai ami te, Electric Veng ami te, hmun hrang hranga mi khan compensate kha an claim ta a ni a, thudik a ni a, hei hi chu. He House zahawm takah hian he House zahawm nan hian inpuh nilovin thudik sawichhuahna a ni tih kha ka'n sawi duh a.

Chutiang chuan Serlui 'B' ah pawh Pu Speaker, ka hriatsual loh chuan 1990 ah khan bul an tan kha a ni a. Khatah khan Megha Watt 9 tura ruahman cheng vaibelchhe 45.2 kha a ni a, tichuan a vawi hnihna MNF Sorkar a lo din khan an han tan leh khan vaibelchhe 85 kha bul tanna a ni a. Tichuan kei ngei pawhin hemi House-ah hian ka sawi a. A tawpnaah chuan vaibelchhe 191 leh nuai 13, Pu Speaker, he House-a hnialtu ka neih loh lai kha ka rilruah a awm, Jungle clearing-na turin Buh tin khat hmun pawh a ni lovang chumi sam fai nan chuan cheng nuai 382, singruk sangnga an hmang a ni. Khatihah pawh hnialtu kan nei lo tah khan, thudik a ni tlat alawm. Chuvangin hetia ka han sawi hi thudik a ni. Vawiinah hian engvangnge ? vawiinah kan hotupa ho hi chuan hetiang bill diklo em em hi chu a thlen theih ka ring tawh lo. Officer-te hi a kawltu azir an ni mai.

Dik tak chuan a BOQ en ta ila khulaia leivung paihchuhna zawng zawng khu Mizorama lung chang ber rate-in an kaltir a ni Pu Speaker. Chuvangin, keini chuan hetiang a ti lovin, kan hotupain tuna a Project lian pui pui mai a han buaipui a, an sorkar tirh phat mai atanga an kalpui Chhimtuipui te, Lungreng te, Tuivai angte hi a ropui ka ti tak meuh meuh a, thangthar lokal zel tur hian kan hotupa Pu Lal Thanhawla sulhnu hi hre ngawih ngawih se ka duh a. Tin, Brig. T. Sailo pawhin sulhnu chu a nei, a lawmawm a, chutih rual chuan kan hun neih ang ang, entirnan – P.C kha kum 6 vel emaw an Sorkarin ka hria a, khami chhung khan Small Hydel Project hi 2 an ti a, a lawmawm ka ti. MNF kha kum 10 an Sorkar khan an hnutchhiah hi chu a tlem deuh hlekin ka hria a ni. Chuvang chuan, kan sawi ve thiam lova Congress ho hi, kan hotu Pu Lal Thanhawla hmalakna hi a ropui tak meuh meuhin ka hria a, Zoram dung leh vang hian hria se ka ti tak meuh meuh a ni. Sawitur a tam khawp mai a, Pu Speaker, ka lawm e.

S P E A K E R : I lawm kha a hun tawh viau a ni. Tunah Pu Nirupam Chakma.

Pu NIRUPAM CHAKMA : Pu Speaker, ka lawm e, sawti lam, chhim lam atangin, a kilkhawr deuh atang chuan power lam sawi hi chu a har viau a ni.

Amaherawhchu, Pu R. Lalrinawma Private Members' Resolution "Power lama kan intodelh theih nana Pu Lal Thanhawla hruai Sorkar hmalakna hi lawmawm kan ti" tih hi ka support duh a. A chhan chu, tun dinhmun a sawi lova, intodelh theih nana Pu Lal Thanhawla kaihhrui Sorkar hmalakna hi lawmawm kan ti, hmalakna hi a awm ve a, kan hre vek a, khami appreciate theih loh kha chu a tha lo ka ti. Hmalakna awmlo se chuan support loh pawh pawl ka ti lo, mahse hmalakna a awm si a, initiative a awm si a, intodelh kan duh si a, kan duh na na na chuan support pek hi sawti lam tan chuan kan bat a ni Pu Speaker. Hei, Power lam chungchang kan sawi a, ka hma-ah member tamtakin an sawi tawh a, Power-a hmalakna chungchangah khan. Pu Speaker, thil pakhat ka sawi duh chu he House-a inhnial inhnial hi waste of time a ni, thil fact kha state deuhin dah ila, mipui chuan thudik chu an hre dawn a ni. MNF kum 10 an Sorkar a, 1989-1990 thleng, Tuirial Hydel Electric Project lungphum kha 1998 kan Pu Lal Thanhawla, khatih laia Chief Minister phum a ni. Hna an tan tawh tihna a ni a, kum 10 chhungin a puitling lova, puitlin loh chu sawiloh abandon titih a ni, chumi mawhphurhna responsibility la theilo Party pakhat mai nilo, pahnih an ni. P.C leh MNF party pahnihin Congress an khing a, hneh takin an Sorkar a, inthlanah pawh mipui bum ka ti, qualition-in an sorkar a, hneh takin an tling a, mahse kum khat hnuah an inthen leh a, a buaizo vek a ni Pu Speaker. Responsibility chu kum 10 chhung ro an rel miau avangin kan fail ani tih tur a lawm, enge a zahthlakna. Chuvang chuan nikumah emawni House-ah ka sawi a Lengpui Airport chungchang kha, kum hnih leh tlem chhungin kan zo thei a, kutthlaktu hmasa ber pawh keimah ka ni. Kum 10 an Sorkar a Pu Speaker, khawiahnge Airport an siam kha kha fail a ni lawm ni. Kha kha zah tur a ni lo responsibility-tu lam ai chuan mipuiin ngaidam ang. Politics-a inbeina ringawt hi a ni lo fact hi mipuiin an duh a, hnathawk thiam hi mipuiin an duh a, an thiam lova, kum 10 chhung an enchhin tawh a, tunah Congress a lo sorkar ta a ni. Thiam se chu kan Sorkar tawh lovang. Power Department chungchangah Pu Speaker, sawi tur tlem ka nei a, kan hmalakna chu tha ka ti a, sawi nawn ngai ka ti lova, amaherawhchu Unstarrred Question 10-na vawiinah House-a an lay kha ka sawi duh a, Power electric anih avangin question pakhat ka siam a, Yearwise breakup of amounts spent for purchased of power from different sources during 2008-2009. 2008-2009 khan MNF a Sorkar a, a tawpah reilote Congress a Sorkar a ni. 2009-2010 leh 2010-2011 till May, 2011. A chhanna chu hetiang hi a ni – Mizoram pawn lam atanga Power lei nan a pawisa hman chu 2008-2009 NEEPCO, NHPC, TSECL atangin 58 crore 68 lakhs man power kan lei a ni. Hei hi department chhanna a ni. chumi kuma revenue kan collect chu 100.90 crore a ni. 2009-2010 ah khan Mizoram pawn lam atanga power kan lei chu 65 crore leh 57 lakhs man a ni. Hemi kuma Mizoram chhunga revenue collect chu 67.86 crore a ni daih a. 100 crore atangin 67.86 crore ah kan tlahniam a ni. Hei hi chhui a ngai. Chu ringawt chu a ni lo, Pu Speaker, 2010-2011 kumah khan Mizoram pawn atanga kan power purchase chu 76.47 crore man a ni. Chubakah Mizorama kan generate nen ti mai ang. 2010-2011 ah hetah min chhannaah khan revenue kan collect chu vaibelchhe 72 leh 57 lakh chauh a ni. 2008-2009 atangin 2010-2011 ah power tam zawk kan purchase a ram pawn atangin, amaherawhchu, revenue collection a tlakhniam chhan kha enge ni? Kha kha chhui a ngai. Enge ni, Department-ah conspiracy a awm em ni ka ti mai. Khatia a tlahniam tlat kha. 2008-09 ah 100 crore kan collect thei a. 2009-10 ah 67 crore chauh, 2010-11 ah 72 crore chauh. Lehlahmah power tam zawk kan purchase si. Khawiah nge power a kal? He thil hi a serious a ni, Pu Speaker. Parliamentary Committee dinin chhui a ngai. Department-in sawifiah a ngai.

He zawhna ka zawh chhan chu Pu Speaker, engati nge power dinhmun a chhia mipuiin an tih a? Enge MNF sorkar aiin keinin power tlem zawk kan purchase a ni tih kha ka ngaihtuah a. Chumi chian nan he zawhna hi ka zawt a ni. MNF sorkar aiin power man tam zawk kan purchase a, amaherawchu, mipuiah khan power harsat zia tun thlengin sawi a ni a, Member-te pawhin. Chumi rualin revenue kan collect danah khan a tla thur a, a tlem zawk a 2008-09 hisap chuan. Hei hi eng vang nge ni? Rate pawh a sang tawh si. A chhan chu heti chungin revenue collect kha a mak chu a ni Pu Speaker. Hei Private Members' Resolution a ni a, nakinah wind-up chu kan Member zahawm takin a ti dawn a. He thil hi nakinah kan Power Minister, Honourable Chief Minister-in Demand sawi niah emaw he thil hi hrilhfiah se la ka duh. Chu chu ka sawi theih tawh ni se la, ka lawm e.

Speech not corrected.

Pu K.S. THANGA : Pu Speaker, ka lawm e. Vawiina kan resolution "Power lama kan intodelh theih nana Pu Lal Thanhawla hruai Sorkar hmalakna hi lawmawm kan ti" tih hi han support ka duh a. Kan ramah hian kan politics kalpui dan hi felin tha viau mahsela, a tha lo sawiselte hi chu kan ti thei vek mai a, a tha leh a dikte lawmpui te, chawimawi te hi kan harsat lai hi politics-a kan tihsual laite pawh hi a ni mai thei a. Vawiinah hian power chungchangah chuan Mizorama Sorkar lo awm tawh a, la awm lova chu sawi theih a ni lova, Congress Sorkar Pu Lal Thanhawla hruai hi a sang filawr lak a, hma a la nasa a, chuvang chuan, chawimawi a phu a ni a rawn tih hi thudik a ni a.

Hetah hian kan sawi mai mai duh chu, Sorkarna changtu PC, People's Conference Party thinin Mizorama hma a lo lak ve tawhna han sawi ta ila – Pakhatnaah chuan Serlui 'A' mega watt 1 pechhuak thei siam a niin nasa taka vawrh lar a ni a, vawiinah hian Tlawng lui tui pump chhuah nan pawh tui a tamin a hman theih mang lova, tui a kangin a hmantlak leh bawh si lova, chutiang vel chu tlem azawng chu kan la hmu ve hram hram a ni, chu chu kan hmuh a ni a. Tichuan, Bairabi Hydel Project investigation mega watt 120 pe theiin National Hydel Project Corporation (NHPC) in thla 8 chhungin investigation ram buai karah fur chhe karah an zo vek a, zawh chu an zo thlap a ni. Amaherawchu, kha thla 8 chhunga zawh kha khatiang hydel project lian mega watt 120 pechhuak thei tura thawh tak takna atan khan rin ngam a lo ni lova, a hnuah Brahmputra Board-in Survey Investigation a ti leh a, Congress Sorkar hun laiah ti char charin a zo hman lo deuh va, MNF Sorkar a lo din khan chu chu a rawn zo ta a. MNF Sorkara Chief Minister Pu Zoramthanga ngei khan House-ah khan lawmthu a sawi a ni, hei hi thudik a ni mai a ni, House-ah proceedings engkim a awm vek a ni. Chuvang chuan, PC-ah khan kum 7 chhung khan mega watt 1 tuna chu pawh chu tling tawh lo bak hi sawi vak tur a awm tawh lova, sawi viau thin mahsela, a tak takah chuan khuap li luai an tihna hmunah khan keipawh ramvakin kan kal a, suar a ni a, sangha a tam duh khawp mai khalai suarah khan helaia lung bang an verhnate chu kei pawhin ka en a, thir tiang lian deuhva han verh ang vel kha chu hmun hnih khat chu a awm a ni. Chuvangin, thil ropui tak kha sawi tur a awm lo, chuvangin, lawmthu sawi viau tur an hnenah pawh hian a awm

chuang bawk lova, an vei viau anih pawhin Pathianin an kutah a dah lo nge ni hei vawiin thleng hian chance an nei leh ta lo a ni.

Tichuan, MNF hunah hian power an siam veleh hi Lamsial Small Hydel Project .15 mega watt pechhuak thei an siam a, vawiinah hian la hman ve mek a ni a. Tichuan, Thermal Power Station Bairabi-ah mega watt 22.92, amaherawhchu, a rate a thar chhuahna rate a san lutuk avangin hei hi a thar chhuah theih loh a ni.taka hun tha i pe a, nge ni hun i pek belh hlawm a keipawh kan intluk tlang tho a chance min pek ve ka dil duh a ni. Serlui B ah hian original estimate-ah 2003 ah 85.81 crores a nih laiin tuna Finance-in a sanction zawng zawng Finance-a original estimate a ni a 85.81 crore, chuan first revision-ah 135.20 October 2006 ah a kai a. Tichuan second revision-ah 191.13 crores 2008 January-ah a kai a ni. Chutiang khawp a ni chung chuan vawiin thleng hian hawn theih pawh ala ni lova, commission theih pawh ala ni lova ni. Chutiang vel chu kan dinhmun a nih avangin vawiinah hian sawi tur a awm vak lo a ni. Tichuan congress sorkarah hian hei reilote chhungin a dik chiah chuan hnam runah te pawh khian thiante kan nei a, an Secretary te, an general Secretary thleng khian Hydel project power chungchangah hi chuan congress sorkar hi tumahin kan khin phak loh leh kan tluk loh in ni, sawi phak a ni lo in, invawrh lar thiam lo a ni min ti te pawh hi MNF hotu liante pawh hi anni ve a. An hotuten kum 10 an khawhral hi na ti te pawh an awm ve a ni. Chuvang chuan keini kan hmalakna hei tunah hian Tuirial mega watt 60 pechhuak thei hmalak mek a ni leh tawh a, Tuivai mega watt 210 tender mek a ni a, Chhimituipui Phase II 460, hetah hian mega watt 460-ah hian Megawatt vel phei hi chu a thlawna kan dawn liau liau tur a ni a, dang hi a rate tlawm chi a kan duh ang zat zat kan lei theih a la ni.

Tin, Tuirini hi Megawatt 38 investigation a zo tawh a, chuan Tuivawl Megawatt 42 zawh a ni tawh a, heng hi investigation hi tih zawh vek a ni tawh a ni. Tin Tlawva Megawatt 5 pawh thawh mek a ni a, tin Mat hi Megawatt 76 pechhuak turte Lungreng Megawatt 815 pechhuak tur te, vawiin ah hian Pu Speaker, heti taka nasa a kan Chief Minister- in hma a lakna lawmna tur kan nei lo anih hi chuan engah hian nge kan lawm ang le, vawiinah hian a tak ram thleng lo mahse he sorkar hian kum sawm a hmang ve turah beisei ta ila, pathian khawngaihna a zarah , kum sawm a hman hi chuan Mizoram mipuite hian power kan sawi leh ngai tawh loang a, vawiina kan rilru natna te, opposition-a thu ta khatih laia rulinga awmte ngei vui leh vaina power indaih lo an tih zawng zawng hi kum sawm chung hian keini chuan kan chhan chhuak thei a, chutiang hma chu he sawrkar hian a la a, chuvangin lawmthu i sawi ang u, a rawn ti hi lawmthu sawina tlak niin ka hria a, vawiinah hian atak ram a thleng vek kan ti lova, amaherawhchu, a tak ram thleng tur hian nasa tak hian he sawrkar hian ruahmanna leh inbuatsaihna a kalpui hi i lawm ang u, a ngaihna hria sawrkar kan nei hi a lawmawm a, chak lehzuala a kalna turin tan la sauh sauh bawk sela tiin kan member zahawm takten an rawn moved hi lawm takin ka support-a, member-te pawhin kan suport hi a pawimawhin ka hria a, ka'n sawi ve a ni e. Ka lawm e.

S P E A K E R : Tuanah Pu PC Lalthanliana, a dawtah Pu PC Zoram Sangliana.

Pu PC. LALTHANLIANA, MINISTER : Pu Speaker vawiinah he House zahawm takah sawrkar power lama hmalakna chhuanawm ka ti tih theih resolution pulut ngam sawrkar kan nei ta hi zoram tan a thlamuan thlak hlein ka hria, sorkar tam tak kan lo nei tawh a, sawrkar power lama hmalakna fakawm ti a Resolution pulut ngam sorkar ka la hre lova, tin Pu Speaker, he House zahawm takah hian sorkar hmasaah te chuan kan Hydel Project-te a thuanawp a, a thuanawp chhan pawh compensation diklo taka claim anih vangte, chutiang sum tamtak pass diklova lakna chu he ramah a thleng a, chutiangte chu he House-ah hian sawi alo ni tawh thin a, amaherawhchu, vawiinah chuan sorkarin power lama a hmalakna avanga lawmthu sawina resolution kan han neite hi change chu a thleng hle a ni tih chu he House-ah pawh ka'n sawi duh a. Pu Speaker change hi a thleng, kum hnikkhat lek kan sorkarah hian change a thleng nasa hlein ka hria, kan sorkar kal taah he House-ah hian rukbote tlan nan sum sorkarin in pe a ni kan inti a, pe lo, kan pe lo, a thenin kan ti a, kan pe lo, a thenin pe an ti a, Court-te hial an thleng a ni. Amaherawhchu, vawiinah he House-ah hi chuan, vawiina kan sorkarah hi chuan hel ten an ruk bo chhanchhuah an ni lawm thu sawina te, a chhanchhuaktute chawimawina resolution-te kan han nei leh thung a, chutiang chuan kan ramah, he ramah hian Pu Speaker, change chu a thleng mek zel niin ka hria, lawmawm ka ti tak zet a ni.

Vawiinah hian power lamah inpuhmawhnate tam tak a awm thin, inchhunzawm duh lo, inchhunzawm sak duh lo tih zawngte pawhin tawngkam kan hmang thin a. Pu Speaker, nichina kan member zahawmtak pakhat khan a han sawiah phei kha chuan Zawlbuka e tang leh tanglo tiin party thenkhatte kha min han ti a. Pu Speaker, Mizoramah hian Power lam vei inti leh chhunzawm sak duhlo nia insawi thinte hi a sorkar rei ber an ni zawk em aw. Ka ti hial a. Kum 6 leh a chanve 1987 atangin 1984 kha an sorkar a. Chutah 1993 sorkar ah an tel leh a. Chumi hnu ah 1998 ah an tel leh a. Vawiina tihna hun neilo anga insawi power vei inti, kan P.C sorkarte pawh hi Mizoramah chuan a sorkara kal rei ber an ni awm mang e aw ka ti a ni.

Tin, an sawi chhunzawm sak duh lova an sawite hemi Bairabi Hydel Project kan han tihte phei hi chu anmahni P.C / MNF party sorkara anmahni mi ngei Pu Lalthmingthanga hnenah DPR kha hlan a ni nghe nghe a ni. Kha kum 10 an sorkar emaw an hun chhungah khan engtin nge hma an lak ka hre lova, churang chuan inpuhmawh tur ang zawng emaw, inchhunzawm sak duh lo tia kan thil tih lohte insawimawi nan leh ti thei lo dinhmuna indah ngawt hi kan party thenkhat pawh hi an dik bikin ka hrelo. Ka chhut dan phei chuan Mizoramah hian kum 15 vel P.C an sorkar tawh. An sorkar rei deuh ber a ni. Sorkarah an tel deuh ziah a ni.

Pu Speaker, hydro power-te hi chuti maia hun chep tak kara tih theih anih loh zia hun a duh rei zia te, thil rotling hi chuan kan hre theuh a. Kum 2/1 chhunga peih loh emaw tih theih a ni lova, a tute mah indem tur chu kan niin ka hre lo a ni. Kan ramhnuai unaute kum 20 zet mai ram tan an feh chhuak a. An lo haw pawh kha kan hotupa khan a chi tur a rawn hawn chauh a ni a sawi dan chuan. A chi tur kan rawn hawn a ti a. Tin, kum 10 kaltaa an sorkar chung khan enge kan ram tan in tih an tia. Thar rang bak thar ala hun lo tih a ni leh a ni. Churang chuan vawiinia kan sorkar kum 2 leh a chanve erhawrh kan han sorkar a, Zoram in vawiinah hian electric power-ah kan intodelh kan tilo, vawiinah hian kan intodelh loh avang zawka intodelhna tura kum 2 leh a chanve chauha kan Chief Minister zahawm tak, Power changtu ni bawkin heti taka hma chhawp, a taka hmalakna lehngal, theia hmalakna te an awm hi a ropui kan ti em a. Nang hmu tuten thuin an lawm zia an sawi thei lo tih

ang deuh kha a ni mai a. He House ah chu resolution chu keini chuan kan rawn pulut a ni. Pu Speaker, a dik tak chuan, Tuirial Hydel Project 60 megawat pechhuak thei, sorkar hmasaa hluihlawn abandon tawh tluka awm, vawiinah kan sorkarin 60 megawat pechhuak thei an revive leh ringawt pawh hi a lawmawm.

Chuvangin Pu Speaker, he House-a resolution mai hi kei chu ka duhtawk lova, tunah hian ram puma lawm hi kan la rawt dawn a ni. Tihte pawh hi Zoram mipuite hi vawiinah hian kan hriattir duh a ni. Chumi piah lamah Tuivai 210 megawat pechhuak thei tur, central sorkarin a pilot project vawiina ruahmanna a kal a, engkim mai an han ti chho a. Hemi pahnih ringawtah pawh hian Pu Speaker, he House-ah hian lawmthu sawina tlak, lawmthu sawina tham hi kan sorkar kum 2/1 lek chhung hian a awm a ni tih hi a chiang em em a. Vawiinah hian kan ngaihtuahnaah pheih chuan Pu Speaker, heng kan project hi alo hlawhtling chho anga, nakin kum 4/5 lek hnuahchutah saw tah Akyab va tlawh pawp a Multi Model Transport Project kawng kan laih mup mup an tlang bawng ang a. Rel kawng kan ti mek bawng a. A rawn tlang bawng ang a. Chutih hunah chuan kan NLUP thar chhuah, kan project zawng zawng trade a lo puitling ang a. Kan ram hi vawiinah hian kum 2 leh a chanve chhung lek kan sorkar hian a hmalakna hi kan ram tan hian a hlu em em, a ropui a ni tih hi, Pu Speaker ka'n sawi a ni. Ka lawm e.

S P E A K E R : Tunah Pu P.C. Zoram Sangliana'n a sawi ang a. A dawtah Pu P.P. Thawla'n. A dawtah Pu T.T. Zothansanga.

Pu P.C. ZORAM SANGLIANA, MINISTER : Pu Speaker, sorkar thar a lo piang a. Kum 2 leh a chanve hmel chauh a'n hmu a. Chutih laia he House-a sorkar kalphungte leh nihdante uluk taka lo zir, dan hremi ni bawng, engkim hriain Power lama Pu Lal Thanhawla kaihhruai sorkarin intodelh theih nana a hma lakna lawmawm a tih thu, resolution a rawn pulut hi a dik ka ti a, ka thlawp a. Kan member zahawm tak tak, i vei lama thute hian a resolution wording hrim hrim pawh hi a buk thelh hian an thelh a. Awm ka tih pui tho. Eng vang nge? Chhuah lama an tlanhhiat reng pawh a, 'tlak lamah an tlanhhia', lo ti rawh u aw, tih kha an inzirtir thin dan a ni a. Resolution kan dawhkan hmaah a awm vek a. A inziak vek a, member zahawm takin a rawn putluh hi. Power lamah kan intodelh tawh a, tih pawh a ni lo. Kan intodelh mek a, tih pawh ni lo, "Kan intodelh theih nana Pu Lal Thanhawla hruai sorkar hma lakna hi lawmawm kan ti", tih ni na na na. "Tlak lama tlanhhia a, chhuah lamaah kan kal lo ti ru aw", tih hun lai kha an thusawi atang hian min hriat chhuah tir a ni. Chuvang chuan, Pu Speaker, i kaihhruaina hnuai hian dik tak chuan ramhnuai sorkar ni lo, sorkar pangngai kal phung pawh hi zirtir deuh chu an la ngai a ni. A buaithlak khawp mai. Dawhkan hma a inchhawp reng pawh chhiar fuh hlei thei lovin Resolution-te an rawn pum thelh a. I thil phal a, hunte chu i pek hnem hnem nen. Ka lawmpui lehling viau, chumi kawngah chuan. Ni e, kan ramah hian Power-a kan intodelhna turin Pu Speaker, sorkar tupawh hian a phak ang tawng zelah tan a la. Mahse, sorkar tupawh hian a phak ang tawng zela tan a lak lai khan tichhetu an awm thin hi a pawh a ni. Brig. T. Sailova sorkar lain phak ang tawng ram buai karah RTB order-te a chhuah mek lai te, Ruling party member nih hrim hrimna maha silai kawhmawr an tawn mek laite khan hmasawna tur sorkarin a duh a. Bairabi Hydel Project atante khan hma an la. 303 Rifle pakhat puakin khawng hmasawna atana titu zawng zawngte kha a um bo asin, Pu Speaker. Tute nge a um bo tu? Mizo mipui

khang hun lai hre pha chin khan tuman an la theihngihl lo. Vawiina kan House Leader zahawm tak Pu Lal Thanhawlan phut tlatna avanga a dinhmun a kenna avangin remna leh muanna a lo awm a. Sorkar a lo ding chho. Chutah chuan, Pu Speaker, hma lak a'n ni chho leh a. Chutah chuan engngeni an hma lak? Ama hma lo lak tawhna ngeiah, a sorkar lai ngeia lung pawh a lo phum, bul a lo tan tawh, Tuirial Hydel Project, megawatt 60 pechhuak thei chu khatih hun laia Chief Minister laina hnai ho ngeiin compensation avangin tihchingpen a ni leh. Chung ang zawng zawngte chu hrereng chungin kan ram hmasawna tur atana kan intodelh theihna tur mai pawh nilo, hmasawna tura bulthut pawimawh a ni tih hriain Pu Lal Thanhawla sorkar hian power lama kan intodelh theih nan hma an lakna hi, Pu Speaker, a lawmawm ka ti tak meuh meuh a. Member zahawm tak, Pu Rinawman he Resolution a rawn putluh pawh hi awm ka tihpui a ni. Pu Speaker, he sorkar kum 2 leh a chanve chhung leka document, ziaka tarlan theiha min rawn chhawpchuah theih tak chu, Power-a hmalak mekah hian megawatt 735 vel, hetia kan belh mawp mawpah hian megawatt 735 vel hmalak mekna a awm a nih chu. Megawatt 80, 100 tih bawr te te kha a ni tawh lo. Megawatt 735 vel hi hmalak mekna a awm a. Chungte chu engnge kan tih chuan, Tuirial, tu te unauin emaw compensate an lak duh avanga an lo abandon hial tawh, an lo kal chhuah san tawh kha tihnun leh niin megawatt 60, Tuivai megawatt 210, Kolodyne Phase II megawatt 460, Tlawva megawatt 5, a vaiin megawatt 735. Heng ho hi vawiinah hmalak mek an ni a, chumi hmalak mek a nih rual chuan Pu Speaker, hmalakna kalmek, ruahmanna kalmek hi 6 ngawt mai awmin megawatt 1691 kan belh nawk nawk chuan chu chu zu han awm leh bawk a. Chuvangchuan lawmthu kan sawilo ang maw? he ramin kan mamawh zia te, zana kan thim thin te, chhunah Session lai ngei ngei pawn load shedding ngai thin khawpa kan han awmte hian tuman nuam kan ti hleinem, hrehawm kan ti. Chung a awm tawh lohna tur atan leh kan revenue atan te pawh a pawimawh tiin hmun 6 laiah he sawrkar hian ruahmanna kal mek neiin hma chhawp mekah chuan megawatt 815 pechhuak thei niin MoU te pawh 23rd March, 2010 khan lo sign ni tawhin chungah chuan Power a free-a kan dawn tur 13 % kha an la sign tel lehngal. Hemi ruahmanna kal mek zingah pawh, megawatt 815 a 13% ringawt pawh hi vawiina kan mamawh zualpui phuhrukna chu a tling phak a ni. Chutiang ang khawpa ruahmanna lo nei sawrkarah hian lawmthu sawi loh theih loh a ni.

Chhimitpui megawatt 640 pechhuak thei 23/3/2010 ah khan NEEPCO ten MoU an lo sign leh tawh a, chutah pawh 13 % chu power a free-a kan dawn turin an la sign lehngal, kan lo hrelo lutuk hi lawm nachang kan lo hrelo a, Pu Rinawman member zahawm takin he House rorelna sang ber maia lawmthu sawina a rawn pulut hi, putluh awm hlih hlih a ni, Project pakhat atang ringawt pawh hian. A dang zelah mega watt 76 pe chhuak theiah ni se NEEPCO nen vek 13 % a free-a dawn tur lo zia lut telin 23/3/2010 khan MoU an lo zia leh bawk si. Pu Speaker, Tuivawl nise chutiangan megawatt 42 pechhuak thei, Tuirini nise megawatt 38 pe chhuak thei, chutiangan chu an ni.

Bairabi chungchangte chu kan sawi hnam tawh a Pu Speaker, ka bial chhunga awm a ni a, hre ve hle mah ila han sawi tel zawk ka duh chu, vawiinah hian kan hotute hian tu sawrkar thil tih pawh ni rawh se, kan ram leh hnam tana tha tur apiang hi chu chhunzawm tlak hi chu an chhunzawm a ni. Chutih rualin kan district-a awm, Serlui - B te erawh hi chu chhunzawm ngial han tum pawn chhunzawm theihloh khawpin hlauhawm hmun an lo siam a ni ringawt. Nichinah Pu Rinthanga, MLA zahawm takin a sawi tawh kha, a bial mipui khaw pakhat/pahnih chu zana pawh an

muttui tawh lo, hlahawm hmun an lo siam, an hmalak vena chhunah pawh. Chutiang chuan vawiinah hian project pakhat atang ringawt pawha a percent a free-a kan dawn tur pawh hi. Pu Speaker, he sawrkarin kum hnih leh a chanve chung leka a hmalaknaah hian a percent kan chan tur chin erawh hi Mizoramin tuna immediate-a kan mamawh zualpui phuhrukna khawp hi an lo ziaak lut tel a ni. Chuvangchuan Pu Speaker, hun a tlem si, thil dang sawi tur tam tak karah a Resolution ang chiah chiah hian Power lamah kan intodelh tawh e tih lam niloin, kan intodelh loh zia hria a he sawrkarin hma a lak mekna, Power lama kan intodelh theih nana Pu Lal Thanhawla hruai sawrkar hmalakna hi lawmawm kan ti, tih Pu R.Lalrinawma, member zahawmtakin Resolution a rawn putluh a hi ka rawn thlawp a ni tih hi ka rawn sawi ve a ni e. Ka lawm e.

S P E A K E R : Kha sawi zel kan la duh dawn a, mahse hun kha kan hman thiam lo hle mai a, engemaw sawi duh te kan inkian thiam lova. Chumi hman hei kan Minister, Planning changtu atangin hetiang hi kan han dawng a - vawiina member-te hnena Unstarred Question Dr. R. Lalthangliana, member zahawmtak zawhna question no. 7-na Planning Deptt. chhannaah khan figure tihdik loh palh a awm a, (b) chhanna kha hetiang hi a ni - thlatin sum sen zat chu ₹3,32,94,406/- kan en thuak khan nia tam lutuk khan ka hria a, kan budget zat lai kha an rawn ziaak mai a, cheng vaibelchhe 1256 kha thlakhata an hlawh ang khan an rawn chhang a, vaibelchhe 33 thlatin a chhuak zawk a nih chu.

Le, tunah chuan hun hman thiam tur, hun hman thiam pangngai kan member-te zinga mi Pu P.P. Thawla i lo ko ang.

Pu P.P. THAWLA : Pu Speaker hi min duhsak lo dawn riau maiin ka hria a, Pu Speaker ka lawm e.

Member zahawm tak Pu R. Lalrinawma'n "power lama kan intodelh theih nana Pu Lal Thanhawla hruai sorkar hmalakna hi lawmawm kan ti" tih resolution a rawn putluh hi he House zahawm taka han passed atan chuan a ni em em emaw ni chu aw tihna rilru ka pu a. Amaherawhchu, Pu Speaker i dinglama thu, a thlawptu turte kha 30 vel lai kha an ni awm si a keini i veilama mite lah hi 8 emaw vel lek kan ni si a, passed chu a ni tho tho maithei a. Amaherawhchu, kan in debate-na ngaithlatu mipui chuan min pass pui miah ka ring lem lo a ni tih hi chu ka sawi hmasa duh a.

Kum 20 Mizoram District Council anih hnuah U.T. kan lo hmu a, Govt. of Mizoram a lo ni tan a, Govt. of Mizoram a lo nih tanna term khatna kum nga chung zawng kha chu power lama hmalakna hi a la awm lova, bul an tan leih leih a ni a. 1977 vel atanga P.C. a lo sorkar khan power lama hmalakna hi 6th basic needs-ah a lo lan miao si avangin Zoram mipui chuan vawiin thleng hian power lam a lo rik tawh hi chuan P.C. hi kan hre fo thin a, nichina ka hmaa rawn sawituin kum sawm panga P.C. sorkarnaah an tel tawh a rawn tihte pawh kha a awm viau thinin ka hria. Chutianga bultan nana an lo hman tawh zawng zawng leh an survey-te ka sawi seng lovang a, a langsar zual chu Bairabi te, Kolodyne te a ni. Kolodyne Hydrel Project hi

survey hi an tih tirh atanga hmalak char char ni ta sela tipuitling ta ilangin project dang hi siam siam ngai lo hian Zoram hian kan mamawh aia tam daih mai hi kan nei dawn a, kan hralh chur chur mai tur a ni a. Mahse vawiin thleng hian tihpuitlin a la nih tak siloh avangin tuna harsatna hi kan tawk a ni a. Tichuan kum nga leh a chanve vel P.C. sorkar hnuah 1984 khan Congress a lo sorkar tan ta a 1997 vel thleng. Kum 13 kan ti pawh hi a dik tho mai, a chiah chiah kan chhut chuan sawmpahnih leh a chanve pawh a tih theih ang chu, hemi hun chhung zawnga power lama hmalak kha ni e resolution puluttu khan a rawn tarlang a, sawm chuang zet mai a rawn tarlang a, dik pawh a dik thawkhatin ka ring. Amaherawhchu, khati zo zai power lamah hma kan la tawh si a, vawiinah hian Mizoram mipui hi engatinge kan intodelh loh fo mai. Project tina MW pechhuak tur zat kan belhchhuah chuan Mizoram mipuite mamawh kha a khum daih tawhin ka hria, keima lo belh ve danah chuan, a sual palh te pawh a ni mai thei a. nimahsela, vawiinah hian keima hriat ve tawk ka rawn sawi mai ang a, Congress a lo sorkar chuan Mombati sorkar a piang leh ta tia tute emaw titi chu ka hre ve bawk a ni.

Tin, keini Saiha District-ah te chuan nikum lamah te chuan Saiha Bazarah programme an buatsaih a, Mombati-te an sem chur chur a. Chutianga eng chit lama dem thin sorkar kan lo ni thinte pawh kan bengin a hre fo mai. Chutih laia he resolution han pass-pui hi chu thlawp har ka ti khawp mai a.

Tin, project reng reng hi a tira hmalak lai chuan a sum lampang hi a tam a, chuvangin project thar han tih hi chu a sorkar tan pawh a chakawm, a contractor tan pawh a hlawk baw, sorkar kalpuitu tan pawh a hlawk baw, hausak nan chuan a awl khawp. Mahse, a maintain a that siloh va, a puitlin that si loh a, ram intodelh nana mipuiin kan hman siloh chuan a khawiah khan nge lawmthu kan sawi lem ang ? tih lai kha ka rilruah a lo awm a ni.

Tin, party mal sorkar rei ber han chhut chuan kum 13 piahlamah, tunah hian kum hnih leh a chanve a kal tawh a, a sorkar rei khawp mai. Hemi hun chhung zawnga power project lama hmalak zawng zawng hi belhkhawm chuan resolution rawn putluh kha a awm viau e. Amaherawhchu, heng kan project neih zawng zawng hian Zoram mipui hi eng lamah hian intodelh phah nan kan hmanang miah lo tih erawh hi chu mipui hriat a ni. Hei Saiha District lamah phei chuan kum 1988 bawr vela project hmasa ber chu Tuisumpui project kha a ni a. An han commission zo chiah a chhianatna rapthlak takin a lenbo zo daih a, a rim a ra hriat tur a awm chuang lova. Tuipanglui Project a ni leh a, 2004 khan dik maw diklo maw, commission-a kalpui phawt mai kha sorkar khan a ti a, an commission ta a. Mahse, kan chhawrna em em pawh ka hre chuang lo, kum 1994 vel atanga thawk thei mai tur, mahsela MDC inthlan vel avanga han delay leh politics hmanrua atana hmante kha a lo nih leh tak avangin member pakhat Tuipang pa pakhat chuan, "E... kumin chu..... Tuipang lui project MDC an tam hle mai", tiin a mimalin Press Release a chhuah nghe nghe a ni. Chutianga te chu an lo ni.

Pu Speaker, Bairabi Project MW tam tak chhuah turte vawiin thlenga tihpuitlin a ni lote hi a pawl em em a. Tin, chubakah Kolodyne

Project-te pawh kha MW 600 chuang tichhuak thei tur a ni a. Power Minister zahawm tak thin Pu Lalhmingthanga'n chiang taka a lo survey thin leh Zoram hmasawna rahbi tih velah pawh kan lo chhiar tawh a ni a. Hengte hi tihpuitlin vek chu ni ta selang chuan ram mipuite hi power lamah hian kan buai kan buai lo tur hi a lo ni. Khatianga tihpuitlin a ni ta lo kha a paw em em a. Sorkar kalta khan hemi Kolodyne chungchangah hian nasa takin hma a lo la a. Lawngtlai District leh Saiha District hi chuan a puitlin hlan hi kan lo nghakhlel ve em em thin a ni. Sorkar hmasa a tlachhia a, tun sorkar lo piang hian agreement-te chu a han sign bawk a, memorandum an sign tawh bawk a, a lawmawm hle a. Mahse, khinglai michengte kan lo ruh em emna chu Autonomous District Council 2 in lehlam lehlamah kan karcheh a. Heng tena a text kan lo chan ve tur lam kan lo beisei thin leh kan lo thlir thin lam kan han chhut hian kan pahnih intawmin 1% emaw vel chauh kha a revenue kan tel dawn niin kan hria a, kan lawm lo em em a ni. Engpawh nisela khatianga kha kan awmdan a ni a.

Vawiinah hian a bik takin a project lam lo tam em em mahsela, MNF sorkar kum 10 kalta chung khan mipui lamin a thar an lak an hria emaw hre lo emaw power chungchanga phunnawina kha a awm vak loin ka hria, keima lo chik ve dan chuan. Amaherawh chu, Pu Lal Thanhawla kaihruai sorkar hun chung hian mipui hian power lama sawisel hi an lo hrat bik ta reng reng emaw ni hriat tur hi a tam riau thin. Chuvang chuan thil hi a project thar a tul tho lai hian a maintain lamah mipuiin a tak tak lamah, a contract hlawkna tel ve lo, a sorkarna a hlawkna lo tel ve lo mipui lamin kan hlawkna tur chu eng regular taka kan neih hi a pawimawh em em a ni. Chutianga chu anih zawk avangin vawiinah hian Pu Speaker, he resolution han pass-pui hi chu kei chu ka thei ve chiah lova.

A tawpna bera kan sawiduh chu March 25 a kan Session lai tak mai khan Power lam avangin ka bial mipui, ho tak maiin hmun leh hmunah mi 9 an thi a. Khangte han ngaihtuah chuan vawiina he resolution-a lawmthu sawi a, han pass-pui tur hi chuan kei chuan ka thei lova. Khangte kha ngaih pawimawh atan a thain ka hria a. Enquiry engchen nge lak anih tawh tih hriat a ni chuang lova. Chuvang chuan he resolution hi chu ka pass pui theilo a ni e, ka lawm e.

S P E A K E R : Pu T.T.Zothansanga ilo ko ang.

Pu T.T.ZOTHANSANGA : Pu Speaker, ka lawm e. Kan upa ho hian an chhiar mang si lova Bible kan chhiar daih teh ang. Genesis 1:3 ah chuan Pathian chuan eng lo awm rawh se, a ti a, eng alo awm ta mai a. I remtihain ka quote a ni, min lo hrethiam rawh. Nichin khan Member zahawm tak Pu.K.Liantlinga khan ka bial Hnahlan kha a rawn sawi a. hei sms ka dawng nghal a Pu Speaker, i remtihain Champhai bialah chuan power supply regular ber pawl ka'n ni e, tih kan dawng nghal a. Vawiinah hian sawi tur a tam khawp mai a. Tuirial Hydrel Project kan tih lai hian Pu Speaker, i remtihain helai hi kan quote lawk ang a hemi hydrel project kan tih lai hian Assam-ah mega watt 275 an siam a, Nagaland-ah 75mw, Arunachal-ah 405mw, Tripura-ah 84mw, Manipur-ah 291mw hengte hi an puitling vek a ni. Keini Tuirial ruala an tih vek kha a ni a, keini erawh chu a hlamzuih dan kha in zawh hranpa ngai loin kan hre vek awm e. Tin, hmannah Party pakhat P.R. in thil pakhat a rawn sawi a.

Pu Speaker, i remtihain kan chhiar zawk teh ang – Vanglaini May 13, 2011 naah hianin ‘MNF chuan Chief Minister Lal Thanhawla chu MNF sorkar hnathawh a fak hreh anih pawhin thubelh chian dawlo hmanga mipui bum tawh lo turin a ngen a. Serlui’B’ Hydel Project cheng vaibelchhe 5 chuang sen hnua Congress sorkarin a pamtul tawh MNF sorkarin mega watt 12 pechhuak thei tura a peih tawh pawh hi hreh hle mahsela Chief Minister, Hawla hi hawng mai turin kan ngen a ni’ an rawn ti a. hei hi power chungchanga kan sorkar hmasa a inchhuanna ber a ni a, Serlui’B’ khu a ni a. Chutihrualin Pu Speaker, i remtihna thoin helaiah hian Vanglainiah 28.6.2011 ah chuan Serlui ‘B’ khu sah kang PRISM te chuan an rawn rawt veleh ta thung a ni. Tin, Pu Speaker, i remtihna thovin hei Vanglainiah hian helaiah hian an rawn ziaik leh a 5.6.2011 ah khanin Serlui ‘B’harsatna te, a tui put siam chungchangte kha a rawn tial beibuai mai a. He kan sorkar hmasain a lo kalpui dan leh Power alo siam chhuah chhunah khatiang ang kha alo nih tak si chuan, vawiina kan MNF unau, kan member-pui opposition-te pawh hian, an tan hi chuan fak hi chu kan har dawn a ni kan ti a ni, vawiinah hian keini hian kan hotupain hetiang anga ruahmanna a rawn siam hi lo puitling ta selang chuan an party kha chu khu tah an awm dawn tlat mai a.

Tin, Pu Speaker, tunlai kan boruak hi kan ngaihtuah kan ngaihtuah a, ka mi zah tak takte pawh an lo ni a, hei, Lawngtlai West bialtute pawh hi mitha taka ka ngaih a ni a, mahse, kha ti taka a rawn tang ta mai kha ka rilruah thil pakhat a rawn lang a. Hei, an party hi an chhangchhe ve a tunlai hi rin aiin, OB panga an nei a, OB ang tiat pasarih dang Chief Minister-in an Power-in an siamtha leh mai a, khatiang khan kan Chief Minister hlui khan a pawt nghet riau niin ka’n hria a, chuvang chuan helaia an tan ve hrim hrim ngaihna boruakah hian an rawn tang niin ka’n hria a. Helaia an rawn challenge-na ang ni a ka’n ngaihah chuan Pu Speaker, hmannah vaibelchhe sawmsarih leh pakhat kha India hmarchhaka state hrang hrangin kan insem ni anga keinin kan chan loh chungchangah khan an sawilang nasa khawp mai a, Power crore 71 man chang lo tur khan keini hian kan lo chang tam tawh tih kha ka’n sawi duh a ni. Hei, kan chang tam khawp mai a.

Tuna kan sawi lai mek hi ka’n ngaihtuah ka’n ngaihtuah a, nichinna resolution move-tu pawn a rawn sawi tawh ang khan 2260 MW zet mai kha a rawn chhuak dawn a ni a. Khatah khanin 12% kha chu a free-in kan chang dawn a ni a, khami percent kan han chan tur ringawt pawh kha 300 MW dawn alo ni a, khatiang ang kha kan mamawh aia tam daih mai kha alo ni a, khang kha tuna kan hotupain chak tak maia hma an la hi a lawmawm ka’n ti lehzual a.

Tunah hian a dik tak chuan a hmalakna kawngah hian thawmhnaw thui tur ang deuh hlek kan ni a, thui a hma a “a va fual awm delh dulh em” ti ang deuh hlekin kan hotute hi ka’n ngai a ni, a chhan chu tuna kan hmanlai chungchang hi kan sawi lo a, kan hmalak chhoh zelna tur leh Zoram a intodelh theihna turin engangin nge ruahmanna an neih ang tih kan hotuten an inhmachhawpah hian lawmawm kan ti a. Kawr kan nei dawn a, mahse kawr kan la thui lova, mahse kan nei dawn tih kan hrechiang tawh si a, kan lawm ang chiah hi a ni. Chuvang chuan helaiah hian vawiinah a lawmawm ka ti takzet a. Pu Thenphunga, tunhmaa Power-a hma a lo lak tawhna te kha ka rilruin a hria a, Mizote rilruah Pu Thena kha kan rilru mit

tivartu chu amah kha a ni han ti mai ila, keini naupang zual deuh zingah chuan nasa takin Bairabi kha a lar a, amaherawhchu an tih theih tawh kan hria a, khati kha a ni mai a. Tunah hetiang angin rilru pui berah a niin a neih a lo nih tawh kha keini a chhonzawmtuah kan awm thei hi a lawmawm ka ti khawp mai a. Chutihrualin anni lam chu an han tang tlang leh deuh ren rawn a, Pu Chatea te leh Pu Rama te pawh an ni a. Keini hi thil hi han chhiar a han hre chauh mai hi kan ni a, practical-a han hriat vak hi kan nei lova. Engnge document ka neih a ka chhiar ang tih ka ngaih ka ngaihtuahnaah chuan Pu Speaker, i phalnain helai chauh hi ka'n chhiar teh ang, helaiah Pu Thena hi a mimal taka ka ngaihsan leh ka fak leh tunhma atanga ka mi duh berte zing ami a lo ni thin a, mahse, helaia a rawn ziah hi a nalh lo ka ti deuh hlek a.

Pu Speaker, i phalnain, MLA anih laia sawi tur pawh hre tawh lo, putar thu ngawi reng mai Brig. T.Sailo hi Mizoram tan Chief Minister emaw MLA emaw ni tlakah kan la ngai em? tih MNF General Headquarter-in a rawn chhuah hi chu a mawi lo ka ti khawp mai. Mimal ang hi chuan in tih loh hram hram nisela ka duh khawp mai. He kan hmasawna a kan hmalaknaah hian lawm tur ang hi chuan i lawm hram hram ang u, tih ka'n sawi duh a ni.

Pu JOSEPH LALHIMPUA : Pu Speaker, ka lawm e, kan thian ten document nen chiang takin an sawi tawh a. Resolution rawn pulutin a resolution kha kan intodelh tawh vang ni lovin intodelhna tur atana hmalakna a ni a. Chumi hmalakna ti chiang tur chuan thil thenkhat tarlan a ni thin a. Sual hnehna alo awm a lawmthu sawinaa sualte sawilan a ngai ang hian vawiinah hian thil tam tak an sawi zingah kan hotuten an la tarlan loh ni a ka hriat avangin thil pakhat chauh han sawi ka duh a ni.

Mini Hydrel Project engemaw zat House Leader-in a hun hmasa lama a lo siam tawh a, hengte hi a hun lai ang mila siam dan thlir bik tawh lova tun hun atana thenkhat pheih chu lo hlui hlawn tawh leh a liana lo siam lova, te tak te te ang deuh hleka sawi kha a awm a hei hi kan sawifiah duhna chu keima personal life atangin sawi ila, fa naupang te kan nei ve a kum 3 vel a an thil mamawh an hlimna ai chuan kum 6 an niha an duh leh hlimna a danglam khawp mai a, a rei lo viaunain, chuti chung chuan an tet lai hun kan han sawi ve a, anmahni zawk hian chiang vak lo hian hlim takin an sawi ve thin a. Environment chungchangah a lian siam chhuah a harsat lai anih avanga state-in a pum pu hluma kan neih tur a phal chin bi thliah zingah hun hmasa lamah vawiina kan House Leader-in Central sorkarin a phal tawh chin engemaw zat, te deuh a lo siam, a hunlai chuan a hlu hle a ni. Khatih hunlai khan environment clearence hmuh a harsa em em a, Central sorkar phalna lak ngai lovin keimahnia hmalak ve theihna tam tak a lo siam hi a lawmawm hlein ka hria a. Chuvangin hun liam taa project siam tawhte a lo te deuh anih pawhin kan mamawh mil leh sorkarin a phal ang mila kan House Leader zahawm takin hma a lo lakna hi vawiinah hian a lawmawm ka ti. Kan hmalakna thenkhat tarlan a ni thin a, Serlui 'B' chungchang kha an rawn sawi nual tawh a, tawite pakhat ka'n sawi ve duh chu heihi a ni.

Serlui 'B' Megha Watt 9 pechhuak thei kha Congress sorkar Pu Lal Thanhawla kaihhruai sorkar hmasaah khan siam tuma ruahman a ni a, chu chu crore 41 sengin Megha Watt 9 pechhuak thei tura siam tum a ni. Chutiang crore 41 senna tura siam tuma hmalak mek a nih lai pawhin kan Department Officer-te leh kan mithiamten a unit man a to dawn lutuk e, hetiang chuan i titawp mai ang u, tiin sorkarah an thlen a. Chu chu khatih laia sorkar khan Cabinet Meeting-ah te pawh a lo ngaihtuah tawh thin a, nimahsela, e hei chu project kalpui lai a ni a, Hydrel Project siam hi Zoram mamawh a ni. Chuvangin kan siam ngei tur a ni an ti a. Nimahsela, kan Engineer-te Cabinet meeting-ah te pawh sawifiah tir an ni a. Chutah chuan thil awmdan zawng zawng sawi hnuah E, 'hei chu a tih tlak loh ve' an ti a, Megha Watt 9 siamna turin vaibelchhe 41 ruahman a ni. Chuti chung chuan a tharchhuah leh a power lei man a tam dawn lutuk avangin siam loh a ni ta a. Chumi hnuah chuan sorkar a lo inthlak a, Megha Watt 9 siamna turah khan Megha Watt 12-ah an han tilian ta a. Chu chu nichinah pawh report an tarlan tawh ang khan Megha Watt 9 siamna tura vaibelchhe 41 to ti a, vawiina kan House Leader kaihhruainain a lo tihtawp kha a hnu kum reiloteah chuan Megha Watt 12 siam chhuak thei turin vawiin thlenga kan sum sen 2008 thlenga kan sum sen chu vaibelchhe 190 chuang, vaibelchhe 200 dawn lai a lo ni ta a ni.

Chumi awmzia chu Megha Watt 9 siam nana vaibelchhe 41 pawh to an tih laiin a belh chhahna Megha Watt 3 siam nan khan vaibelchhe 150 chuang sen a tul dawn a ni a. Hei hi record zawng zawng ka en lo nain khawvelah lo puitling ta se Power man to ber a nih ka ring a ni. Heti lampang zawng hian Zoram mipui hian Pu Speaker, ngaihtuahna seng ila a thain ka hria a. Megha Watt 9 siam nan vaibelchhe 41 pawh a to kan ti a, Congress sorkarin a lo hnawl tawh Megha Watt 3 tihbelh a, vaibelchhe 200 dawnlai hman belh a, bultan that leh a ni hi pawisa siam tumna nge ni? tih hi mipui mi pangngai ngaihtuahnaah a awm a ni.

Tin, chumi rual chuan, engvanginng e khatianga an tih theih tih kha sawi leh ka duh a. Megha Watt 9 atanga 12 siam tura thutlukna an siam lai hian Engineer thawklaite rawn an ni lo. Hemiah hian Engineer pension tawh hnen atangin thurawn lak a ni. Chuvangin a bul lo intan dan hrim hrim hi a thianghlim taw lo a ni. Nichinah khan kan member zahawm tak khan Party pakhat Press Release-te a han sawi chhuak a, tin, member dang i vei lama thute pawh khan hei hi kan chhunzawm an ti a. Amaherawhchu Pu Speaker, vawiinah ka ngaihtuahnaah chuan chhunzawm ni lovin Pu Lal Thanhawla, vawiina kan House Leader zahawmtak sorkar hmasaa an lo tih tawp tawh kha an tharthawh leh a ni. An tharthawh lehna dana pawisa sen dan chu kha ka sawi tawh kha a tam khawp mai. Khawvelah pawh Megha Watt/Power man to ber a nih ka ring hial a, chuti zawng chuan mipuite pawh hian ngaihtuahna seng ila a thain ka ring a.

Tin, a dawt leha ka sawi duh chu 6th basic need-te kan han sawi a, hei tunhnai takah Party thenkhat chhungkaw harsatnate a awm a. Pu Speaker, hmanni lawk khan ka bial chhung amite chuan min rawn phone a, kan puten sixth basic need an tih inkalpawhna kawngpui-ah te, tui-ah te, thlawhna-ah te, power siamthat chungchangte leh ei leh bara intodelh chungchangte hi kan han zir kan han zir a, Pu Hawla hian a lo ti vek a lawm maw le, chuvangin engvangin nge ka zui lohna chhan tur che ka hre lo tiin kar hmasa mai khan min rawn phone a ni, a lawmawm hlein ka hria a. Heng inkalpawhna kan han tih zawng zawngte,

Pu Speaker, vawiinah hian a sawina hun a ni chiahlo nain, inkalpawhna chungchangah kawngpui siam chungchangte hi sawi a chakawm hlein ka hria a. Hman deuh khan Party pakhat chuan World Bank kawng Aizawl via Thenzawl – Lunglei Road-te pawh hi kan siam chhuah a ni tiang deuh khan an han sawi a, Press Release-te kha an han chhuah a. Pu Speaker, ka theih ang angin ka han zirchiang ve a, Mizoram-a kan Chief Secretary hlui Pu Lalfakzuala ka va zawt a, ‘hei hi ka Chief Secretary laiin, Pu Lal Thanhawla, Chief Minister kaihhruai anih laiin ani ruahmanna hian Burma-ah te pawh min tir tawh a ni’ a ti a ni. Tunah pheih chuan Diltlang thlengin kawngpui tharte pawh ruahman leh a ni a, chuvangin hmanni-a min rawn phone-tu chuan ‘kan pu ten an lo dream zawng zawng kha Pu Lal Thanhawla Sorkarah hian tihhlawhtlin mek a ni a, chuvangin in pawlah ka lo lut ve dawn’ a ti hial a ni. Engpawhnise, Pu Speaker, hei vawiinah kan ram intodelhna atana thil pawimawh tak Power siamchhuahna chungchangah kan hotupa hmalakna nasa tak avanga House-a lawmthu sawina kan member zahawmtakin a rawn putluh kha ka support a ni tih ka rawn tarlang ve a ni e, ka lawm e.

S P E A K E R : Chair atanga ruling neih deuh hlek a ngai dawnin ka hria a, tunah hian sawitura phar hi Pu John Siamkunga a awm a, Pu Lalrinmawia Ralte a awm a, Pu V.L Robiaka a awm a, Dr. R. Lalthangliana a awm a, Pu R. Lalzirliana a awm a, Pu H. Rohluna a awm a, Pu H. Liansailova a la awm bawk a. Khi kan hun hi en ila, dar 4 a bang tur kan ni a, kan zavai chuan minutes 5 lekah pawh hun hmang thiam ila hun hian min daih tawhlo hrim hrim mai a. Chuvangin, Pu John Siamkunga hi ka ko ang a, a dawtah chuan veilam amite hi an han sawi ve hrim hrim te hi dinglamte pawh hian inhriat a tulin ka hre hrim hrim a, veilam sawi dan hi. Dinglam sawi dan hi veilam pawhin in hriat hrim hrim hi a tulin ka hria a, thil reng reng hi a lai lak dante pawh a awm thin a, chumi-ah chuan Dr. R. Lalthangliana kha ka’n ko ang a, chumi hnuah chuan a Resolution neitu kan ko dawn nge House Leader, chu chu Pu John Siamkunga koh a, Dr. R. Lalthangliana koh hnu-ah Chair atangin ka ngaihtuah chawp ang, a tlachawpin. Pu Lalduhoma pheih chu a leng theih tawh dawn emaw ni le! Pu John Siamkunga ko phawt ang.

Pu JOHN SIAMKUNGA : Pu Speaker, ka lawm e. Awle, vawiina kan Resolution-ah hian hun kaltawh te, hun lo la kal turte kan sawi tlangpui a, kan intodelhna tura kan kalna thu-ah hian tuna Congress Ministry-ah hian lawmna tham a awm a ni tih kha he Resolution hi a ni. Le, hun kaltawhte kan sawi bawk a, tlem han sawi ve ka duh a. Hun kaltawhah khan mega watt thum chiah hi Central Sorkarin State Sorkarah hian siamchhuah a phal a ni. Khami anih avang khan khatih laia kan Chief Minister zahawmtak Pu Lal Thanhawla chuan, Mizoram hi eng lama kan intodelhna turin tiin theihtawpin hma a la a. Tih tak zetin a tang a, thifahnuakchatin a bei a ni. Hmun hran hranah, te deuh mahsela chhuanawm tak a ni, Mega watt 3 aia tam a tih theih siloh avang khan hmun 14 laiah project a lo dinchhuahpui a, chungte chu a fakawm a ni. Mizoram kan intodelhloh hlaua khati tak mai a, Zoram dung leh vanga theihtawp a chhuahna te kha a fakawmin ka hria a. Enga kan intodelh theih ngeina turin mega watt 3 tlinglo mahsela a bei nasa a ni; khang a beih nate kha thilropui tak Zoram hmangaih vanga ke penna dik tak niin ka hria a. Tunah kan han Sorkar leh a, mega watt tam tak a za tel tel te rawn

dinchhuahpui lehin project lian tak tak 11 ah hma lain a kal chhohpui leh mek a. Katiang ti thin a nih avang khan a ti leh ngei dawnin kan hria a ni zoram mipui pawh hian, chutiang chuan an hmu, thil dang dangah. Remna leh Muanna kan thlen ang tiin Remna leh Muanna a thlen tawh a, rangva ka sem ang a ti a, a sem tawh a. NLUP ka hlenchhuak ang tiin a sem tawh a, chuvangin eng (power) lamah, Power & Electricity lamah kan intodelh ang tiin tunah hian eng lamah lian takin hma a chhawpcho a ni. Mega watt 2800 chuanga hma a lak chhoh mup mup naah hian zoram mipuite intodelhna awmin kan hria a ni. Chumi anih avang hian vawiinah hian lawmthu i sawi ang u; ka ti ang ti thin a chuan a ti leh ngei ang. Chuvangin Power lama kan intodelh nan heti zawng hian hma a la tawh si a, he house-ah hian lawmthu i sawi tawh ang u. Ka ti ang a tih avang hian power lamah hian kan intodelh leh dawn a ni, tiin vawiinah hian thiam takin he resolution hi member zahawmtak Pu Lalrinawma'n a rawn pulut a ni. Tin, nichin lawkah ka zawhna a chhan kan hria, a dik tak chuan Mizoramah transformer hi a puak hnem a ni, hmanah TV-ah ka ngaithla a. California rama Mizo Engineer pakhat an rawn kawmna ka ngaithla a, An zawhnaah transformer-te a puak ve ngai em tiin an zawt a. Ani chuan transformer hi USA ah a puah ka hre ngai reng reng lo a ti a ni. Mizoramah a puak tlat si, nichin lawk khan kan Chief Minister zahawm tak khan lei leh anih chuan transformer a tha chi ngei lei tawh tur a ti. Khang angte kha power lama kan intodelhna tur atana hma lakna ropui tak tur a ni, khatiang khan theihtawp chhuah hian hma a lo la thin a, mi tam takin a hma lakna te a hlawhtlin thin avangin mipuiah a tlatlum lutuk ang, mipuiin an chawimawi ang tih hlauva a hmalaknate kan han sawi hnawm thin erawh hi chu a paw tak zetin ka hria. Vawiinah hian load shedding a tam a, keini chang kan nilo state dang dangah hian a tam lutuk tunah hian Nagaland ai pawn powerah kan tha tihte kan chiang.

Tin, a tawp bera ka sawi duh chu hetiang hian kan chhut teh ang. P.C. sorkar hun lai khan mega watt engzatnge power an siam chhuah ka chhut ve theih chinah chuan mega watt 2 chiah, chuti chung chuan Zoramah power champion-pui angin an insawi a ni, MNF hun lai khan chuan Zoramah power-a champion angin an insawi a ni. MNF hunlai khan engzat nge an siam chhuah? MW 3 chiah. MW 3 chiah siam chhuak khan engati nge power lamah hian Mombati sorkar min tih? Anmahni hian lo ngaihtuah ve ni se Mombati sorkar ni tawh lo mai tur kan ni dawn lo'm ni? An inthlahdah lutuk avangin MW 3 chauh an siam chhuak. Congress hi ? An sorkar chhung hian tun hma MW 3 aia tam siam an phal loh lai atanga an siam chhuah zawng zawng nen MW 12.22 lai a siam chhuak a ni. Mizorama sorkarna lo chelh tawh zawng zawngah power chungchangah chuan uang thei awmchhun chu Congress chiah a ni. Chumi a nih avang chuan kan kal zelna turah mamawhna a tam si a, power lama intodelh a tul tia he sorkar, Congress sorkar, kan Chief Minister zahawmtak Pu Lal Thanhawla kaihhruiin power lama intodelh tura hma a lakna hi a ropui a. Ani chuan a hlen chhuak leh ngei ang. Hawh u, lawmthu i sawi ang u tiin Member zahawm takin a rawn pulut a. He Resolution hi ka thlawp a ni tih ka han sawi a ni e, ka lawm e.

S P E A K E R : Pu Lalrinmawia Ralte chuan sawi lo thei mai la, insum theihna neih a ngai a. Pu Lalrobiaka pawh insum theihna lian tak nei hram hram turin ka request duh bawka. Pu R. Lalzirliana pawh insum theihna nei hram hram turin ka request duh a. Pu H. Rohluna pawh chutiingin, Pu Liansailova pawh chutiang chuan ka request duh a. Dr. R. Lalthangliana'n a sawi ang a, a dawtah

hian Pu Lalduhoma'n a sawi ang a. Tichuanin, a dawta kal zel dan tur chu kan la inrawn ang a, dar 4:00 a pelh chuan. Tunah Dr. R. Lalthangliana i lo ko ang aw.

Dr. R. LALTHANGLIANA : Pu Speaker, ka lawm e. Pu Duhoma sawi tir ngei ngei kha tha ka ti a. Sorkar tawh party pathumte kha sawi a ni a, ZNP la sorkar ve si loh lai khan a ngaihdan te pawh hi sawi ve se la a tha khawpin ka hria. Vawiin chu a nuam hlein ka hria a. Pu Speaker, i dinglama mite hi i duhsak hlein ka hria a vawiin chu. Minister te, Parliamentary Secretary te pawh an ding tam nangiingin ka hria a, a lawmawm khawpin ka hria a.(SPEAKER: An phar mawlh mawlh a, ka hmu lo der zawk thin a ni.) A megawatt pe tam tute nge ni an sorkar chhungin tih lai te kha nia, kan han tuipei viau a. Amaherawhchu, thil hi chiang taka kan hriat a thain ka hria a. Bairabi pawh, Serlui B ang te pawh hawn theih mai tawh a ni a, MW 12 a ni tih kha a hriat reng a. Tute sorkar lai nge tih kha a hriat mai a. Khang engmaw ho te tea inchhan kha a buaithlakin ka hria a, ka han sawi duh lawk a.

Ruling lampang, dinglama mite Resolution hi pass-pui han phur viau dawn pawha phur lohna ka neih deuh chu Saitluk Airport, Lunglei lama mi kan tih tum pawh khan kan phur khawp mai a. Amaherawhchu, a tak ram hi tikhan a ni leh mang lova. Vawiin chu Lunglei lam atanga resolution a nih loh avang hian a kal tha phian mah na tih erawh chu han beisei dawn ta ila. Tin, amendment hi Pu Speaker, siam dan kawng hi awm thei se ka'n duh deuh hlek a. Heti ngawt lo deuh hlek hian entirnan, pakhatnaah chuanin, a belh deuh nual theih chuan, 'Tuna sorkarna chelh mektute hian sorkar hmasain Kolodyne DPR a lo siam zawh tawhte an han sorkar hnu lawk chawlhkar khat zet a MoU an han sign ve thei ta mai kha lawmawm kan ti' tihte kha telh kha a tha awm mang e aw ka ti. Tin, pahnihnaah chuan Tuivai, sorkar hmasa MNF sorkar hunlaia ruahmanna a lo siam tawh chhonzawm ngei an tum avanga lawmthu sawina ang chi deuh kha lawmawm lampang kan sawi tak rau rau chuan belh ta ila a tha awm mang e aw ka ti deuh a. Tin, Bairabi Thermal Plant khu ka'n sawi leh lawk duh chu Pu Speaker, kawng lehlamah chuan Kolasib District leh khaw engemaw zat dang khumi district pawn a mite pawh khu chawm ve thei tura ngaih a ni a. Kawng lehlamah chuan engemaw power collapse a awm palh a alternative atan thil tha tak anih vena lai hi a awm a. Kan han sawi chhe viau thin tak naa, mahse engemaw tak hunah chuan tangkai taka hman theih tur ang chi a Sorkar hmasain a hnutchhiah ang chi kha a ni hrim hrim a tih kha ka sawi duh a. Tin, Serlui 'B' chungchangah khan a figure leh engemaw chungchang lai kha sawi a awm deuh va, Pu Thlenga kha a mit a that loh deuh avangin amah khan a sawi lawk a, ka tisual mai thei a ti ve bawk a nia. Helaiyah hian dik tak chuan cheng nuai 543.42 in Sorkar hmasak khan kan ti ang e, helai sensona hi chu duhthu chu a sam lo ve lah tak a. Internal road te, approach road to project tihte, daily bridge siam nana nuai 101 leh singnga sen anih te, tin, building saknaah hian building 31 sak a ni a, nuai 104 zet a ni a. Tin, motor, gypsy te hi project pakhatah motor 12 em em khatih hun laia in lo lei kha eng atan nge ni em em te kan ti ve deuh va. Engpawhnise, nuai 543.42 sen ni a hluihlawn an nih hetiangah Sorkar kaltain an cheibawl chho kha a lawmawm hrim hrimin ka hria a, churang chuan, resolution hi tlema tihdanglam a, belh tur hi a awm deuh nualin ka hria a. Amaherawhchu, sentence hi a sei lutuk ang tih ka hlau deuh va tih kha ka,n sawi lawk a ni.

Tichuan, Power Project sawi apiang mai a Pu Speaker, corruption ti mai ila sum hman dik loh leh eng emaw lo awm ziah mai hi a tu a te pawh mai hi a fello mang e aw ka ti a, sawtah Tuipang lam tihin Eastern Overseas-te nena thawk tih engeng emaw a lo awm a, tin, Kau Tlabung-ah engemaw a lo awm a. Tin, chumi rual chuan MPCC-in October ni 7 inthlan dawn tep tak taka Press Release a neih khan Kau Tlabung chungchangahte pawh a ni a, engeng emaw kha a rawn sawi a. Chief Minister pawh nisela a tih khan, khatih lai huna Chief Minister kha MNF Chief Minister kha a niin ka hria a - A eirutu Chief Minister pawh nisela lungin a khung ngei turin kan duh a, hemi kawngah hian hmalak theihtawpin kan chhuahin kan tum dawn a ni a ti a, hei a copy kan la kawl a, Pu Speaker, kan sawi a nih chu. Chuvangin, Press mite zawng zawng pawh kan lehkha buatsaih leh kan documents-te hi chik taka min lo ensak turin tihte kha a ni a, chuvang chuan a tu a te pawh hian helaiah hian thil diklo an ti a nih chuan a hnuah kan hria a, tun hnaiah PRISM in an ngaimawh hle a ni tih kan hria a an chhui a, chumi hnuah ACB in an chhui leh a ni tih kan hria a, chumi hnuah kan hre vek a, Engineer 13 te kha suspend tul hial ang chi a sawi a lo ni a, mahse ti hian ngawih leh ta mai mai a ni. Engpawh nisela, a diklo lai hi chu a dikloh ang hianin kal sela, chu chu kan hriat theih tur anga hma kan lak pawh hi a tha hrim hrimin ka hria a, kha kha ka ngaipawimawh khawp mai a, ka'n sawi duh a. Chuvang chuan, corruption leh power project tih apiang maia thil inthlunzawm awm hrim hrim hi pawl ka ti hrim hrim a ni.

Pu Speaker, a tawp berah chuan hei rual awh hi ana khawp mai a, kan thenawm State chu a ni chiah lo a, Bhutan State-te khu ka hriatsual loh chuan tunhnaiah mega watt 11000 pechhuak thei an ni tihte kan han hria a. Tuna kan han ngaihthlak tak ang khan kan thenawm State neuh neuhah pawh 200, 300, 400 tih vel bawr an lo peih deuh vek tawh mai a ni tih han hriat hi chuan a tu amah hi han indem hman kan awm lo a. Amaherawhchu, vawiinah hian he kan resolution kan putluh rual hian ka sawi duh chu mi hian min ring tak tak angem? NLUP sem tur anga kan inbuatsaih leh kan sem mek leh kan han kal chhohpui ang deuh hlek hian min hmu leh mai lo ang maw tih hi ka ngaihtuahnaah a awm deuh tak tak mai a. Chuvang chuan Congress leh thil inhmeh tak kan han hriat hi chu mipui hian NLUP leh rangva lam hi a ni a, power lampang hi kan han hmehbel thiam vak thin lo che u a, amaherawhchu, tiang a, hetiang Session pawimawh a ruling MLA zahawm tak mai Pu Rinawma'n an pulut hrim hrim hi thil thleng khat tak mai, nichina kan member zahawmtakin an sawi deuh tak ang khan piantharna ropui tak mai ruling chhungkuaah a thleng a nih hi tih theih tur an awm hrim hrim hi a lawmawmin ka hria. Amaherawh chu mipui hian kan sawi tam emaw kan sawi tlem emaw he House an en a rin dan tawk leh ngaih dan tawk hi an nei thiamah ngai ila. Engpawh nisela vawiinah hetiang anga resolution a lo lut hrim hrim hi chu a tha ka ti a. Amaherawh chu khatiang ang deuh hleka a tir lama ka sawi ang deuha tihdanglam deuh a nih loh chuan helampang atang chuan han pass teh tawp tur chuan harsatna kan nei a ni, Pu Speaker, ka lawm e.

***Speech not corrected.**

S P E A K E R : Pu Lalduhoma ka'n sawm ang a, amaherawh chu khi hun a tawp dawn tep a. Nichina kan sawi zawng zawng kha engtin nge ka tih kha (Interruption) A nih leh hun kan pelh loh chuan vote ka la mai dawn a nia. Hun pelh kan duh lova member-ten (Interruption)

Pu P.C ZORAM SANGLIANA, MINISTER : Pu Speaker, Private Members' Resolution a nihna ang hian leh i thu chu a nih em em rualin, House-a member zahawm takten sawi kan la duh a nih chuan hun inpek chu a van mawi zawk ve, hei chu parliament practice a ni zawk mah mah lo maw.

DEPUTY SPEAKER : Pu Speaker, Private Members' Resolution-ah hi chuan dar 4 ah tawp kha kan tihdan tlangpui a ni a. Chuvang chuan, hei kan Minister changtu, House Leader ni bawh khan rawn sawifiah sela, pass ila a tha lo maw, khi dar 4 a ri tawh a. Nidangah a ziak dan chuan kan ti lo na a, a norms kha chuan kan nei ve deuh a ni a. Chuvang chuan dar 4 hi chu pel lo ila, a tha zawk lo maw.

Pu LALDUHOMA : Pu Speaker, Leader-te kan la ding kim lo a. Hmanniah pawh khan hun chep takah resolution pahnih kha kan han la hram a, i pel mai ang kan ti a, kan pel mai a. Chuvang chuan i phal a nih chuan a sawi duh zawng zawng i phal pawh kha kei chuan rem ka ti a, amaherawhchu, reh bun chin deuh i nei anih pawhin a tha tho a, pelh deuh hlek chu a ngaiyah kan pawm thei mai lo maw.

Pu R. LALZIRLIANA, MINISTER : Pu Speaker, kan inbeng hniam ang e. Khawngaihni kan opposition lama group leader kha i sawm ang a, chutah kan House Leader i sawm ang a, tichuan pel lo angah kan inngai mai dawn a nia dar 4 chu.

S P E A K E R : Insum theihna neih a ngai thin a nia, tichuan Pu Lalduhoma kan sawm ang a, chutah House Leader, Power lam changtu a ni bawh a, ani khan hun rei vak lo fiah fai takin a'n sawi leh ang a, chutah chuan resolution neitu kha sawi belh vak lovin pass dil turin kan ko mai dawn nia aw. Tunah Pu Lalduhoma.

Pu LALDUHOMA : Pu Speaker, ka lawm khawp mai. Hman deuh khan tawngtai dam thei hi ka pan ve a, min tawngtai zawh khan hawn mai ka tum a, "E i dam avanga lawmthu sawina i nei phawt tur a ni", an ti a, "Ka dam leh dam loh ka la hre silova, ka dam hnuah ka sawi dawn nia", ka ti a, "Sawi phawt tur", an ti a, min sawi tir ta a. Chu nen chuan kan resolution hi a in ang angreng hian ka hria a. Hei intodelh tur hian kawng hi ala thui khawp mai a, MoU sign-te a ngai a, investigation tih a ngai a, clearance ala ngai a, sumte a la ngai a, khatiang chho kha ala ni a, kawng hi ala thui em em mai a, thil kal soal thei pawh ala tam a, chuvangin kan hmanhmawh deuh hlek em aw ka ti a. Tin, a puluttu member zahawm tak hi Ukil a ni a, Engineer lam subject hi a rawn pulut a, pu lut tih bak kha sawi lo ila.

Pu Speaker, hei kan ram hi UT atanga sawrkar tih hmingpu Government kan neihna hi kum sawmli alo ni ve ta. Jordan kai chu a hun ve tawh a ni. Mana ringawt maia thlalara chawmhlawm ni lova intodelh ve awm hi a ni tawh a, electric-ah te pawh hian. Hemi chhung hian nichina an han sawi dan kha chuan MPC hi sorkarah kum 15 vel lai an lo tel tawh a, MNF kum 10, Congress kum 14 vel sorkar tawh kha an lo ni hlawm a. Kan rama Power lama potential kan neih chu MW 4500 lai a tling a. Kum 40 chhung hian chutiang zat thar theihna State-ah chuan engzah nge kan thar chhuah le? Kan installed capacity-te chu engzat pawh lo nise, a tak taka kan tharchhuah chu a tlem em em .Maicham-te pawh hmanni lawkah PAC-in kan tlawh a, thal lai chuan engmah kan thar lo an ti a, tihtawp mai in recoment dawn em kan ti a, an hotute chuan thal lai a tih atan a ni lo hrim hrim a, fur tana siam hrim hrim ani e an ti a, e anih tak chu kan ti a ni. Chutiang chu anih avangin sorkar kan neih atang khan atu a mah hian, khang sawrkarna lo chelh tawh te khan, chawhrualin kum khatah Megawatt khat pawh hi min siamsak thei lo tlang vek a ni. Chuvang chuan kan chak lutuk lo tlang chu anih hi tih chu ka ngaihdan a ni a.

Tin, Minor project kan neih ho zawng zawng pawh kha tam tak chu thalah an han khuap tling ngar ngar a, eng tik zanah emaw an han sah a, darkar hnih tieng theite a ni a, wawiinah hian tamtak chu hlam chhiah “abandon’ a ni. A hlawkna tel tute chu khatih lai a thuneitute leh contractor-te kha an ni a. Heti mai maia sum sen thlawnaah hian wawiinah hian lawmthu sawi ai chuan ngaihdam dil leh thupha chawi te pawh hi a tul mah mah zawk em aw ka ti a. Tlak dawn hnaih lamah hi chuan tih loh loh te pawh hi tih alo awl tawh ve reng reng thin te niin ka hria a. A tu a pawh sawrkar chhung khan Pu Speaker, mipuite phun tamna ber chu power hi a ni, MNF hunah pawh ani ,Congress hunah pawh, tunah pawh a ni a. Wawiinah hian Zoram mipuiten min thlir a, hei hi mipui tam zawk hian kan pass ang tih an hlauh ka ring a, chuvang chuan mipuite hi an zahawm ka ti a, kan inen chhawk chhung hi chuan pass rih lo ila. Mombati market pawh hi ala chhe lutuk lo niin a lang a. Kan kal chhoh zel na turah hian engtingge hma kan lak dawn a hriat loh a. Hmanniah Pu Speaker, in leng pa khat ka nei a, ka inleng pa chuan, “Kan Chief Minister hmasa khan a tawng a um pha lova, tuna kan Chief Minister hi chuan um pawh atum lova a thlir mai mai a ni”, a ti. Tukin ah khan “Fiamthu te pawh hi han thawh thin rawh u”, i ti a, ka’n thawh anih chu.

“Humour in Parliament” tih lehkhabu te pawh hi a awm a. Han fiamthu ve zeuh zeuh te pawh hi a tha a. Engpawh nise, kum hei chen sorkarna lo chelhte chuan sulhnu chu an ngah tur a ni. Tihthat pawh tamtak an nei ang. Kan hotu kal hmasate thil tih zawng zawngah khan lawmthu chu ka sawi tho mai a ni. Amaherawhchu an kum hmanral zozait leh an hun hmanral zozait ngaihtuah hian wawiinah hian mipui beisei an pha em ? mipui hian lawmthu sawi tlakah min ngai em ? Keimahni pawh hi kan chhungril takah kan in ngai chia em tih erawh hi chu hengah hian kan ngaihtuah a ngai ka ti a.

Serlui B chungchangah te pawh congress sorkarin vaibelchhe 5 an seng ral thak a, senral thak hnua tihlak a ni lo tih han hmuh chhuah hnahnawh te kha chu thil tha tak a nilo, a hnua MNF-in an chhonzawm leh dan pawh kha an sawi ang kha a ni. Thawnthu a tam khawp mai. Kau-Tlabung tih te, Tuipang tihte khang zawng zawngah khan thil tamtak hi sawi tur a awm a ni. Tin, MNF sorkar lai khan kan Chief Minister zahawm tak khan 2004 kumah khan Bairabi Thermal project kha a zuk

hawng tawr mai a. Vawiinah hian a chhit man hi ka sawisual anih loh chuan unit 1 ah cheng 5 lai a ni a. Chhit ngam lohin ti khuan a awm ringawt mai a. An han hawn ve chhun pawh kha. Cheng 9 leh tih daih alo nih zawk chu. Chutiang alo nih chuan an tihputlin chhun pawh kha chhit ngam loh anih bawk si chuanin a zia lo lehzuah chuan ka hria a.

Tin, Tuirialte pawh kha sawi loh theih hi a nilova. Khatih laia Chief Minister nau khan khawvela bandh rei ber ni 62, 9th June, 2004 atanga 13th August, 2004 chhung khan a han organise a, nitin hlauh a pek bakah an eitur zawng zawng kha Chief Minister nau khan a tum sak tawp mai kha a ni a. Khami chungchang helai Zero Hour-a ka putluh tum khan khatihlaia kan Chief Minister khan 'A, pu Duha khan ala hre kimlo zawk anih kha, tuna a sawi aia tam kha kan chhungkua kan tel asin' ala ti ta nghe nghe a. Khati taka huaisena a rawn pawm kha a tha ka ti a. Heng kan sawi hian MNF party atanga vawiina MLA zahawmtak awmte hian hreawm an lo ti ang tih hi ka hlau thin a. Pu Speaker, anni kaihhruai hi chu nisela khatiang kha a thlen hi ka ring lova. A hriat pawh an hriatpui ka ring lem lova, an nina an kaihhruai thuai thuai hun hi a nghahhlelh awm viauin ka hria a ni. Tichuan, hnathawk theilova dan beh an nih avangin NEEPCO puanthuah an tela, an haw ta ringawt mai kha a ni a. Tuna kan sorkarin an han revive leh hi a lawmawm ka ti a. Tin, chawhma lama ka sawi tawh ang khan MNF hunah pawh khan tihnun leh an tum a, an harsatna tawh chu a cost of project hi a sang lutuk dawn a, "A cost of per unit hi a sang lutuk dawn a, hralhna kan hmu dawn lova ni, a vai hian Mizoram sorkarin lei min tiam loh chuan", an ti a. Khatih laia kan Chief Minister kha a tang ve tang tang a ni.

Tuna kan Chief Minister zahawm tak hian ziakin commitment a siam ta a, "Subsidies rate-in a ni dawn e, a hlauh awm loh vang", a ti a. Thla chu a muang deuha, mahse hun lokal zelah hian a aia tlawm lei tur kan hmuh laia Tuirial-a aia to kan lei luh hun hi a thleng palh ang tih chu ka hlau khawp mai a. Chumi hlauhthawna chu hun kal zelin a la rawn tidik ang chu.

NRGGVY ah hian kum 2005 atanga Bharat Nirman a lo tih tawh, MoU sign tawh, 2008 ah chauh kan tan thei a ni a. Tunah hian khua 137, rural electrification hnuaiyah tihen tur a ni a. Tah chuan khaw 25 chauh tih en a la ni a. Kan Chief Minister zahawm tak hova Review Meeting, 2010 December-a an neihah pawh khan kan Chief Minister pawh hi a lungawi lova, "An huntiamah an tieng zo dawn lova, pawhsei a ngai ang" tih kha a sawi hial a ni a. Hemi chungchangah hian Subject Committee pawhin kan tlawh hnem tawh a. Ban kan phun an tih zat an phun lova. Cable kan thlung an tih an thlung lova. Tin, lightning arrester te pawh kan vuah an tia, an vuah lova. Village tinah Village Level Committee din rawh u, Order chhuah rawh u, kan tih pawh vawiin thleng hian an la chhuah kim miah lova. Vai contractor 2 lak an ni a. Pawisa hi a tam em em bawk si a. Vaibelchhe 100 tel a ni bawk si a. An thawh that lohzia hi a Committee phei chu kan lungawi lova. Theih nise tih tawp mai a tha em? Kan hlawk lo zawk ang em? tih te kan ngaihtuah a. Chumi chungchangah chuan thil sawi awm ve fo chu MNF sorkarah khan heng company lian 2 te hian pawisa an lo chhunglut hnem lutuk a, hnathawhna tur an nei lo a ni, an che thei lo a ni, tih hi a ri ring ve viau mai a ni. Committee bengah pawh hei hi unofficial chuan a lut a. Hei hi tuna kan sorkar hian hriat venate hi an lo nei em aw? Kan House Leader bengte hi a lo thleng ve em? Khangte pawh kha a wind-up naah khan min han hrilh thei sela a lawmawm viauin ka ring a. Tunah hian hmalak

lehna tur pawh an dal tlat a, he company 2 hian. A paw em em a, hmalakna a chhe em em a ni tih kan hria a ni.

Tin, Solar city-a puan kan ni tawh a. ZEDA atanga mipui hamthatna tur eng eng nge awm thar tihte pawh hi hriat a chakawm a. Tin, hei Coal (lungalhthei) te pawh hi, quota-te hi thlakhatah engzat chiah nge maw kan neih le? Heng kan lungalhthei quota-te hian kan ram leilung hi a rawn dai em? Nge khutah hralhin a awm ziah, tih te pawh hi chin chhuah a ngai khawpin ka hria a. Tin, Windmill-te pawh hi kan sawi a. Kan zawhna chhan tawhna thinah chuan wind-mapping siam mek a ni tih te, wind-data siam mek a ni tihte kan hmu thin a. “Mek, mek”, tih reng mai hi a ni a. Hengte hi kan ramah Pathianin a thlawna min pek a ni a, thli tamna tlang tha tak tak kan nei a. Senso tlem zawka kan tih theihna tur a nih chuan a lawmawm hlein ka ring a. Ngaihtuah chhonzawm zel nise a tha ka ti a.

Tin, tukin zinga Unstarred Question, Pu NK Chakma, kan member zahawm takin a chhanna kha kan hmu theuh ang a, nichina a rawn sawi kha, khatah khan 2008 atanga kumin May 2011 thlenga Power kan lei tawhna zat hi vaibelchhe 199.28 a ni a. Power kan hralhna atanga kan sum hmuh zat hi vaibelchhe 251.55 a ni a. Tichuan kan hlawkna, kan hlep chu vaibelchhe 52.27 a ni daih mai a ni. Mipui hnenah, “Kan insengso, kan leina aia hniamin kan hralh”, kan tih kan tih lai hianin, hei kan lo hlep reng alawm mawle (SPEAKER : tihtawp tum deuh tawh rawh aw) aw ka titawp dawn tawh e. Hetiangte a nih chuan a rate-te pawh hi hei aia tihhniam theih alo nih hi mawle. Chuvang chuan heng figure sawrkarin a pekte hi adik a nih si chuan kan inngaihtuah a ngai hlein ka hria a. Chuvangin kan hotute hmalakna a fakawm, kan Resolution hi, “Hma kan lak mek hi tha taka chhonzawm zel tum rawh se”, tih nise chuan a lawmawm khawpin ka ring a. Amaherawhchu, MoU te sign ek ek te an ni a, Project thenkhatah chuan, hetih laia lawmthu lo sawi kha a advance deuh palh ang e a, tan zual sauh nan hmang se la, Pass rih lo phawt mai ilangin, mipuite pawh hian min han thlir ve phawt sela, awm an tih deuh hunah te rawn pulut leh sela a tha deuh zawk dawn lawm ni, ka ti a, han thlawp mai kha chu harsa ka ti deuh a ni. Ka lawm e.

S P E A K E R : Tunah chuan Pu Lal Thanhawla, House Leader, Power changtu ni bawk ilo sawm ang.

Pu LAL THANHAWLA, CHIEF MINISTER : Ka lawm e, Pu Speaker, minute engzat nge ka neih? Darkar chanve ka nei em? (SPEAKER : Minute sawm velah khung han tum phawt la) E, ava harsa dawn ve aw.Engpawh nise Pu Sepaker, ka lawm e. Chawhma lamah khan tawngkam thiam leh thiamlo te kha an rawn sawi a, a lawmawm khawp a, keini hi chu pulpit language hi kan hmang ve zen zen lo a, chuankai ve zeuh zeuh mah ila. Aizawl tlangval hawklak , khawlai miin an hman hi ka hmang tam deuh ber a, kha tun maiah khan kan member zahawmtak Dr R.Lalthangliana khan heng angte pawh hi NLUP ang mai mai hi a ni leh anga a ti a, a ti lawmawm ka ti a. NLUP kha an ring lo em em mai a, a dawng lo tur khan an nghakhlel em em mai a chanchinbuah khan an ziak an ziak mai a, tichuan an nghahhlel ang ngeiin a lo thleng ta a, an la ngawi chuang lova instalment chuti khati an la ti ta zel a, an pe tlem lutuk, nuai khat pe tur khan cheng sing hnih khat lek lek an pe an ti a, mahse hei kan Minister

zahawmtak Pu Mathana hian fapa tlanbo nen khan a tehkhin a, a dik viauin ka hria a. Fapa tlanbo pawh khan a pa hnen atang khan a ro kha vawikhatah khan la vek lo se instalment-in dil se chu khati em em khan a rethei lovang a, a tia, chutiang deuh chuan keini pawh hian instalment-a kan pek loh chuan an retheihpui ang tih kan hlauh avangin kan pe a ni a. Mahse heng power chungchang an sawinaah pawh khan NLUP ang bawk tho tur anga an sawi kha a lawmawm a, a rinzia a rawn sawi a, a lawmawm hle a ni.

Tin, NLUP kha an han sawi nep nasat em avang khan keini ang kha chuan Saipui kallai Ui tang rualin a bauh ding ngai lo ang hian tuman an bauh ding dawn lo kan ti mai a, tuman an bauh ding ta lo reng a, hei a kal ta ngut ngut reng a, chuvangin language dik tak a ni a.

Tin, Rawtuai haka thihte hi keini ang tan chuan kha language kha hman ve phak a ni lova, siam ve thiam tur chi pawh a nilova. Vanneihthlak takin MNF hotupa ber khan ramhnuai atang khan remna leh muanna atan lalthuthleng kianin an lo haw thei dawn tih an hriat hnu khan lehkha mi rawn thawn a, Pu Hawl hei nang bawk lo chuan min tanpuitu tur hi kan hre love, ramhnuaiyah kan awmnaah tam a tla a, riltam dangcharin kan awm a, tin, malaria avangin kan khua a sik a, uithak vei lo lah kan awm hek lo, damdawi tha leina kan nei silo, hei tam te a tla a, rawtuai hakin kan thi thei takngial dawn e, a lo berah cheng nuai ruk talin mi rawn tanpui teh a rawn ti a. Tichuan, kan khawn ta ngar ngar a, engemaw hnuah chuan kan tlin thei a, khatihlai khan emissary pahnih an nei a, hei vawiinah kan chan ta a, a pawh hle a, Pu H. Vanlalauva leh Pu Aichhinga te kan inkawm nasa hle thin a. Chief Minister bedroom-ah chu pawisa chu emissary Pu Aichhinga hnenah hlan a ni a, an lo hmuh leh hmuh loh ka hre lova, hei Pu Mathana, Minister zahawmtak hian khami lo thleng kha chu ka lawm khawp a, dul hmul khat phuarin chaw kan ei a, kan lawm tak tak a ni, a tih hi ka hria a. Ramhnuaiyah, ramhnuai sipai anih lai a ni a, a thleng tih kha a confirm avangin a lawmawm ka ti.

Pu Speaker, hei kan hun hmasa lamah hi chuan MW 3 aia lian hi chu State Sorkarin a thawk thei lova. Tui, lui lian deuh hi survey investigation tih nan hian thla riat nilovin kum 3 kum 4 te a duh a ni. Chuvangin, mithiam tak tak pawh hian, a lian an ngaihthahin, chuti kha ti an han ti a, a awm viau mai, mahse, chhungril hre ve lo tan hi chuan tih mai awm hi a ni a. Mahse, survey investigation tih nan hian a lo berah kum thum kum li a duh. Chuvangin, khatianga lian ti tura kan hotuten a ti thei tute an rawih ruai lai khan, ate te pawh kha tuna kan mamawh nghal kha a ngai a ni, tu Sorkar pawh ni sela. Tin, chutih lai chuan Non conventional sources of energy ministry a awm a. Chumite chuan 75% of the project cost kha an tum lehngal a. Chuvangin, a te kha lak zung zung loh theih a ni lova. Power kan mamawh avangin. Chutianga alo hmin hmasa ber chu Tuirial Hydrel Project Mw 60 pechhuak thei tur kan tih kha a ni ta a. Mahse, Central Sorkar-in a khuahna tur pawisa mi pek theih loh avangin sorkar hrang hrang kan hotuten an dawr a. Tichuan a tawpah chuan Overseas Development Fund atangin Japan Sorkar khan min tanpui an tiam a. Engineer-te wawi engemaw zat an lo kal a, tikhan sum min pek khan a bul kha tan a ni a. Kum 1998-ah khan a lungphum kan phum a ni

tih ka sawi tawh kha. Tichuan, NEEPCO in an bei chho va. Tichuan kan phur hle a, Japan ho pawh an engineer ten anrawn en a, an phur hle a.

Tin, chumi rual chuan Tuivaite pawh anrawn en a, Japanese ho khan. Chumi Tuirial lung kan phum ni chuan Tuivai te pawh anrawn en a Japanese ho khan. Chumi Tuirial lung kan phum ni chuan Japanese ho chuan, Overseas Development Fund a hotute chuan ka pu nakum tun ang hunah hian Tuivai 210 mega watt pawh hi a lung i phum leh thei ang, min ti nghe nghe a ni. Amaherawh chu, a lung kan phum a, kan tla ta a. Khata tang khan kum 10 chhung kha chu Tuivai chungchang kha keini ang duang chuan a ri kan hre ta lo a ni. Tin, Tuirial pawh khatiang khan a lo sawngkawn dan kan hria a ni. Tin, Serlui 'B' hi khuah kan tum a, khatihlai khan mega watt 9 in kan engineer te khan an ti a. Deputy Chairman, Planning Commission Pu Pranab Mukherjee hi a ni a, min phurpui a, sum pawh min pe a ni. Tichuan a tul ang ang an han thawh a, hmalakna tur kawng siam a ngai a, Power & Electricity Department-te an inbun a ngai a. Khang bun zawng zawngna atan khan cheng vaibelchhe 5 chu tam lo tak a ni, kawngte pawh sial thar chawp vek a ni. Mahse an han chhut an han chhut khan Project cost tur atanga an han tih khan power unit cost, production cost kha a to lutuk dawn avangin mithiam zawk ten abandon turin min ti a, keini chuan kan hreh khawp mai. Mahse mithiamte thu ngaichanglo thei kan ni lova, mithiam kan nih ve loh avangin. Chumi avanga abandon kha a ni tih hi Mizoram mipuite hi an chian theihna turin Member-te hi chiang hmasa ila ka duh a. Tichuan, tunah hian anrawn chhunzawm leh a, a lawmawm a. Keini pawhin kan chhunzawm lo thei lova. Tichuan kan han chhunzawm takah hian thil fello awmte kan hotuten han tifel chho zelin tunah hian commission ngei kan duh a sorkar hmasa hma lo lakna hi, theipatawp kan chhuah chho a ni. Tichuan, December 31, 2008 atangin June 31, 2011 thleng khan cheng vaibelchhe 16 zet kan sen belh a. Ti hian bat kan la nei nghe nghe a ni. Chutichung chuan tunah hian a chhia a awm ta tlat mai a khutah a lui mawng/chhuat lamah a ni a. Chu chu siam a harsa khawp mai a, mahse kan Department hotuten mithiam tui thuka luta zu siam thei tur awm chi kha an chah chhuak a ni. Chumi an chahchhuah chu a hire man kha a to khawp mai minute 15 tui hnuai an thawh chhung khan cheng 15,000 mi pakhat zelah a ni. Tichuan a chhe siamtha tura an beih chhung zawng kha khami minute 15 zela chhut khan cheng vaibelchhe 2 leh nuai 50 kan seng a. An hlawhchham ta tho a ni. Amaherawhchu, sorkar hmasa lo tih tawh anih tawh avang khan ka'n hotuten i um zel ang theihpa tawp i chhuah zel ang an ti a, tichuan kan Chief Secretary hi Power Secretary anihna anga inrawnin Delhi-ah kan Principal Adviser-in mithiamte rawnin a tihthat dan tur lo bawhzui teh se kan ti a, tichuan ani chuan Pu P.K Kokoti, kan Chief Engineer hmasa, tunah chuan French Power Company-in Consultant-ah an ruai tawh a, chungte leh Ministry amite nen an sawiho a. Chuta an sawihonaah chuan an rin dan chuan a tha a, a design-te hi dik lo a, a dik lo chungin contractor-ten an thawk chhova, chung velte pawh chu endik a ngaih bakah chung kan mithiamte nen chuan Aizawla lo kal a, en a, helaia kan Engineer-in-Chief, P&E te nen chutiang anga a bul design atanga an chhova khawiah nge a dik loh a, engtia rectify tur nge anih ang tih kha a bul atanga endik a ngai a ni tih note kha tha tak minrawn siam sak a, kha kha tunah hian bawhzui tum mek a ni.

Chutiang ang chuan Serlui 'B' Hydel project hi Pu Speaker, Sorkar hmasa hma lo lakna hi commission mai se min duh a, MNF unauten, kan chak khawp a, mahsela ala commission theih loh a ni tih hi member

zahawm takten hria se ka duh a. Khatiang zat kan sen tawh hnuah leh a li mawnga a khawl chhia siam tha tura khati khawpa to kan department hotute pawhin an lo rawih tawh hnu pawhin an hlawhchham lailet der a, i abandon mai ang tih tawh mai awm tak anih laiin kan hotuten a ni lo ve, a tih dan i ngaihtuah zel ang tiin, Delhi-ah mithiamte an han ruai zel a, chung mithiamte chuan diklo a awm a ni ang, thil awmdan hi endik a tul anih hi tiin. Kan zavaia remchan tlan hunah Aizawla lo kal a, a hmuna sawiho a, sum sen dan turte sawia a hmunah sum sen angte kan inhuam thei dawn anih chuan a hmuna zu bih chian an duh ta a ni, expert ho hian. Chuvangin MNF unauten an duh ang ngeiin commission ngei hi kan duh a, mahse commission tur chuan a kawng ala thui deuh hlek a ni tih hi kan hriat tlan atan ka sawi duh a ni.

Tin, zingah khan zawhna a lo chhuak a, sorkar hmasa hunlai khan mega watt engzatnge an siam tih a awm a, 32.47 tih kha ka chhanna tur a nia, mahse a lo chhuak hman ta lova. Chung an siamna tur zawng zawng kha Teirei, Tuipang, Tlabung etc. te 1994 Congress hunlai vela tan deuh vek a ni a, heng Kau Tlabungte phei chu an test-a an tieng hman nghe nghe mahse tun thleng hian duh angin a awm thei ta lo hi a paw khawp mai. Bairabi ami hi kan hunlaia kan propose ang chuan mega watt 20 pechhuak thei tur a ni a, enge hmang ila tlawm thei ber ang ti a kan ngaihtuah laiin kan tla ta a, sorkar tharin Mega watt 20 vel turin a duang chhova an commission ngei mai a, mahsela a hman man hi a to khawp mai a, keini ang sorkar tan hi chuan Bankrupt theih maina tur a ni a. Chuvangin kan hmang ngam lova, amaherawhchu, pawimawh zualah World Cup Football lai khan Zoram in thataka ram kilkhawr berah pawh kan en theihna turin tiin nikhatah vaibelchhe tam tak sengin khami hun lai atan khan kan hotuten an run char char a ni, chutiang chu a ni a. Chuvangin heng ang hi chu awm lo angah tupawh lo sorkar sela ngaih mai loh chuan sum senna tam lutuk avangin thil a harsa a ni.

Tin, kan Resolution hi Pu Speaker, kan chhiar chian chuan hmalakna tih mai a ni a, achievement tih a awm lova. Chuvangin a duh lo tute tan pawh tlawmngaiha han lak vak tur pawh a awm lova.

Tin, Megha watt 460 pechhuak thei tur Kaladan Hydrel Project kha kum 1997 leh 1998 khan C.W.C. (Central Water Commission) ten survey investigation an tih theihna turin cheng vaibelchhe nga kan rawn sanction tawh a. Chuta tanga kal chho zelah khan DPR te peihin tiang khan hmalak a ni a. MNF sorkarah a thawktute ruai hmanin an siamtha hman lova, kan sorkar veleh khan rang takin kan bawhzui nghal a, tichuan National Thermal Power Corporation ten an thawk tan tawh a. Chutiang chuan hmalak a ni a, an peih hunah chuan M.W. 60 lai pechhuak thei tur a ni.

Tin, Bairabi Hydrel Project hi sawi a hlawh a, a tha a, sorkar tin hian Power chu kan neih theihna turin hma an la a, Pu Chhunga pawh khan hma a la a ni tih hi a hrechiangtu ka ni a. Tin, a hmalakna pawh Bairabi Hydrel Project tho khu a ni a, a dang chu ka hrechiang viau tawh lova tunah chuan, chutiang chu a ni. Tichuan, P.C hunah khan survey investigation ti turin NTPC te rawih an ni a, anni chuan an rawn ti ta ngei a, amaherawhchu rambuai karah thlariat chungin DPR kha an zo hman a ni, an DPR report-ah pawh khan a pheh 8-na

leh engzatnge ka hre chiang tawh lova, chutiang chuan a inziak chiang kalh a, thlariat chhunga zawh a ni.

Pu LALTHANSANGA : Pu Speaker, kha kha nia, Dam site tur hnuai khami hall 72 an dawhna lai a ni lo maw, khati lai te kha thlariat chhunga an zawh kha a niin ka hria a. A project hrim hrim chu Central Minister pahnihin a hmunah an tlawh a ni a, 1979-80 khan.....

Pu LAL THANHAWLA, CHIEF MINISTER : Detailed Project Report kan pe a, tichuan thawh tan turin an ti a, khatih laia Power Minister, Abdul Chowdhury khatiang ti tura an ko chhuak thei pawh kha a ropui hrim hrim, kha Sorkar kha, ropui tak a ni. Central Power Minister kha ‘Hei, DPR an peih ta e’ tih lawm tur khan an ko chhuak thei a, ran lu kim an talh a, ropui tak a ni, khawvelah a awm zen zen ka ring lo, World Record an siam a ni. Keini Party pawh min sawm a, Pu Sangzuala leh Pu Saikapthianga te kan Party aiawhin an kal ve nghe nghe a, Motor nei zawng zawng chu Officer kha kal tur tih order a ni a, an kal vek a, ran lukim an talh a, DPR an pe a, hna hi thawhtan theih a ni maithei a ni tih lawmna kha a nia, ropui tak a ni. Thudik chu sawi mai tur inpuh inpuh tawn tur a ni lova, thudik hi he House-ah hi chuan sawi ila, a tha mai a, inpuhmawh tur a ni lo, a dik kha sawi tur a ni. Amaherawhchu kan lo sorkar ta a, chu DPR ngei chu Delhi lamah Pu Sainghaka chutih laia Power Minister nen kan kalpui a, Minister kan biak hnuin Joint Secretary-te kan kawm thla zel a, Central Electricity Authority (CEA) ten an approve theilo a ni. Pu Denga hoin Sorkar intawm kan siam leh a, ani pawh khan kan beih tawhna te sawiin theihpatawpin kan bei ho leh a. Mahse CEA approval kha hmuh theih a ni lova, chuvangin a ngai ngai leh a nih ang ang kha chuan thawhtheih a ni lova, a chhan chu Tlawng hi kan ramah chuan lui lian ber a ni a, Chhimtuipui tih loah chuan. Detailed Survey Investigation ti a peih tur chuan a lo berah kum 3 kum 4 a duh a, a chhan chu fur hrang hrangah kum 2, kum 3 kum 4 chhungin engangin nge rainfall a danglam, water volume a dang lam, chu chuan a soil engtinng a lo khawih a, weather chu mi khami tih zawng zawng kha kum 3, kum 4 en a ngai a. Chutiang chu anih avangin tuman an titlang zo ta lo a ni. Mahse chhonzawm zel kan duh a, kan sorkar hmasa lamah khan Minister of State for Power neitu kan ko chho a, kan hmehhriat thate an ni a, amah ngeiin Aizawlah khan a revised leh ang Survey Investigation kan tinawn leh ang tiin NEEPCO te a rawn tir chho a, NEEPCO khan an han en laih laih a mahsela sum an neihloh avangin kum thum kum li helai vela han cheng tur chuan an ti hleithei lova, an abandon leh ta a ni. Tichuan, Project tha a nih avangin chawhlsan mai kan hotuten an tum lova, kan sorkar tum thumna tawp dawn lamah khan survey and investigation titha leh turin Prime Minister hnenah kan hlen a. Ani chuan Brahmaputra Board min kawhhmuh a. Brahmaputra Board hotute nen chuan kan sawiho a. Anni chuan survey and investigation min tihnawn leh sak kha an inhuam thu min hrilh a. Tichuan, Central sorkarin sum an pe a, survey and investigation kha an conduct leh ta a ni, Pu Speaker. Khatih lai khan power lama expert inti PC Party-a kan hotu thenkhatte phei kha chuan min nuihzat a, “Brahmaputra Board hi inbumna mai mai a ni, Brahmaputra Board chu Brahmaputra tuilian danna tur ngaihtuah tura Central sorkar agency mai an ni a, helampang hi an tih chi a ni love”, an ti a. Amaherawhchu, an kal chho ta zel a. Tichuan, PC unaute leh MNF te sorkar intawm lai khan DPR chu peih fel niin khatih hunah khan submit a ni ta a ni. Chuvangin, Brahmaputra Board kha Brahmaputra tuilian chauh enkawltu turte an lo ni lova, an lo nuihzatbur awm love tih chu kha khan a rawn finfiah ta a ni.

Tichuan, MNF sorkar pawh khan a bawhzui zel a, tunah hi chuan clearance engkim pek a ni tawh a. Kolkata company pakhatte chu Letter of Intent pek an ni tawh a. Tin, chumite chuan tunah hian Letter of Intent pek chu an pawm tawh thu min rawn hrilh a. He Company hi Measures Project Private Ltd. Kolkata te an ni a. Hei hi ni 25.11.2010-ah khan kan pe a, anni hian an pawm thu an rawn sawi tawh a. Chuti anih chuan, Memorandum of Understanding draft rawn thehltut tura tih an ni a chu chu tunah hian Empowered Committee-in a examine mek a ni, an pawm theih chuan anni hi a hna thawk turin entrust an ni ang, chuvangin, PC unaute pawh helaiah hi chuan lawmthu sawi an duh loh pawhin lo hre ve mai mai se ka ti a ni. (Interruption) a tir ami kha chu a phak zo tawh lova, a chhan chu a tir a mi anga kan tih kha chuan a area kha a thui dawn a, tuna Highway-te khu a chim ang a. Tin, proposed highway-te pawh hi a chimna lai tur a awm dawn avangin a area hi an reduce a.

Pu LALTHANSANGA : Pu Speaker, kha kha a investigation report kha Brahmaputra ho tih kha an pawm em ni, tun ami ang khan.....

Pu LAL THANHAWLA, CHIEF MINISTER : Engkim clearance a awm tawh a, chuvangin hnathawktu tur an zawng mek a, tichuan, PC unaute thil tih kha tihpuitlin sak ngei kan tum a ni. An Sorkar dan kha ni e, Pu Duha khan fiamthu pawh thawh tur a ti a, thutak kan sawi mai ang a. An sorkar rei dan an sawi kha khatiang khan ka lo chhut ngai lova, kei mimawl a thuin, khatia thawh lawr kha chuan an lo sawrkar rei khawp mai a. Tunah hian MNF ho hian hawh leh an tum em maw ni le ka hre lova, kan la pawh thlak sak ve leh maithei a, kha kha a nia, a dang kha a tam khawp mai a, nichinah kan hotuten an sawi tawh a.

Tin, tunah hian kan hotuten in hriat lar vak loh tur leh keini pawhin kan hriat lar vak lem loh chu hei, Lungreng mega watt 815 pechhuak thei turte, saw tah sawn Kolodyne, Chhimtuipui hi 460MW pechhuak thei tur tih chunglam pangah daih khan a ni a. Tin, khati chung khan Chhimtuipui hi 635 mega watt pechhuak thei tur tunah hian NEEPCO ten Survey investigation an ti mek a, Lungrengte pawh kha chutiang tho chu a ni a. Tin Mat hi mega watt 76 pechhuak thei tur hengte pawh hi DPR tunah hian update mek a ni a, an submit tawh a ni a, mahsela tihdanglam a ngai a, a hmasa ang chuan, khami kha kalpui anih khan tuna lei saw a chim dawn a, chuvangin a khuahna tlanga kalin Zobawka kal tur a ni a, chutah chuan kawng kilometers pawh kha tlem a tawi hret tur anih laiin chumi ang lo tur chuan an desing kha tlem an thlak lehah ka ngai a, chutiang chuan tihthat leh a ni. Tin, mega watt pekchhuah tur pawh kha 76 a ni ta a ni. Tin, khang lo pawh kha Tuichawng te, tiang kha a awm nual a sawi tawh lo mai ila, nichinah khan kan sawi tawhin ka hria a. Tin, heng Lungreng te, Chhimtuipui te mega watt 635 pechhuak thei tur zawk hengte hi Burma nena a khuahna lai khan a chim turte a awm ve a, chungah pawh chuan Burma sawrkar nen inbiak tawh a ni a, tin Burma sawrkar hi tunah India sawrkarin kawng tam takin a kep a, power-ah te hian an chhe em em a, hei tunah mai pawh khan khawchhak lamin an lo en ve nge ka hre lova, Rangoonah pheih chuan Mizoram ai in nasa takin kan chhe zawk a ni tih sms in min rawn hrilha, chutiang chu anih avang in Burma sawrkar khian power hi an duh ve hle

a, chutiang zawng chuan kep theih dan turte pawh awm dawna an beisei vang te pawh a ni anga phal takin an lo ti a ni.

Tin, Tuirini Megawatt 38 pechhuak thei tur leh Tuivawl mega watt 42 pechhuak thei turin tunah hian kan Power Committee-in a rawn siamtu tur an dawr mek a, tun atanga reiloteah MoU sign theih beisei a ni. Tin, nichinah khan Member zahawmtak Pu Duhoma khan a rawn sawi thuakin ka hria a, hemi JV Coal block and power plan tih hi tunah hian Bihar-ahte, Chhattisgarh te, Orissa te dawr an ni a. Hei hi tender chhuahin tunah hian Subhas Projects-te hian an chhang sang ber ni turah ka ngai a, Empower Committee-te nen indawrin MoU draft-te an enho mekin Empower Committee-te nen chutiang chuan an ngaihtuah mek a ni a. A kalphung hi ka hrethiam ve lova, keini ang mi mawl tan chuani hemi hi neih theih anih hunah chuan power hi a lo berah 500 – 1000 mega watt a pechhuak thei dawn a ni an ti a, chutiang chuan ruahmanna hi a kalchho mek zel a. Chuvangin, Pu Lalrinawma Member zahawm takin resolution a rawn putlul hi he Congress Sorkarin power lama kan intodelh theihna tur atana hmalakna hi tihna mai a ni a. Achievement a ti lova, chuvangin hmalakna na na na lo pawm theilo kha chu an thu nisela. Hmalakna hi, member zahawm tak Pu Duhoman a sawi ang khan tha takin kal thei zel sela, atih ang khan tha taka a kal zel theihna tur leh sorkar pawh a phur theihna turin Pu Rinawma, member zahawmtakin hetiang a Power lama hmalakna kal zel atan encouragement resolution a rawn pulut ve niah ka ngai mai a. Chuvangin ka rawn support ve a ni e.

S P E A K E R : Chhimtuipui a tih kha sawmi Phawngpuitlang chhak, Archhuang sawmi chhak saw a ni a. Tin, Lungreng a tih kha khiti lai Cherhulun bul Lungreng tlang chhak khimi Tiau lui khi a ni a. Tikhanin member-te kha in fiah kuarin ka ring a. Tunah Pu Lalrinawma, a resolution neitu kan sawm anga. Sawi belh leh vak tawh lo in pass rawn dil mai se a tha awm e.

Pu R. LALRINAWMA : Pu Speaker, ka lawm e. Aw le, sawi belh vak tawh lovin, amaherawhchu, resolution neitu ka nih angin Pu Speaker, i vei lama mite khan pass-pui theilo an tih deuh hmak hmak avang khan tlem azawng chu han sawifiah ve hlek tur ka nei a. A lawmawm ka ti hle mai a, hei resolution pawimawh tak, thinlung taka tul nia kan hriat kan putlul, member 17 laiin min sawipui a, House Leader nen 18 in. Tichuan opposition member pariat zingah 7 in sawina hun an nei a, duhsak an hlawh hle pawhin ka hria a. Hei project thawh mekte, thawh tawh, lawmthu sawina tur anih avangin thawh mekte kan han tarlang tel bawk a. Khang kha member ten a aia Chiang zawkin facts & figure te an rawn sawi fiah vek a, a lawmawm ka ti a. Pu Lal Thanhawla hruai sorkarin power lama intodelhna tura nasa taka hma a lo lak, Small Hydrel Project 18 kan lo neih tawh zingah pawh 14 ngawt mai ani hma lakna a lo nite kha a lawmawm em em mai a. Congress leh power lama kan mumal lohna hmehbel ziah a ni tih te kha i vei lam amite khan an rawn sawi a. Hengte pawh hi a chhan a lo lang ta a, Pu Speaker. MNF hunah pawh khan Power lamah kan harsa tho a. Amaherawhchu, mipuite khan beisei an nei lo law law a. Chuvang chuan Congress sorkarah chuan beisei an nei sang em mai a. Kan phun nawi thin tih kha vawiina kan han sawi atang pawh khan a lang Chiang em em mai a. Heng Serlui an tihte pawh kha clearance-te awm vek tawh ang khan an sawi a. Vawiin thlang hian Forest & Environmental Clearance chu a la awm lova. Thudik hi kan House Leader-in a sawi

ang khan sawi mai tur a ni a. CE, P&E pawh hi Clearance mumal lova a lo kalpui avang khan CE, P&E hi Environment Ministry khan 2006 ah Show Cause Notice a pe nghe nghe a. 2008 khan Chief Secretary hnenah Responsibility fix turin anrawn ti nghe nghe a ni. Chuvangin vawiin thleng hian clearance a la awm lova. A khawl kha chhe lo ta pawh nise, commission theih pawh a la nih hmel loh a ni, kan House Leader-in a sawi ang khan. Chutiang chu a ni a. Tin, Tuirial te, i vei lam ami te khan, Pu Speaker, Small Hydel Project neuh neuh han siamte hi a tul lo zawk leh a lian law law tih angte kha an sawi a, induhthawhna a ni a, a lawmawm a. Amaherawhchu a te pawh siam chuang silo, a lian an lo siam sa Tuirialte pawh hlamchhiah angreng si te kha a thalo lehzuala, tin, vawiinah kan intodelh phah lo tihte kha an han sawi a, small project-te, helaiah hian hmalakna an nei ve a nih chuan lawmthu sawina Resolution-te kharawn pulut ve sela. Thil min hriatchhuah tira Pu Speaker, nu pakhat hi a fanu sikul kal rual a ni tawh hle mai si a, an khawtlang MHIP te khan, i fanu hi sikulah luh tir ve tawh rawh an ti a, a len hunah High School ah law law lut rawh se, ka tia ni a ti a. High School law lawa luh kha chu a duhawm hle mai a, tichuan small project kan tih theih chhun lo tih te, a lian law law tih kha he thu hi kan hriat chhuah phah a ni a. Tin, Pu Speaker, Bible hian hun hnunung ami lo awm tur te a lo sawi lawk a, kawhmawh bawl te, mi luhlul te, lawm nachang hrelo te, kawhmawh bawl leh mi luhlul an nih loh chuan lawm nachang hrelo zingah hian an tel palh ang tih hi ka hlau a. Tichuan Pu Lalthanawla kaihhruai sawrkarin hma a lak mekna te, hma alo lak tawhah te hian he House hian lawm ngawih ngawih tur kan ni. Tuirial megawatt 60 han tharthawh leh ringawt te, Tuivai megawatt 210, hemi Central-in Pilot project atana min han pawmsak tate, hemi 2 ringawtah pawh hian lawmna tham a tling a ni tih hi kan sawihona atang khan a lang ta a, mipuiten minlo thlir anga Pu Speaker, lawmthu sawina Resolution hi an van pulut har zawk an lo tih ngei ka ring a ni, chuvangin min pass-pui ngei turin ka'n ngen a, ka lawm e. Min adopt sak ngei turin.

S P E A K E R : Pu Lalrinawma'n a resolution pawmpui turin min sawm a, adopt remti apiangin 'remti' ti ru le, remti lo kan awm chuan 'remti' lo ti ru le.

Awle, Pu Lalrinawma resolution "Power lama kan intodelh theih nana Pu Lal Thanawla hruai sorkar hmalakna hi lawmawm kan ti" tih chu House-in a adopt ta a ni.

Pu R. LALRINAWMA : Pu Speaker, ka lawm e.

S P E A K E R : Vawina kan business chu kan zo ta a, kan chawl tawh anga, naktuk Inrinni leh a tuk leh Pathianni hi kan chawl bawkan anga, ni 18.7.2011 Thawhtanni zinglam dar 10:30 ah kan thukhawm leh dawn nia. Sitting is adjourned.

Sitting adjourned at 4:48 P.M.